

煙
灘
路
工
賑
紀
略

煙濰路工賑紀略目錄

卷首

序

本路略史

圖畫

卷一

緣起

工賑之籌備 交通部議案一件 交通部呈大總統文一件 大總統指令一件

工賑之範圍 交通部呈大總統文一件 大總統指令一件

工賑之款項 交通部訓令二件 國有各鐵路附收賑款規則

工賑之波折 交通部通電一件 山東督軍致交通部電一件

路工處之編制及規章

處長之選派及辦公處之設立 交通部致田督軍咨省長電一件
函一件 電一件 呈文二件

辦公處之遷移 呈文一件

開工典禮 電二件 來函一件

人員之借調 呈文三件 交通部指令二件 函三件 來函二件

煙濰路工賑紀略

諮議之聘訂 函三件 來函一件

規則之編訂 呈文一件 通告二件 編制規則 各項簡章

工段之改組 函一件 呈文三件 電一件 來電一件 交通部指令一件

卷二

交涉

工員被毆之交涉 電一件 呈文一件 函二件 來函二件

外界之誤會 交通部訓令一件 呈文一件

虐待災民之謠傳 來函一件 山東賑災公會致交通部函一件 函一件

卷三

請獎

沿綫縣知事及紳商之獎勵 呈文二件 交通部指令一件 來函一件

盡義務植樹之獎勵 呈文一件 交通部指令一件 來函一件

捐置義塚施捨棺木之獎勵 呈文一件

免費運送災民之獎勵 呈文二件 交通部指令一件

出力員司之獎勵 呈文二件 交通部指令二件

卷四

工巡

工巡隊之籌辦 呈文一件 交通部指令一件

工巡隊之管理規則 呈文一件 交通部指令一件

工巡隊之擴充 呈文一件 交通部指令一件

卷五

賑務

選送災民之手續 簡章五則 函二件 來函一件

選送災民之數目 函四件 來函五件 電二件 呈文一件

運送災民之情形 呈文一件 函三件 來函二件 交通部致青島鐵道部函一件

工人之逃逸及預防法 函一件 來函一件

工人之管理 管理工人新章十二條 布告五件 自新所規則九條

工人之滋事及彈壓情形 函七件 來電一件 通告一件

工人安家費之滙寄 來函十件 函十二條 來咨一件 電四件

工人醫藥撫卹 衛生規約十條 修正衛生規約六條 函三件 來函一件

工人之遣送 函十一件 來函二件 電九件 呈文二件

工賑之結束 呈文三件 函二件

卷六

購地

地畝之丈量及發價

函三件 來函一件 呈文三件 交通部指令一件 山東省長文二件
山東省長咨交通部 發還地價短債券條例十則

購地之規則

呈文一件 大總統文一件 電一件 函二件 布告四件 來函一件 購地規則三十六條 交通部指令四項

購地之轉讓

來函二件 函二件 呈文一件 交通部指令一件

卷七

測勘

測勘之經過

函三件 呈文四件 來電二件 電三件 烟台總商會致交通部函一件 龍口商會致交通部函一件 來電八件 電四件 來快郵代電一件 快郵代電一件 函六件

地方改綫之要求

龍口商會致交通部函一件 來呈文一件 函六件

卷八

工程

橋梁之建築方法

呈文一件

卷九

材料

材料之管理

管理材料規則五項

卷十

器械之借用 來電一件 函一件 來函一件

材料之購置 呈文二件 交通部指令一件 函一件

材料之標購 函四件 投標格式 投標簡章十款 來電一件 呈文三件 交通部
令三件 來呈文一件

材料運輸免稅之交涉 交通部令四件 電二件 來電二件 函六件 呈文一件
稅務處咨交通部文一件 財政部咨交通部文一件

會計

會計則例 呈文一件 函一件 交通部指令一件

員役薪津工食等之開支辦法

資本支出之預算 呈文一件

用款說明

營業

營業收支之預算 呈文一件

營業之計畫 來函二件 函二件 呈文三件 交通部令二件 交通部咨山東省長文一件

卷十一

調查

商務調查一則

煙濰路工賑紀略

煙臺路工賑紀略

古物調查一則

六

序

吾魯居南北之衝府海官山自古號稱重鎮膠東一道雖偏處海隅而地多沃壤物產富饒民俗好義蔚起人文魚鹽之利猶其餘潤固不徒泱泱大風雄夸表海已也有清末葉朝政不綱嗟我輻隕日盛百里德人乘機伺釁以曹州教案爲口實而喪權失地之約成於是膠濟鐵路之築之累本通商鉅埠輪舶往來如織苟無鐵道相輔而行則轉輸容有稽遲百業因而鈍滯於是青齊之商場遂爲膠澳外僑所壟斷吾魯人士與旅煙商僑有慨於此恒擬鑿金自築煙臺至濰縣一路藉以救弊起衰事與願違因循未果共和肇造歐美旋起戰爭波及亞東會盟參戰日遂進窺青島逐德意志而暫襲其所得權是時也國內有志之士復有建築斯路之策然旋議旋輟終於無成九年秋北五省旱魃爲虐赤地數千里當軸議於交通四政附加賑捐時番禺葉公方長交通首建以工代賑之議先築滄石煙灘兩路爲之初基試行汽車備將來改築鐵軌以德三籍隸膠東又嘗於煙灘間從事調查悉其情勢爰畀以茲路工賑主任計自是歲十月之朔舉行開工儀式至十年冬全路工程大致粗具會蓬萊高公繼長交通檄德三承乏路政司長令仍遙領運輸諸務願經緯萬端窮於因應賴高公示以機宜毅力維護鏗而不舍遂慶觀成其間測勘購地鑿山通道設渡架橋以及徵發災民督率工役諸計畫已畧載於篇茲不具述德三術慚輪扁跡效愚公旣感中外長吏之推誠復得桑梓父老之贊助幸有裨於荒政喜同騁夫亨衢慘淡經營咨可謂難已曩其事者強半於部局調用復遴委夙所器異之士或昔年舊雨或邇歲同舟受極薄之酬肩綦重之任黽勉從公有功


不伐斯固交通當局平日養賢育才之效然與德三肝膽相見豈易得哉豈易得哉時序推遷滄桑迭變忽忽六七年矣緣工賑造路在我國事屬創舉案牘餘閑爰撮錄關於茲路工事文牘排次成編名曰煙灘路工賑紀略都爲十二卷匪敢自矜成績聊以識其梗概藉供海內慈善家工程家之評騭庶冀指其疵類焉耳而於同志諸君子頻年規畫之盛心尤爲吾國談史歲者所不可泯沒者矣丙寅七月平度趙德三識於京師

本路略史

烟灘路關係重要夫人而知惜昔年民風閉塞無人提倡迨前清光緒二十三年十月初七日鉅野縣天主堂教士二人爲匪所殺德國政府引爲口實要求租借膠澳於光緒二十四年二月十四日政府派大學士李鴻章總理各國事務大臣翁同龢與德國公使簽訂條約德人大願已償而煙灘路權之喪失亦胚胎於此矣民國三年八月六日因歐戰我國宣告中立未及半月日人竟藉口保衛英日同盟並除去遠東和局擾亂之根因而占領青島並繼承德人一切權利煙灘路權遂又爲日人所有歐戰告終國民奔走呼號力爭青島賴友邦協助膠澳租借得以廢止煙灘路亦許我籌款自造矣青島爲德人經營後人民漸知鐵路之便煙埠商民譚君宗灝孫君文山等提倡築鐵路於先復有張君德山等繼之於後以集股爲艱旋起旋墮終未成立民國元二年間煙台鉅紳劉君子琇于君梓生等又發起商辦議定先行借款以速其成而以招股爲贖路之預備曾經呈請立案並在煙台設立籌備處派員測勘惟工程頗鉅需款浩繁專恃商力以致未底於成誠憾事也

煙臺跨工賑紀略

烟 濰 路 綫 圖



圖例	道界	縣界	通治	縣治	鐵路	航綫	陸地電綫	海峽電綫	江湖	山脈


比例尺 1 萬 分 之 一

0 10 20 30 40 50 60




編者小像

災 民 工 作 狀 況



災民午飯狀況




災民移棚狀況




(一) 況 狀 難 困 行 旅 路 舊



(二) 況 狀 難 困 行 旅 路 舊



開關蓬萊西莊石山撮影




開關煙台山西撮影




五公尺四孔木橋攝影




十公尺兩孔木橋(一)



(二) 橋 木 孔 三 尺 公 十




(三) 橋 木 尺 公 十




(一) 橋 木 孔 兩 尺 公 五 十




(二) 橋 木 孔 四 尺 公 五 十



洞 涵 形 卵 半 尺 公 一




橋 礮 質 石 尺 公 四



洞 涵 質 石 尺 公 三




橋 璇 雙 質 石 尺 公 四




橋 璇 孔 三 質 石 尺 公 三




橋 璇 孔 三 質 石 尺 公 五




二 公 尺 石 質 六 孔 方 洞



(一) 湯 水 橋



(二) 橋 水 漫



(三) 橋 水 漫




房 夫 道 巡



27


蓬萊城北門之外護堤(計長二百公尺)




閣 萊 蔭



萊 蔭 小 之 頂 皇 玉 台 嬪



煙台玉皇頂全景



烟灘路工賑紀略卷一

緣起

民國九年春直魯豫秦晉數省大旱爲災區域既廣災情復重待賑期長爲近五十年中所罕見各省賑濟之法不同而籌款之難則一政府各機關中比較籌策較易者厥惟交通而求救濟之速要亦無逾於工賑當道遂分飭路電郵航各局報告歲收狀況以爲籌款根據而於部內設賑災委員會規畫賑卹事宜研討之餘以工代賑最爲完善不但目前爲災黎謀衣食抑且他日爲商民留利便然鐵路需款費時不如先從事土路以立基礎且可容納多數災民以期逐漸擴充路政庶幾於民於國兩有裨益預計交通四政附收賑捐年可得五百餘萬元乃擬定先由直隸之滄石山東之煙灘兩路入手修築是年九月呈奉 大總統鑒核十月奉令照准此項預計之款本可從容敷用嗣以他省地方賑務機關要求協濟遂將此項籌定底款劃去一半以放急賑而煙灘路工因之大受影響是則斯路開基厥初之遺憾云爾

工賑之籌備 交通部議案一件 交通部呈大總統文一件 大總統指令一件

交通部議案

竊查本部籌備以工代賑業經規定修築滄石烟灘曹兌三線路基並將臨海西段由觀音堂至滄關一段一并展拓先修路基以期與工地段日多容納災民愈衆此項路基費用大概估計約需銀一千萬元現在本部中款項早已羅掘一空內債外債一時俱

煙灘路工賑紀略



難舉辦反覆籌畫惟有就已成交通事業前收賑捐庶幾集少成多徵收亦便茲經飭司籌議路政一項就客票貨票分別等次噸量附收賑捐每年約可得銀三百五十六萬元電政一項就官商電報部辦電話附收賑捐每年可得四十八九萬元郵政一項就匯兌資例及郵件郵票附收賑捐每年可得七十餘萬元惟航政一項現有航業均係商辦應與商辦之電燈電話山部令知各公司團體勸令酌量輸捐能得若干無從預計茲就可得的款計算每年約近五百萬元此項捐款擬由本部特別會計另款存儲專爲修建路基以工代賑之需不作別用其收支數目應由本部專案造送財政部審計院審核以昭慎重收捐手續由本部責成各路電郵局認真清理專款報解不另派員以節糜費至此項捐款期限擬以一年爲期此次所定捐款按之原定火車票價運價及電費郵費均不過百分之五以下爲數至微手續務簡且係賑災義舉商民自應樂從果能及時開辦以其所得之款籌辦上列各線路基已有得半之數目前一面由部先行墊款開工將來再行由部次第籌款繼續既可濟災情之緊急並可期路基之必成似於賑務路工兩得其利除詳細辦法山部另訂專章令行辦理外合將所擬附收賑捐辦法分別開列敬候公決施行

交通部呈 大總統文

爲籌辦工賑修建路基並於路電郵附收賑捐以資開辦恭呈仰祈鈞鑒事竊查本年北方各省災區之廣災情之重待賑時期之長實爲前此所罕見前曾令飭京漢京綏京奉津浦甯滬海道清各鐵路局派員調查沿線各處災情各電報局報告當地歲收狀況以爲籌賑之根據並在部中設立賑災委員會規畫賑災事宜一月以來調查研究不遺餘力討論所得本部主管權限以內對於賑災事宜惟有多開路工以工代賑最爲切實辦法鐵路不能驟建不妨先建路基幹線不能遽修要可先修枝線暫用僱募散工辦法先行從事土石工程既可容納災民並能進行路政於民於國兩得其利業將滄海西段之觀音堂至濰關一段按照工程計畫展拓興工並擬將山直隸沿縣至石家莊之沿石線由山東煙台口岸至濰縣之煙濰線由山東曹縣至濟寧縣之曹兗線分別先後一并開築路基以期開工地段愈多收容災民愈衆此項路基費用大概估計約需銀千萬元以外現在部中款項早已羅掘一空內債外借一時俱難舉辦反覆籌畫惟就交通已成事業附收賑捐或能集少成多且屬事輕易舉業經飭司籌議路政一項

就客票貨票分別等次噸量的收賬捐每年約可得銀三百五六十萬元電政一項就官商電報部辦電話的收賬捐每年可得四十八九萬元郵政一項就匯兌資例及郵票郵件的收賬捐每年可得七十餘萬元惟航政一項現在航業均係商辦應與商辦之電燈電話由部令知各公司團體勸令酌量輸捐能得若干無從預計但就可得的款計算每年約進五百萬元以上修築上列各線路基已有得半之數此項捐款擬暫以一年為期所定捐率按之原定火車票價運費及電費郵費均在百分之五以下為數至徵辦法務簡收捐手續由本部責成各路電郵局認真清理專款報解不另派員以節糜費收入款項由本部特別會計另款存儲專為修築路基等以工代賑之需不作別用收支數目由本部專案送送財政部審計院審核以昭慎重現在開辦伊始一方籌備開工一方應備墊款或將此項賑捐指國內各銀行暫行抵借或先行借撥他款再由賑捐歸還統由本部切實籌畫從速辦理除滄石煙灘曹竟各線先築路基路電郵附收賬捐詳細辦法業經分案提出國務會議議決外所有籌備工賑修築路基並於路電郵附收賬捐以資開辦辦法由理合呈請鑒核訓示施行 九年 月 日

大總統指令

令署交通總長葉恭綽

呈籌工賑修築路基並於路電郵附收賬捐以資開辦由

呈悉准如所擬辦理此令 九年十月二十日

工賑之範圍 交通部呈大總統文一件 大總統指令一件

交通部呈 大總統文

為修築滄石煙灘兩路路基以工代賑並追加預算緣由仰祈鈞鑒事竊查滄石煙灘兩路一則橫貫津浦京漢直接正太一則東出海口西接膠濟關係北部東西交通均極重要早經本部籌議修築祇以籌款不易致未舉辦此次籌議工賑迫不及待本部議將該兩路提前與辦藉拯災黎前經提出國務會議議決在案查滄石一路自石家莊起點經靈城縣晉縣深縣武強縣及獻縣屬之淮鎮以至滄州計長二百二十一公里共計建築費約需一千萬元當經飭由京漢津浦兩路會同勘估先將該路路基興修所

需一切工程人員卽就該兩路現職人員中支配以期節省約計滄石路基需款一百八十萬元煙灘一路自烟台起點經福山縣蓬萊縣黃縣掖縣以至濰縣計長三百七十四公里共計建築費約需一千八百萬元乃議定仿照滄石路辦法先修路基所需人員就本部鐵路局現職人員分別調派並派委津浦正工程師趙德三爲該路路工處處長趙期前往勘籌一切現據呈報已定於十一月一日正式開工約計該路路基工程需款三百萬元以上兩路所需款項純爲臨時款賑發生未經列入預算業經提出國務會議議決追加八九年預算之內並由國有各鐵路將客貨運輸附收賑款撥充前項工程之用日前應需工款因附收賑款尙未集有成數故滄石一路由京漢津浦兩路局暫爲撥墊如有不敷或指定該款設法籌借以資周轉而促進進行俾路工兵民兩得其利至上項用款不過僅築路基以後修築該兩路軌道各項用費應需若干俟實行建築之時再爲詳加估計呈請鑒核所有滄石煙灘兩路此次先築路基以工代賑並追加預算各緣由理合呈請大總統鑒核施行 九年十月三十一日

令交通總長葉恭綽

呈修築滄石煙灘兩路路基以工代賑並追加預算由
呈悉交內務財政兩部查照此令 九年十月三十一日

一 工賑之款項 交通部訓令一件

交通部訓令

令煙灘路工處處長趙德三

查本年直魯晉豫陝等省秋收甚歉災區極廣本部瞻懷民疾特爲籌款賑濟起見擬定國有各鐵路附收賑款規則業於九月三十日提出國務會議議決應自十月十一日起實行除通令外合將該規則及廣告底稿各檢發五份仰卽遵照並刊大字廣告每日分發各站擇定適當醒目地方張貼並登載各報公佈俾衆週知此令

國有各鐵路附收賑款規則

第一條 今因年歲歉收災區甚廣爲籌款賑濟起見由國有各鐵路附收賑款規定辦法如下

一凡貨客票不論遠近均按下列數目附收賬款

甲頭等洋三角 乙二等洋一角 丙三等銅元五枚

二凡聯運客票每經過一路按上列等級數目照加一倍核收

三每一貨票照所開總數附收百分之五

四每一包裹票照所開總數附收百分之三

第二條 以上附收之款應由各站站長於售票時或收取貨物包裹運費等時一並附收數目一並列入貨單備過記帳運費不
經站長收取時應責成會計處將上項附收之款於收取運費時一並附收並給收據

第三條 各站站長及其他員可應將附收之款按照各該路現行章程連同客貨各款同時送交向來收款之主管人員一面將

附收之款另開清單隨款附送其款項分類如下

一客票項下

頭等票 張附收洋 元 角 分

二等票 張附收洋 元 角 分

三等票 張附收洋 元 角 分

共客票項下附洋收 元 角 分

二運貨 運費總數洋 元 附收賬款洋 元 角 分

三包裹 運費總數洋 元 附收賬款洋 元 角 分

總共匯繳賬款洋 元 角 分

第四條 所有計核及解交上項附收之款應即責成各鐵路現任收受及計核各該路進款人員兼辦

煙濰路工賑紀略

第五條 上項附收之款應由各鐵路於每月月底解交交通部核收

第六條 凡軍運運輸本路及各路材料運輸以及免費減價慈善等運輸均行免收賑款

第七條 以上各項附收賑款概以大洋計算如以小洋繳納者每小洋一角應貼水銅元二枚

第八條 本規則自本年十月十一日起實行

交通部令

茲訂定交通部附收工賑會計規則公布之此令

交通部附收工賑會計規則

第一條 交通部直轄國有各鐵路電報電話郵政各局所及其他交通機關所附收之工賑款項專充滄石煙灘曹堂三路路基

工賑之用不准挪充別項用途

第二條 本部及所屬各機關辦理附收工賑款項不得在內動支絲毫作為辦理經費

第三條 附收工賑款項鐵路各站於每日收到後交向來收款人員解交路局郵電各局於收到後每十日解交該管管理局或

監督局

第四條 各鐵路局所電政監督郵務管理局均於月終將本月收到銀元及新輔幣小洋各以原數彙總點交本部指定之銀行

(下稱銀行)其電政之款得由各局對撥北京電局仍以原數彙交銀行均登入本部賑災委員會帳內一面填列報告表連同

銀行收據送交本部賑災委員會(下稱會)查核

第五條 凡京奉津浦京漢京綏四路所收賑款之銅元即由各該路局按月送交天津北京平市官錢局各就銅元原數收本部

賑災委員會之帳將收據隨同第四條之銀行收據等一並送會其餘各路及郵電局所亦於月終將收到銅元以原數存入指

定銀行一面填列報告表連同收據送會查核聽候處置

第六條 銀行及官錢局收到各機關解送賑款應即日登記本部賑災委員會之帳一面開列帳單寄會查核

第七條 銀行及官錢局所存賑款之利率由本部與各該銀行及官錢局另定之

第八條 前項代存工賑款項之銀行現以京內外交通銀行儲蓄銀行爲本部指定之銀行

第九條 本部賑災委員會應設立現金出納帳鐵路郵政電報電話各附收賑款帳銀行帳工賑用款及每月平準表

第十條 本部賑災委員會收到各機關報告表及銀行官錢局收據帳單核對相符即予填發收據分別記帳

第十一條 本部賑災委員會收到各機關報告表及銀行官錢局收據帳單核對相符即予填發收據分別記帳

第十二條 凡支付各款均應取具單據編號粘發每月一冊

第十三條 本部賑災委員會收支款應按月登報公布

第十四條 本部賑災委員會收支工賑款項帳目單據於經過六個月後呈請部長派專門會計人員查核並造具工賑款簡明

收支報告刊印公布以昭大信

第十五條 本規則自公布之日施行

工賑之波折 交通部通電一件 山東督軍致交通部電一件

交通部致北京各部院處局各省巡閱使副使督軍省長鎮守使都統護軍使各省議會教育會農商會慈善等團體各義賑會各報館電

邇者北方各省通被奇災籌賑之法實爲現時之急務數月來主張工賑之聲不絕於耳本部就職權之所及審事勢之所能冀盡政府一部分之責任除竭力減免運糧車價電費外博采時流輿論參稽各國成規亦以爲以工代賑辦法於災民方面既可利用其生產力於社會方面亦可謀公共利益之增加實爲一時善策於是就計畫夙有端倪可以立即施工之鐵路而有修築滄石煙灘兩路綫路基之辦法發表以後衆論翕然現在陸續施工已有端緒至兩路工賑本無的款內務財政兩部既難祈其協濟惟有

自就範圍所及設法分籌於是有附收賑捐之議此議亦全屬采各方之主張並非發自本部紀載其在可考而知乃近日報章對此諸多懷疑並示不諱其大致不外謂附收賑款不應專辦工賑不應專辦兩省賑務兩層查交通非辦賑主管機關凡屬附收賑捐以工代賑等問題皆不過就範圍內之所能盡一部分之願力博施濟衆本病未能且當時急於救災亦未暇計款從何出至工賑是否爲最良之法本部當時亦係採取輿論未及深求如謂工賑之法不良則負其責者當在歷來主張之人充其量本部亦不過存官從重能含有私意至謂造路爲本部獨有之利益則以賑捐之收集需時與費用之不敷尚鉅工賑辦法之取用與否在本部有何損益得失之可言況此利益爲公益耶爲私益耶若爲公益則當今之世政府集款以辦公益雖未能盡善似輿論猶將許之格外苛求居心何等謂係謀私意則事無佐證本部雖不以名譽爲第一生命污蔑即所不甘且帳冊具存並經隨時公布勢不能任人誣陷此則另有辦法勿加演陳今所應舉告者則工賑及附收賑捐兩事本部已實行兩月有餘大多數輿論不聞反對今既滋生異議本部爲廣益集思起見極願再折之大多數之輿論究竟此項業經興工已久之濱石煙臺兩路是否於停工後各種損失及前功盡棄之可惜後此黏積之爲難及已集災民難以遺放各節一概置之不顧即毅然停止將附收賑款改辦急賑或兩者仍舊進行抑或兩者統行停止將兩路基交出內務部或地方官又或照舊附收賑款而分半以辦急賑除仍分辦路工暨另有良策之處應請諸公詳爲研究於電到五日內函電見示本部當憑多數意思取決從違以示虛谷而昭慎重是否有當佇候明教

山東田督軍致交通部電

勘電敬悉查北省災廣用緊貴部本其職權參考各國成例爲以工代賑之計附收賑捐修築濱石煙臺路基爲災民謀生計爲交通規永遠實已權宜至當現在兩線路工正在進行若以悠悠之口遽行停止不但功棄半途失機可惜即災民乘而復散事實亦有困難若以兩路路基交出內務部或地方官辦理無論建築主張不能貫徹萬一不負責任者仍有違言又將何術以處此總之局外不信任之表示值此潮流無可解免但使收入支出悉屬公開救災築路事歸實行則不虞之舉播之方來前後參觀亦足自

愚子產爲政致之則曰孰殺譽之則曰誰劓謀愆之論本無定評何足計及惟值此風雪嚴寒千萬災黎延歧待釋統希兼顧是在當局毅力堅持不任企幸 十年一月十日

路工處之編制及規章

處長之選派及辦公處之設立 交通部致田督軍齊省長電一件 電一件 函一件 呈文二件

交通部致田督軍齊省長電

濟南田督軍齊省長鑒本部擬先築煙濰路基以工代賑一案業經篠日電請協助款項及購地各事在案現本部已派津浦鐵路工程司趙德三兼充煙濰路工處處長籌畫進行惟茲事與辦倉卒諸待協助其中最緊急者一路綫經過需用地畝擬先核算登記隨後發價以免停滯工程二田被災各縣知事招集災民派人資送工段三測量隊及開支員等出發後由地方文武官隨時派軍警保護以上三項應請查照迅急分飭該處所經煙台福山蓬萊黃縣掖縣昌邑濰縣各地方文武長官及主管人員趕速辦理以利進行並希見覆再該處長擬即日回濟晉謁台端面呈辦法請予隨時接見指示一切爲荷

致山東督軍省長及各機關函

敬啟者九月二十五日奉交通部令派津浦鐵路工程司趙德三兼充煙濰路工處處長此令等因奉此茲於省城商埠津浦鐵路辦事處內暫設煙濰路工處臨時事務所如有公文函件敬祈送至該所相應函請貴公署查照爲荷

上交通部電

交通部趙次長鈞鑒現於二十二日到滬租定東關大街市房二十三間暫作辦公處文電請逕寄該處以資便捷謹電 九年十月二十三日

呈交通部文

爲呈報啟用鈐記日期事竊奉鈞部訓令內開茲刊就該處長鈐記一方文曰煙濰路工處處長鈐記小章一方文曰煙濰路工處

煙港路工賑紀略

10

慮長合亟額發款用以昭信守並將報用日期報部備查此令等因奉此遵於九年十月十二日取用理合呈報鈞部備查
呈交通部文

爲報告遷移公處所謹請鈞鑒事竊路工進行情形前於一月二十七日曾將赴段視察及黃縣蓬萊間遷移火路呈報在案茲
自入春以後工段逐漸東移目前工棚均紮至龍口迤東距離駐辦公處所遠至四百里左右而測勘隊亦到福山境內預計半
月即將竣事各工程可以改任分段測勘工程俾得全綫同時並舉現值春和凍解土方工作已不似冬令之難轉瞬又須移紮
黃蓬境內各項事務均趨重於東段辦公處所若仍設在濰縣實有鞭長莫及之虞德三現訂本月中旬親赴龍口俟測勘隊竣事
會集各工程司分配橋洞工程地段並先將辦公處所移設龍口以期內外各部分事務得處理敏捷之益該處爲海陸通道交通
銀行亦有分行設立於膠運材料匯撥款項便利尤多濰縣原處現在暫留發放地價等數員結束諸務隨後再移其昌邑迤東至
平度掖縣橋洞各工均已分段派定工程司着手建設所有辦公處所遷移龍口緣由理合呈報鈞部伏乞鑒核備案

開工典禮 電二件 來函一件

上交通部電

交通部總長鈞鑒各縣選送工人陸續到齊及擬開工日期業經電陳在案茲擬十一月一日行正式開工禮竊以此段路綫艱
不如鐵路規模宏大而車入湯望觀成已久此次鈞部決定以工代賑辦法東省人士咸頌同聲德三擬於正式開工日請行軍省
長各派代表蒞場行禮並邀地方官紳參觀伏乞部長頒賜訓詞並派代表至濰宣示德意以昭鄭重至禮場設備略備茶點其餘
概從簡畧不事鋪張以節糜費謹請鈞電示覆以便遵辦 九年十月二十一日

勞參事之常來函

逕啟者奉交通部第三六號委任令內開煙港路工處趙處長呈奉令開辦煙港路工茲擬於十一月一日行正式開工禮請頒
訓詞並派員代表至濰宣示德意以昭鄭重等情茲特派本部參事上行走勞之常屆時代表前往親禮頒發訓詞此令等因附發

訓詞一紙奉此遵定於本月三十一日搭車赴滬代表觀禮並致訓詞相應函請查照爲荷

上交通部電

交通部總次長鈞鑒本日行開工式鈞部勞代表之常願賜訓詞宣示德意觀禮之官紳學商各界咸頌同深謹此電聞 九年十

一月一日

人員之借調 呈文三件 交通部指令二件 函三件 來函二件

呈交通部文

爲調用部局人員分任職務事竊奉部長諭擬修煙津汽車路辦法業經開具工程計畫書及需款預算圖說等分別列表呈請鑒核當奉面諭回津商承次長將任用各項職員分配妥協以便即時開工呈核等因奉此德三遵於本月十六日回津謹就部局各員中探操守可信辦事切實爲德三所素知者開單呈請次長核定茲將該員現職及擬派職務並其經歷列表呈請鈞核如蒙俯允調用請由鈞部分別行知各該機關轉飭各該員等遵照至總收支員責任重要請部長委任專員辦理以重款項而專責成其餘司事書記等職容由德三慎選兼任之員充任另呈備案再調用部局各員除照所呈預算數目支給津貼外所有原領薪俸津貼仍請照支其劉履一員並請咨行山東省長轉令河務局局長作爲借調不停原薪是否有當伏乞鑒核批示遵行 九年九月十九日

呈交通部文

爲暫調部局人員以資助理事竊德三奉派辦理煙津路工擬日內先回工次清理經手事件即行赴濟籌辦一切惟助理需員查有山東河務局工務科科長劉榮路政司科員主事劉維城京奉鐵路局法律顧問調充鐵路技術委員會華文文牘胡清清京奉鐵路局地畝課課員管鴉津浦鐵路局會計處貨帳科科員高湘南工務處工務員朱榮昌陳之達工程學習員王鴻訓陳泰事務員姚勤臣王秀山司事咸天吉等十九員均堪助理謹此呈請鑒核伏乞准予調用並懇咨行山東省長暨飭路政司鐵路技術委

員會津浦京奉京漢各路局轉飭各員遵照至各該員原支俸薪津貼並請分別行知照舊各該機關照支實爲德便 九年九月
交通部指令

令煙濰路工處處長趙德三

據呈調用劉堃等十九員各該員薪俸津貼仍照由各該機關支領等情應均照准除分行外仰知照此令 九年十月一日
呈交通部文

爲借調滄寧路局科員恭請查核津竈以工賑辦法實在捷速自前月濶勘隊出發迄今兩旬前方測勘已東逾昌邑四十餘里後
方測勘水平邊綫以及購地墾填等事亦次第着手進行各縣所送英民第一批六百人業經計算土方於十月二十六日分段工
作所有借調之技術人員均已派有專司而前方測勘各員表與關於沿路之造橋設渡並路綫上各種重要工程亦須有專員復
加審擇預爲設備查有前充津浦路局工務技術文牘員現調充滄寧路局考工科科員李原身係留學美國康乃爾大學土木工
專科畢業學問優長富有經驗以之擔任前項職務最屬相宜現經與滄寧路局局長趙慶華商明允准借調數月仍由該路支領
原薪一俟事畢即回滄寧原差理合呈明伏乞鑒核 九年十一月四日

交通部指令

令煙濰路工處處長趙德三

呈悉滄寧路局科員李原身應准如擬借調此令 九年十一月十四日

致京漢路局電

京漢鐵路局局長何副局長均鑒前請調貴路工務員六人嗣因或有重要職務或已離局未能應調聞胡靖清言臨行承允另行
借調三人易勝銘戚刻下測勘隊急待出發務懇迅賜轉飭即日來濟爲禱

津浦路會計處長來函

逕啟者案奉局令開奉交通部電開據榮煙濰路工處處長趙德三呈請委派收支撥款專員並訂定撥款辦法等情查煙濰路工
緊要此項專員仰由該路會計處推選與趙處長接洽推具薦報以便核轉此令等因當經遵令與閣下接商一切所有情形業行

備悉茲查有嶺處出納科科員馮益人頗幹練藉以充任收支撥款專員用特令其前往聽候察看備用卽希即復以憑報部備案至該員請津初議由煙離担任茲蒙承局長明令薪水仍在本路開支其津貼仍請尊處酌給至該員保證金業經覓妥擬俟派人查對核實後卽將保單寄上以憑備案再承局長諭示自該員調往煙離路後關於出納款項一切事宜由尊處負完全責任合以附明卽盼示復

致山東省長公署函

敬肅者嶺處要工土方近日完竣者計百餘里而工棚分裝已至掖縣遼東催金綫經過河道多處須造橋梁爲數不少目前方在籌辦境內建築他處亦應預爲籌備是以須用技術人員相助爲理茲查有山東省會市政廳技術員孫立廷學有專長經驗豐富以之擔任嶺處工程實於路事裨益匪淺相應函請酌量委任等語前經准將該員孫立廷暫調嶺處辦事仍留市政廳庶缺並祈飭知該員卽行來津助理俾路工早日觀成實爲至禱除函呈省長公署外相應函請會照示復 十年一月三日 齊魯大學醫科主任施爾德來函

敬復者接奉尊函承委敝校代派醫士二名前往處爲工人備診不勝感激當卽酌定本屆畢業生溼廣增臧天樹兩人前往趙謁台謁聽候驅策卽希指示一切無任感盼至應用藥品前已寄去十二種餘容日後補發 九年十月一日

諮議之聘訂 函二件來函一件

致路政司鄒司長函

敬肅者德三此次奉命辦理煙海路工對於辦事人員多由部局請調俾期樽節支出以仰副部長司長惠濟災黎之意惟事屬艱難藉助於地方紳商之處甚多如省會及各縣之農工商教育各會等均爲法定團體倘欲遇事順手必須加以聯絡待以優禮乃易收效茲擬以處長名義用公函延請各會長等兼充路工處諮議作爲名譽職概不支領車馬等費將來工竣後呈請鈞部分別給以名譽獎匾是否可行德三未敢擅專謹請司長轉呈總次長鈞核並懇迅賜示復實爲公便 九年十月八日

交通部路政司來函

逕啟者准貴處長函稱辦理煙濰路工借助於地方紳商之處甚多如省會及各縣之農工商教育各會均爲法定團體必須加以聯絡乃易收效擬以處長名義用公函延請各會長等簽允路工處諮議作爲名譽職概不支領車馬等費我工接呈部分別給以名譽獎贈等語經轉呈奉部長批不可太多等因用特函達希即查照酌量延聘藉資襄助可也 九年十月十三日
延聘諮議公函

敬啟者敝處啟宇經緯高潔德三識見諳陋短汲深時虞隕越素仰台端學問淹通經宏富茲以路工處名譽諮議奉屈榮才尙祈襄助時賜教言曷勝厚幸 九年十月二十一日

規則之編訂 呈文二件 通告二件 編制規則

呈交通部文

爲擬訂暫行編制規則呈請鑒核事竊奉鈞部令派德三爲路工處處長當經呈請暫調部局人員助理業奉指令准調在案遵於本月五日到濟先與地方官廳籌商選送各縣災民及向膠濟鐵路商議減免運費各辦法並暫借津浦鐵路駐濟事務所房屋二間爲臨時辦事之所乃調用各員迄未到齊濟南又屬臨時機關是以未能先將處內編制擬訂呈核現在調用及選派各員雖屬各有責任未稍冗濫而組織尙無統系究嫌散漫茲就日前情形擇其必要者酌設文書庶務工程會計地務材料六股各委主任分負其責並酌簡派兼攝俾可減少開支隨擬暫行編制規則七條附呈鑒核再將來開工後諸務漸繁難免不有變更屆時或須改組當再修正呈核理合陳明伏乞鈞部指令施行

煙濰路工處暫行編制規則

第一條 煙濰路工處之編制在專章未定以前悉依本暫行規則之規定

第二條 煙濰路工處直隸於交通部掌理全路測勘購地建築會計等事項

第三條 路工處設左列各股分掌第五條所列事項

一文書股 二庶務股 三工程股 四會計股 五地務股 六材料股

前項所列各股得酌量情形以其他職員兼領或兼理之

第四條 路工處職員如左

處長 總工程師 正工程師 副工程師 主任 工務員 僱員

第五條 各股所掌事務如左

一文書股 掌理一切機要文牘保管案卷及關於員司之致績進退請假等事項

二庶務股 掌理交涉及與地方官署紳商往來輸送災民稽查防範並公用物品之購置保存及不屬於他股一切事項

三工程股 掌理測繪繪圖建築及工程預算等事

四會計股 掌理會計及稽核全路收支用款編制冊報並預算決算事項

五地務股 掌理丈量地畝編制冊籍保存契據發放地價等事項

六材料股 掌理材料器具之購置收發運送等事項

第六條 本規則如有未盡事宜必須變更時得呈請交通部核准改定之

第七條 本規則自奉交通部核准之日施行

呈交通部文

為聲明編制緣由事前呈擬訂暫行編制規則草案現奉鈞部第二九七八號指令開呈暨附件均悉查核所擬暫行編制規則分設六股殊嫌冗複茲經酌定併為三課並將各條改定所有監工工程實習生僱員等應視事務繁簡酌量設置勿稍冗濫以資撙節是項工程原屬工賑辦法該處長宜時懷遜斯旨切實辦理合將訂定規則抄發仰即遵照施行此令等因奉此仰見鈞部綜核

名實之至意自應遵惟藉有陳者當德三來電召至京而承約部命擬路工計畫即已顯然以王代賑之旨所限辦法悉本此旨以爲規畫何敢稍涉虛糜嗣奉鈞令覓充處長是請有調人員功課亦應於事實有所節省蓋此項辦法一方面須使災民得受實惠一方面仍須顧及資本應於將來營業時利息可以少報故對於調用及遣派官員所給津貼等費如外部調勘隊技術各員至多者連同津貼亦僅百六七十元數人併計不過鐵路局一員之數內部主任其薪數不及路局事務員之支各事務員則至多之數亦止四十五元與各路之司事書記等若司事書記則至多二十五元最少乃有十元者其名額總數亦未超過原擬之數且遴選均從嚴格總則一人得一人之用以力副同元之弊每遇事務繁多時常一人而兼數事原擬暫行編制的分六股主官乃在各專責成其實充主任者僅三員而請調者居其二止有一員爲臨時所遣其餘三股則德三自領者二由他主任兼領者一德三雖愚亦復具有天良又何忍以工賑之款稍涉鋪張惟於呈請文內未及詳細陳明實爲疏忽況前在京擬具意見書時自規畫起草以詮釋清僅止二日即從疏漏在所難免及至着手籌辦而困難逐漸發生遂至事實與理想難以融貫此亦毋庸諱言者也當調勘隊組織之時請調技術人員多有未到不得不遴選數人勉期出發然其薪數亦與擬給調用各員之津貼不相上下至原擬編制中正副工程司等名稱俱與大路相同然薪資全屬低級因技術人員素重資格於職稱之階級視之極重無論調用與新派莫不以此爲前提今工程期限僅有六七個月既不能給以優渥若輩此名譽之職稱亦吝而不與何以獎勵真才況路綫綿延五百餘里工程並峻鐵路爲簡單而設計籌備置辦材料購地遷墳與夫地方交涉籌計出納支配員司無不應有盡有然確非學識優長經驗宏富者不能勝任若不如此詞度而以一工程司負其責欲於預定期限內竣工事實上斷難辦到利害相權至爲明顯此中爲難情形當在部長洞鑒之中此外尚有數事爲原定計畫所不及料到者則運送工人購備食糧等事是也查工人係由各縣選送地方官應備負山災區送至濟南之費一經運到卽爲之預備食宿兩項而看守檢查造冊編號各手續又極爲繁複由濟至滄上下火車與在滄之暫時食宿等項亦須一一照料周到迨分往工地時如發給作工器械及食宿應備之席棚及炊具等無不代爲布置完全至於食糧一項始以爲發與工價由工人自辦即可不復過問豈不簡捷繼經調查研究事實

上困難頗多因工限辦法與鐵路之包作土方情形迥殊各路之包作土方乃由包工者自行招僱工人路局投標亦止擇其開價相宜者與之訂立合同工竣後核算土方相符照章付款而已現在災民作工乃路工處自災區招徠而來僅於每棚三十人中挑選正副目各一使負約束之責食宿各事雖難令其照料管理致陷包工各種舊習逸習工賑宗旨又經調查去年沿綫秋收成數初非甚豐如不預購存儲臨時雜買必受漲價之虧是以決定派人隨地採購屯積俾易接濟辦理以來繁瑣異常各處市糞本有定期只能分日賒運以冀積少成多必使本地人民不受何等影響市價乃得其平又全路路綫經過河川水溝應分別造橋設渡之處甚多現在派人挖取河底土質以備施工之設計應需木石各料亦須趕於今冬預籌購備而對於前項各事務運轉現款則尤為繁複之一端必須先從調查銀價與匯兌貼水入手某地銀價高低匯水多寡比較核計有時匯水多而日運反合宜者則自運或其他銅幣缺乏則兌換而後運往至地方解省公款業經咨請地方官署設法撥兌以省匯費約之經濟上之有裨無論銀兩均加稽核俾得救濟災民之本旨以上各事務已須十餘員方敷分派但其薪數均屬極少其職務則重要而又勞苦物色此項相當人員實為不易此因事務之必要而支配人員之大統辦法也嗣後工人陸續運送工段必更展長目前所慮計不到之處尙多屆時仍須添派員亦未可定茲奉指令修正之暫行編制規則擬懇俯准暫緩施行德三現於本月中旬前往煙台並沿途察看路綫俟將應辦各事略為料理即當赴京面請鈞示屆時再行詳陳情形呈請核定修正理合陳明伏乞鈞鑒

摘錄交通部指令修正暫行編制規則第三條

- 煙濟路工處設左列四課各設主任一人主持各該課事務
- 第一課 掌理機要文牘收發文件保管案卷與守鈔記編制冊籍保存契據並員司考績進退及一切不屬於他課事項
 - 第二課 掌理測勘丈量繪圖建築及材料工具之購置保管收發運送等事項
 - 第三課 掌理全路收支用款發放地價編制冊報暨預算決算等事項
 - 第四課 掌理檢送災民稽查防範以及公用物品之購置保存並對外接洽等事項

員司出差旅費簡章

- 一 處長自奉部分之日起至到離之日止每日開支四元舟車費在外
 - 一 主任自奉部分之日起至到離之日止每日開支二元舟車費在外
 - 一 奉調員司自動身之日起至租定住所之日止每日開支一元舟車費在外
 - 一 現用員司自到差之日起至租定住所之日止每日開支一元
 - 一 到差膳宿費自十一月一日停止以後每月支給住房津貼每月五元
 - 一 測勘隊員可定有日支出奉津貼者奉調者應自動身之日起算現用者應自到差之日起算奉調者另開舟車費
 - 一 測勘隊夫役自他路借用者自動身之日起算現用者自測量隊出發之日起算其辛工亦然
- 員司出差旅費暫行規則
- 一 本規則在正式旅費章程未定以前適用之
 - 一 本處內部員司夫役奉處長委令出差辦公須離駐在地者工段員司夫役奉各該主管員委辦事件已出本管地段者得照左列數目開支膳宿費
- 處長住來京津青濟各處繁華之地生活程度較高照局長例日支洋五元或四元之出差費交察費據實開報查驗 緩時經過僻靜地方生活程度較低照正工程司例日支三元
- 正工程司每日不得逾三元
 - 副工程司每日不得逾二元
 - 幫工程司每日不得逾二元
 - 主任員每日不得逾二元

工務員工程練習生每日不得逾一元五角

事務員司事書記每日不得逾一元

監工把頭每日不得逾五角

夫役工匠每日不得逾三角

一開支右列旅費除處長外須有各處主管人員之說明書並列其出差事由暨起訖日期

一右列數目係膳宿費合計分別各佔其半凡出差無須在外過宿者減半核算

一凡出差除膳宿費外得照左列等級擬實開報車費

處長工程司主任一等

員司二等

夫役工匠三等

一處長出差得帶當差二名工程司主任員出差得帶當差一名其膳宿費由公家按夫役數目開支

一上列膳宿費數目係按各級人員最高生活程度規則開支時處長得按照情形核減之

一本規則有未盡情事得由處長隨時增訂之

一本規則日本處開辦之日施行

員司任用簡章五條

一有專門學識已畢業而無經驗者按照交通部所頒習生簡章辦理

一有專門學識而未畢業曾經在他機關得有練習憑證者得按照以上資格規定

一由京津濟南僱用之事務員司事書記應按照辦事經歷及書法之優劣按照本處新級規定之

一 濰縣就地僱用之司事書記應照資歷書法詳加考試其薪水之規定一等二十五元二等二十元三等十五元

一 工程司按照以前辦事經驗另行規定之

工段辦事權限及手續規則

一 全路共分八段第二第三第五第六第八分段各設副工程司一人分別商承第二第五第八分段副工程司辦理一切工程事

務各分段酌設工務員或工程實習生若干員由工程司指定職務其分段里數及駐在地點均依附表所定

二 各分段副工程司承處長之命管理段內一切設計建築各項工程負責完全之責任

三 工程需用材料除就地購備相宜者由各該段自行籌備外其他所需材料須於一個月以前開單送由本處籌備

四 每段各設簿記員一人專司各種帳冊材料員一人專管收發材料事宜

五 各段工程司應將該段內一切建築分別預先估計開單送處以憑考核

六 各段工程司對於接收工程及點收材料均須切實核計登記簿冊立單開支

七 各段應設簿記材料各員及監工匠役人等均歸各該工程司呈經本處核准任用前項監工匠役人等之辛工標準依附表所

定酌給之概不另支出差津貼

名稱	每月數目	每日至多數目
監工	二十元至三十元	
測地夫	九元至十五元	
聽差	八元至十二元	
雜役	七元至九元	

機匠	八角
鐵匠	七角
木匠	六角
石瓦匠	五角
大工	三角
小工	二角五分

公文程式

第一條 本處之公文書程式凡各工段及出差各員司均適用之

第二條 公文書之往來本處及各工段並出差各員司均用公函一種

第三條 公函每一件以一事為限不得夾叙他事

第四條 公函首行須將文內事由摘要書明(為○○○事)字樣

第五條 公函須編號各工段以住在地名之第一字為號出差各員以所任事務之一字為號如丈量員則用丈字總填員則用
證字以此類推

第六條 公函封面須註明發寄地點

第七條 本規則自通知之日起實行

工段之改組 函一件 呈文三件 電一件 來電一件 交通部指令一件

致本處員司函

煙灘路工賑紀略

煙灘路工賑紀略

二二

逕啟者本路自開辦以來各員司均能夙夕從公分別助理疊經聲明工賑係屬短局茲者賑既結束工亦垂竣部令以款項異常支絀節節格外縮減支出以資撙節合行函達各該員等自通知之日起職務薪水均支至十一月分止俾資路費以符工賑主旨俟通車營業如有需員襄助時再行的量委用希各將通信處開送存查可也 十年十二月十一日

呈交通部文

為賑務所有結束工程已具規模懇請准辭兼職回津浦路効力仰乞鈞鑒事竊德三自上年九月奉部電召籌計烟灘工賑事宜嗣奉委任兼充路工處處長任職以來仰承鈞部指導勉竭能力謹慎從公賑務事宜幸已辦有結束工程部分如橋梁補洞車站等規畫均已籌備應用各種材料亦皆分別訂購西段橋洞各工告成者約有首餘里丈地遷墳不久完竣可以繼續定價發款凡諸要端大致妥協此後循序漸進未有困難伏思德三所任津浦鐵路津韓段正工程司職務重要況值夏令兩期正屆吃緊之際德三責任所在難以久曠職守為此懇請部長俯准開去烟灘路工處處長兼職委任專員接辦俾德三仍回津浦路津韓段原差以期責有專屬不勝惶恐待命之至所有懇辭兼職緣由謹此呈請伏乞鈞部核准施行 十年十二月 日

呈交通部文

呈為懇辭本兼各職回籍修墓仰祈鈞鑒允准事竊德三於上年十二月間先後呈電懇辭處長職務仰蒙俯賜溫語慰留曷勝感悚惟德三服務鐵路工程二十餘載僅兩次丁艱奉准給假原籍墳葬年久失修上年奉令辦理工賑伊始適在親喪期內曾經面辭未蒙允許現在工賑事畢應請准予回籍修墓藉資養息並懇派員接洽路工不勝迫切待命之至伏乞俯准 十年 月 日

呈交通部文

呈為工程垂竣懇辭處長兼職並請假休息仰祈鈞鑒事竊德三自上年九月奉部電召籌計烟灘工賑事宜嗣奉委任兼充路工處處長任職以來仰承鈞部指導勉竭誠慎軍將賑務結束工程進行及中經改綫遷延各情形先後呈電並面陳鈞聽月前因撥款困難入都請示機宜旋龍復將最近難於應付苦衷用申密電呈各在案謹再為我部長觀續陳之資冀縣以西之

工都已告竣其東至蓬萊亦完至九成蓬至煙所缺無多全路可稱完至十分之八九其已竣工之各段並將養路之組織籌備妥協約計工程養路祇留工程一二人實習員三四人監工若干人足可辦理至於營業一端月前與山東省長接洽公諸地方應候省公署妥籌見復若地畝之丈畧早畢造冊亦次第告成地價一項在京呈請鈞部轉咨省長設法緩發是可專待款到無煩躊躇至路工處內公牘材料會計等事向係隨到隨辦從無積壓若工程告竣不辦督察事必前單備於修養事宜派一工程師即可担任則德三亦無須在此等候此工程垂竣營業候復地價待款之大概情形也抑更有請者德三自服務國有鐵路先後從事於滇清滬寧以至津浦而北奔馳於今二十載辛勞之交疊遇變亂雖匪擾攘未離職守夫以有限之精神困於無窮之工務加以外方肆應內部運籌無一而不勞身心非鐵石何堪久經磨折復自去歲奉委之初仰體鈞部念切道瘼之意凡工賑所需皆國民胥血絲毫苟且道理俱虧何論名位是以競競業業誓戒怠荒故凡外之測量計畫材料購備內之會計公牘款項巨細在在均親加審核乃敢舉辦維時一年心力交瘁邇來冒寒臥病又兼無款應付困頓愈增德三責任所在實屬無策維持不能忝顏居此本年夏間賬務結束後而謁次長懇辭兼職蒙諭暫緩茲幸工程垂竣據請部長俯念德三二十年中僅兩次丁艱乞假此次准其開去處長兼職給假三個月俾資休息另委委員接替處務一俟假滿仍回津幹段原差努力報稱不勝惶悚待命之至所有工程籌竣懇辭處長兼職並賜假休息緣由理合具呈伏乞鑒核俯允 十年 月 日

令烟灘路工處處長趙德三

擬呈擬請回籍回籍籍資休養並懇派員接辦路工伏乞允准等情已悉查該處現在賑工尚未完竣本部未便更易生手應仰該處長勉力任事竟厥全功無負本部厚望此令 十一年二月八日

上交通部電

交通部鈞次長鈞鑒甲密工款積欠甚多包工如前迫索龍煙濟久無餘存新華津交兩行均無消息寒電保商二萬不悉何日准撥更不悉津交行能否允提日來幾至束手黃縣以西之工月內告竣蓬黃間陰歷年內可竣蓬至煙所缺無多以上各工結束至

煙灘路工賑紀略

煙鐵路工賑紀略

二四

本月底至少需十五萬元轉瞬陰曆年關至少共需念五萬元方可濟事萬懇設法期在撥替無任待命德三近日疊出視工胃癱臥病加以無款慰付愈益焦灼迫不得已請先電懇辭職乞派委員接替呈文在途再陽歷一月初德三長女于期先期乞賜假回鄉料理敬候電示

交通部電

該處長殫心路務久著勤勞值茲該路功虧一簣正夙勉力進行請辭兼職著毋庸議所請乞假回鄉一節應准給假兩星期事畢仍仰尅日到處供職

煙濰路工賑紀略卷二

交涉

工員被毆之交涉 電一件 呈文一件 函二件 來函二件

致山東省長電

濟南田案省長鈞鑒據趙委員德祥電稱書界工務員黃世綸在招遠縣北鄉因乘車過村被東梁村聚衆痛毆傷損俱重等情路工現值吃緊之際該處鄉民如此蠻橫於路政人命關係匪輕除電招遠縣請電飭該縣迅行嚴查懲辦並祈賜復

呈交通部文

呈爲路員被鄉民毆傷先將辦理情形呈報事竊本月一日據駐按事務員電稱工務員黃世綸畫邊線至招遠北鄉因乘車過村被東梁村鄉民聚衆痛毆傷損俱重等情當於即日電請山東省長並招遠縣公署迅行嚴查懲辦並飭該工務員將詳情報告去後茲據該工務員呈稱世綸於一月三十日由磁口遷移行經招遠縣屬界河西東梁村地方鄉民將車截住不准通行照料夫劉秉哲上前理論即被毆打於是村衆羣起動手約二十餘人將湖地夫趙祥小工劉雲生打傷甚重復將世綸山車上拉下拳腳交加並用繩捆起吊拷多時有一點餘鐘之久經世綸哀懇始行釋放似此無故截毆非重懲不足以儆兇頑此次情形係世綸身臨決非由湖地夫滋生事端實係鄉中土棍無故截留車輛倘有不實甘認其罪世綸於釋放後即日逃在龍口湖地夫等夜間亦陸續前來所有此次被毆時損毀及遺失物件另單呈明等情前來除將所報情形被毆傷單損失物件清單函請省長及招遠縣知事嚴緝兇人犯嚴行懲辦並飭派警妥爲保護路員外理合先行附抄各單呈報鈞部鑒察備案俟辦結後再行呈明

致 山東省長公署 函

敬 招 遠 縣 公 署 函
啟者前據駐按委員電稱工務員黃世綸被招遠鄉民毆傷情事於本月一日電請 貴公署定飭該縣 迅行嚴查懲辦在案茲

煙濰路工賑紀略

據該工務員呈稱世綸於一月三十日由磁口邊移行經招遠縣屬界河西東梁村地方鄉民將車截住不准通行照料夫劉榮哲上前理論即被毆打於是羣起動手約二十餘人將測地夫趙祥小工劉芸生打傷甚重復將世綸由車上拉下容脚交加並用繩捆起吊拷多時有一點餘鐘之久經世綸哀懇始行釋放似此無故截毆非重懲不足以儆兇頑此次情形係世綸身臨決非由測地夫滋生事端實係鄉中土棍無故截留車輛倘有不實甘認其罪所有此次被毆時損毀及遺失物件另單呈明等情前來查車輛行經村落后無阻止之理該鄉民等不服理論輒敢聚眾毆打將工務員用繩吊拷並損毀遺失公私物品多種實屬搶劫行為兇頑已極嚴路勘測遺橋地邊填土方監工等項人員絡繹於途自此案發生後無不各懷戒心於工賑進行影響甚大倘因此而致路工或有停止誰負其咎相應函請貴公署 將以上情形轉令招遠縣知事遵照該工務員依法嚴辦俾無虞虞之至 查照迅予嚴行依法懲辦並將各村落長地保通告周知云云

招遠縣公署來函

逕復者案准貴處函開前據駐接委員電稱工務員黃世綸被招遠縣民毆傷情形於本月一日電請貴公署迅行嚴查懲辦在案茲據該工務員呈稱世綸於一月三十日由磁口邊移行經招遠縣屬界河西東梁村地方鄉民將車截住不准通行照料夫劉榮哲上前理論即被毆打於是村衆群起動手約二十餘人將測地夫趙祥小工劉芸生打傷甚重復將世綸由車上拉下容脚交加並用繩捆起吊拷多時有一點餘鐘之久經世綸哀懇始行釋放似此無故截毆非重懲不足以儆兇頑此次情形係世綸身臨決非由測地夫滋生事端實係鄉中土棍無故截留車輛倘有不實甘認其罪所有此次被毆時損毀及遺失物件另單呈明等情前來查車輛行經村落后無阻止之理該鄉民等不服理論輒敢聚眾毆打復將工務員用繩吊拷並損毀遺失公私物品多件實屬搶劫行為兇頑已極嚴路勘測遺橋地邊填土方監工等項人員絡繹於途自此案發生後無不各懷戒心於是工賑進行影響甚大倘因此而致路工或有停滯誰負其咎相應函請貴公署查照迅予嚴行依法懲辦並嚴飭路線經過各村鄉長地保通告周知至紐公道等因到縣查此案前奉支電正飭楊督佐振東馳往查辦並電復聞據鄉民劉芳庭以被毆受傷狀請檢驗前來旋據楊督佐復稱奉委往查東梁村衆毆辱工務員資本月一日煙霧路工處黃委員附帶工役五六人乘坐大車由招遠赴黃縣招黃

大道係在東梁村南道因雲阻車夫繞道入村適該村演戲人衆擁擠車夫高呼讓道該村民等以大道係在村外車馬入村不免壓踏村頭麥地心已不悅以車夫搖鞭高呼不知好言讓道遂故意阻擋道中不稍退避車夫又復前進村民劉仙鳴令止車口出不遜工役遂亦下車互相扭毆當時村衆紛雜亦有上前拉勸者鄉民劉芳庭見在自己門前恐有不測勸戒甚力當竣工役無意毆打黃委員再三喝阻亦難禁止該劉仙見劉芳庭受傷更指揮多人欲將委員工役一併扣留並聲言卸車留場以備養傷幸經該村首事等聞知趕至喝禁讓送出村等情查該處鄉民因與車夫言詞衝突竟敢持衆毆人損毀公物實屬目無法紀當將滋事爲首之劉仙逮案訊辦其餘各犯難得主名已飭該首事查明送案一併訊究惟現在受傷員役已否就愈所有損失公物價值幾何相應函請貴處飭查賜復以憑核判再煙臺路工朱橋以東黃山館以西皆係招境距城皆數十里之遙工員往返保護難周實深負歎惟新城湖汪兩處亦路工經過之地該處均有數縣警備分隊駐防祈囑在工員役往返敵境可卽知照駐防警隊以便隨時保護俾免他虞

山東省長公署來函

案准貴處函開以工務員黃世給在招遠縣設鄉民毆傷一案囑卽令縣依法懲辦等因並開損失物件單三件到署除令行招遠縣知事依法嚴辦外相應函復貴處查照

致招遠縣函

前准貴公署二月十七日公函開據楊管佐振東查復東良村民毆辱路員一案各情並承詢受傷員役已否就愈損失公物價值幾何查復以憑核判等因到案當將原函鈔飭黃工務員世給察復去後茲據稱受傷後曾患頭暈失眠等症現已全愈其受傷之湖地夫等亦均就痊楊管佐查報各節大致尚符惟於卸去騾子及捆人吊拷截留物件各節未能查得真相前來查此案首犯劉仙既經貴公署逮案訊辦其餘附從各犯已已畏罪潛匿現既難得主名應請貴公署先將首犯劉仙依法懲辦其損失公物之價值爲數無多卽請查照前開清單酌量判償惟大車夫係屬勞力貧民其所尖皮襖一件大繩一條應請判令賠償湖地夫事

同一律其拆毀衣服似亦應令其酌償相應函復仰祈查照並希將辦理情形見復爲荷

外界之誤會 交通部訓令一件 呈文一件

交通部訓令

據山東登萊膠義團公所會長柯郁荪等呈稱煙濰路工築路擾民貽害地方請求取締工役以安人心等情前來合將原呈抄發該路仰即查明設法取締並將辦理情形具復到部此令 十年十月二十四日

呈交通部文

爲遵令具復仰祈察核事案奉鈞部二二六零號訓令內開據山東登萊膠義團公所會長柯郁荪等呈稱煙濰路工築路擾民貽害地方請求取締工人以安人心等情前來合將原呈抄發該路仰即查明設法取締並將辦理情形具復到部此令附抄件等因奉此查原呈略分四項謹條復如左

一原呈謂地畝急宜從速發價也查開辦伊始以此項工賑本意志在救急須先用土地隨後發價經前總長與齊前省長在京面商若先贖地後興工不惟緩不濟急且難辦到一面催促德三啟程一面由部咨行山東省長令行路線經過各縣布告周知嗣於呈送擬定贖地規則印刷後分送濰昌等八縣公署請其布告各村莊並九年十月九日函致膠東道尹請其轉飭各縣以爲或有阻礙又於九年十月三十日函致沿線八縣俾衆周知至地價一節業經省長轉行各縣先行收用隨後按照部定收用土地暫行章程就地方情形酌定等級同日又將章程內第三條分國有公有民有三種函請八縣布告沿線各鄉路工處未嘗不願早日發價惟全路約六百里用地至萬餘畝東府人稠地狹地畝之零星丈量之繁瑣爲他處所罕見每縣平均約三千號之多自九年十二月至今僅將濰縣昌邑平度等三縣地價發清其所以慎重將事者因關係重大少有疏虞謗言叢集故入手之始由地方官布告先用地後發價之理由同時路工處亦備發布告然後遣派量地員按照測量隊所釘木樁逐段丈量填寫草冊草稟即以副張給地主收執將草冊寄處繕清並將不稼樹株菜蔬等一一照填再派員赴已丈量之區域會同縣

署召集莊長等會商按等次評定地價事舉回處照所評之價填入清冊及通知書契紙領結價單有墳者加給墳票各執照等種種次序評價既畢又須發價發價之先列出村莊領價次序由縣布告至日驗視契紙無契者驗糧串二者均無由鄉佑其保於舊契上加蓋退糧若干字樣載記凡此種種莫不需時費財勞心勞力此不得已之苦衷無避繁就簡之良策其間犧牲土地者僅價之資盈尺亦有因地爲路線估去而願此路中止不修者其希望通車者則會促造恨不立時修通函電紛駁交相責難今日探詢修至某處明日復開橋梁尙有幾何但工程耗款最鉅雖力請匯撥及至匯撥到處則工價材料僅款之電已如雪片飛來不敢失信用於商家與工人深恐因誤會而滋生事端不得已乃儘工料價先發而地價又落後矣側中因雖局外鮮知實情頗奈何徒喚此實不容不陳訴者也至原呈謂所佔地內有稼禾樹株菜蔬等物工人據爲已有云云前於秋收之際聞有工人被取包米豆子之事處內聞信立即逐段布告如見被取禾稼者隨時扭送地方官懲治或就近送處辦理未幾有審查員報告於八角口見有工人於通告後竊取山芋當以包工人楊殿臣約束不嚴罰銀百元充該地方教育經費近據明查查密查各員均稱工段亦頗平靖又原呈所謂隨便取土越出界線之外將來發價時按界線內計算一節查開工伊始時間忽促測定邊線往往因地不敷用而先行用土事後均經重行丈量補給契票按用地之多寡發價今地價未發何以知將來必發界內之價不發界外之價乎綜查原呈所云雖未實指某案某事大都多去冬今春之件當災民未遣送時屢有於拔棚時途中截留農民大軍戒其行李器具具有妄取種楮以爲鑿或強除食物而不付價者誠所在多有均經明查查密查各員隨時報告輕者由該段工程司或實或罰其涉及刑罰者均送山地方官依法辦理並布告各工棚及沿路附近村莊如有吳民入城入村者務必扭送工段罰辦並設目新所以爲禁之決不絲毫袒護均有案可稽惟自去冬以迄今夏亦有縣署不肯地保兵役藉與路工處之吳民聯絡因而魚肉鄉民省悟不罪差兵尋獲災民痛毆幾至殞命之案又上年某日大雪鄉民演戲醉神工務員以路途泥濘取道街內鄉民攔阻車夫因而口角工務員僅數語彈壓即被車內拖出吊打重傷隨行測地夫僕役各受棒傷鄉民罵罵理屈然本處恐受以官壓民之謗只有函請地方官秉公辦理以上各節皆已往之事自吳民回籍後少數工人均由山路工處交各

段工程司嚴行約束仍出示布告遇事准鄉民批送數月以來幸而無事至裸體工作於偏僻之處客或有之今夏曾經糧站事務員報告懇嚴加取締剝奪冬令自無此等情事至謂半勞游民所以多不法之事是豈國家築路本意云云查去冬各縣還送之災民實多未按商訂資格挑選無賴游手退伍兵丁充雜其間不知凡幾如臨清縣且以習藝所罪犯多人插入管理頗爲棘手當時幾欲退回另選繼思無食無業卽爲游民幸藉土木工程以養之否則將悉變而爲匪其患更不知伊於胡底此正鈞部工賑主旨所在該會長等或限於一隅未就大處著想耳

一原呈爲墳墓村莊關係重地可避則當避之乃有力者當可通融無力者任其跬踐云云查測勘時每選一線於十里之外卽須籌算前後方面有無窒礙其村莊墳墓應繞越者無不繞越因測定地形角度弧度以及高低平準斜度等等於資本行車經費均有密切關係處處皆須本諸學理經驗詳審設計遇地勢險惡山路崎嶇之處往往作數十次之比較蓋欲擇一工經費省者用之易能臨時任意改變現工已築成圖籍尙在不難一一復按也

一以炸藥採石一節向來修路率用此種方法然每遇開山取石之時必先由工程司通知地方官吏先期告示人民屆時勿得驚恐復由工段通告行人趨避舍此別無他法茲幸開山取石之工業已完竣亦無用取紛矣

一取消糧稅也原呈謂不能使人民無地而納稅此一定不移之理云云此節前已於復接縣公署催取糧名清冊兩內聲明未發價以前儘可照舊徵收發價後於下屆徵收時照扣亦慮及發價較遲或有此種障礙必於下次徵收時作扣較爲妥協亦不至有何困難現已咨行山東財政廳轉行其他未發價之各縣均暫照上忙辦理矣

再德三自去歲承乏斯職自問學識陋蕘蒞任時虞念惟榮與梓必恭敬止未嘗不兢兢業業勉自奮以期仰副鈞部委任之至意卽對於所屬員司亦時時以勵身教品爲勸勉有越法非申卽停職未敢稍示姑容貽人口實茲奉訓令理合其實復陳伏祈鈞鑒

虐待災民之謠傳 來函一件 山東賑災公會致交通部函一件 函一件

交通部函

逕啟者據山東英賑公會函稱轉據該路工人程清賢等函訴該處員司對於工作災民不加體卹各情是否屬實茲特抄錄原函仰希查照聲復

山東英賑公會致交通部函

敬啟者據煙濰哈工人程清賢等函稱自濟赴萊州在沙河間因僱車與執轡者吵嚷幾旬暨工員阻止衆人稍有冒犯海豐人李元勝馮玉圣程福林程清波四名即被拘押濰縣至今始放時值天寒不登棉衣劉英張祥二人皆死其餘病者甚多工程逼迫甚緊每以官勢欺人糧米發不足秤工錢到月不支對待陽信人尤不平等各等情查工賑本屬慈善事業俱係災民無論何處籍貫似應一視同仁至禦寒棉衣糊口工資亦應按時發給俾免凍餒若如所稱殊與大部恤災愛民辦理工賑之本旨背道而馳相應據情函請鑒查訓令該路局長轉飭所屬員司對於工作災民格外體恤無分疆界一律待遇庶可上揚仁風下孚衆望無任感禱上交通部函

總次長鈞鑒奉鈞部函開據山東英賑公會函稱轉據該工人程清賢等函訴該處員司對於工作災民不加體卹各情是否屬實茲特抄錄原函仰希查照聲復等因奉此謹查各縣選送工人數目係山東省長公署按照災情輕重分酌飭令各該縣知事遵照辦理陽信本係災輕之區原定額數八十名乃於上年十一月二十二日忽准山東英賑公會送到陽信縣人朱寶山等二百四十七人稱係災民囑爲收留到路工作嗣於十二月五日又奉山東賑務處公函轉據英賑公會送到前項災民云云並聲明嗣後遇有該會送到災民即予收納等語然其中實多數非真正之災民且有衣履整齊穿綢緞者當時因原定辦法須由縣選送負責未便濫收而該會派員言之至再不得已允俟陽信縣知事承認負責補造名冊方能照收遂留濟南留宿舍候卹不意遲之又久直至十二月十五日始准陽信縣將送到計在濟南耽延二十一日之久供給食物耗費至五百餘元之多及至轉運到滬前住工段時該工人等即恃勢揚言應受優待沿途強索車輛辱打監工不受約束滋事非卹種種不規則之行爲實使他縣之工人爲

其迨至工作地點分段穿棚後懶惰刁狡不肯勞力亦爲他縣工人所無工段員司管理上感受異常之困苦茲將災賑公會所送陽信縣工人滋事之案及工務員所報告有案可稽者略舉數端上年十二月二十日第十五棚行至灰埠鎮街遇村人担負糶糶強收烤火村人呂松江稍與分辯該棚工人李元盛爲玉峯程福林等即將呂松江毆打監視土工人賈翰臣善言勸導亦被痛毆又將路過拉土大車強奪乘坐直至沙河鎮經本路糧站人員婉勸始行放回又該棚正目程楷漢到掖縣紫棚後在西關地方令地保苗青香向各鋪戶歛錢糶糶奉旨修路棚內應用鋪草須地方供給等語竟認已極工務員王曾珊得悉後將程楷漢苗青香傳問均直認不諱以上兩案均屬刑事犯罪若經送縣卽應依法懲辦因該工人等來自遠方姑予通融由處派員送交掖縣公署遞解回籍以示體卹次日卽起解並未遲延又五十七棚正目程佩林工人諸鳳山在沙河附近珍珠地方竊樹一案經人指控由掖縣公署判決遊棚示衆並令全棚工人具保仍回原棚工作又該棚正副目初到時均在村內賃屋居住以致該棚工人未能工作經該管工務員卽令仍住棚內亦屬當然辦法本年一月十三日曾據工務員及駐掖事務員之報告謂災賑公會所送之陽信縣工人八棚堅不工作並有錢助罷工之表示管理之難已可概見至原函所稱時值天寒不發棉衣一節查發放棉衣事前均經調查實係無衣者始行發給斷無原有之衣足以禦寒亦一律給與之理向來散放急賑莫不皆然並非獨最最近德三親查工段此數棚工人亦曾請發棉衣然見其原有棉衣者甚齊備敷用實無須添發之必要又稱劉英張祥二人皆死其餘病者甚多一節查張祥一名於初到往工段在棚境王梅附近年邁身弱目不小心被途中牲口撞倒頓失知覺經醫生診治無效於十二月二十三日身故劉英一名在冊內並無其人至於其他工人患病者各縣皆有均經醫生二人巡行診治其重者送入附近醫院施治藥品膳宿亦由處認給病愈出院以後且令養息從緩作工又稱工程逼迫甚緊每以官勢欺人一節查前月初旬節屆冬至天寒地凍工作實爲不易然他縣工人於每日晴暖之時仍照常工作獨該數棚則恃有與援異常懶惰不聽指揮又因各縣工人中有不安本分或滋生事端者經請路綫經過各縣酌派警隊彈壓亦不得已之舉原函所謂官勢欺人或卽指此又稱糧米發不足種工錢到月不支一節查採購糧米各處集市均用斗量發給各棚乃係用秤本處之秤係在掖縣定製濰市習慣係以足十五兩

爲一斤將來在工資內扣還米價亦即以此種秤量爲標準若以他縣較火之秤作比較自覺其少且糧發之數每人每日二斤半實已從寬計算最大食量亦能有餘此外又發給每棚每日柴菜油鹽各費一元每移棚時給以鋪草費二元會經調查各棚工人除日用外多有餘存之糧售與本地人民並積存之錢可作其他零用也工資一項原定按方計價頗爲公平本非按月支付況以工代賑不同另招工頭包作土方僱用工人可以自由來去若亦一面收方一面發價其中弊混難免發生茲訂辦法既已每日發米又復另給柴菜各費而棉衣鞋襪等亦皆代備舊曆年前復經調查各工人之有家屬者分別寄款回籍爲其養贖之資是工人個人之衣食住三項均不須其自籌贖家費用亦爲代寄各工人自身目前實無須錢之必要故不如存待工竣積有成數於道途回籍時一併發給之爲愈況各工人初到時每棚均給發給白話布告說明按方給價與先發米柴等項並不按月支給工資何得謬爲不支又稱對待陽信人不平等一節實不知其何指查上年代寄贖家費工資時其到工最遲各縣工人因其作工日淺故所定數目較少該數棚係定每人一元然同數者亦有數縣皆無開言者或者災賑公會所送之陽信人自以爲有何等關係必須受特別之優遇今乃一律相待遂以爲不平等亦未可知體卹災民固爲辦賑要義然竟縱容致令擾及本地治安似亦非慈善事業所應有前因珍珠竊樹一案沙河商會對於該段工務員會有不滿意之言論謂路工處招集土匪擾害地方等語倘不嚴加約束滋生事端當更有甚於此者況鈞部舉辦附收賑捐亦係取之於民若因姑息災民作工之故而虛耗此項捐款恐各界亦必痛加罪責不稍寬假也夫工賑政策爲我部長之苦心經營德三滬蒙知遇界以斯任是以遇事開誠不避勞怨且德三既爲魯籍對於英民視如父老子弟何能稍有歧視在災賑公會所送之陽信工人因無知偶有誤會致疑對待之不平等原可不辨惟災賑公會函內有背道而馳之評判於鈞部名譽所關非輕用敢瑣屑瀆陳伏乞鈞部派員並咨行山東省長及災賑公會同派員實地調查以明真相不勝悚惶待命之至



煙濰路工賑紀略卷二

請獎

沿線縣知事及紳商之獎勵 呈文二件 交通部指令一件

呈交通部文

爲土方工程過半擬請先行獎給路線經過各縣知事獎章伏乞鈞鑒事竊以路工經過各縣境自測綫購地以至災民分段紮棚工作凡保護彈壓等事全賴地方官公誠協助能負責任乃於進行不致有阻上年開工伊始係從濰縣附郭起點逐漸東移經過昌邑掖縣兩處縣城與數處緊鄰鎮各該縣知事均能體會鈞部惠濟災黎發達社會事業之宗旨遇事相助當冬令嚴寒地凍之際各棚多半紮在掖縣工人每日必作早息不免因逸生玩滋擾之事此時爲多該縣知事因欽辰才具精幹辦事敏速地方及工人各方面無不奮服實於路工進行裨益匪淺本擬俟全路工竣當呈請獎惟土方工段現在已逾龍口遼東尚須經過黃縣濰萊福山三縣縣城茲冀此後東段辦事獲益起見擬請俯允先行獎給濰縣知事陳天麒昌邑縣知事吳元榮掖縣知事因欽辰三員鈞部獎章其因欽辰一員並請特予高秩以資觀感所有請獎路線經過各縣知事獎章緣由是否有當理合呈請鈞部鑒核施行如蒙核准擬請部令公布後咨明山東省長轉行遵照

交通部指令

令煙濰路工處處長趙德三

據呈悉已令給予陳天麒等獎章並准咨行山東省長轉行遵照矣此令 十年四月十八日

呈交通部文

爲擬獎路線經過各縣官紳商等開單懇請鑒核事竊查路工經過各縣境自測綫購地以至災民紮棚工作及遣送回籍凡一切保護彈壓勸導等事全賴地方官及紳商各界公誠協助方能逐漸進行無阻前以土方工程過半曾經呈請將濰縣昌邑掖縣三

縣知事樊鈞部樊章業經部令公布在案茲查土方業已次第竣事全路橋洞各工亦均鑿有規模同時並舉路綫經過之各場
方官紳商等均能協助進行毫無阻滯且自前次請獎濰縣知事陳天麒等三員呈奉鈞部明令之後各該官紳等欲仰觀感益復
因敢或憚遇事竭誠協助實於路工前途裨益匪淺茲擬請俯允將福山縣知事唐錫元等九員福山縣紳士煙台總商會會長
工處名譽諮議譚潛台寶連等十七員分別獎給鈞部獎章以昭激勵是否有當伏乞鑒核施行再路工處諮議係名譽職概不支領
車馬等費工發給以名譽獎勳上年十月間呈由路政司司長轉呈部長批准在案合併附陳 十年六月二十二日

盡義務植樹之獎勵 呈文一件 交通部指令一 來函一件

呈交通部文

爲縣紳植護路樹株不受酬薪擬請給予獎勵仰祈鈞鑒事竊查路線兩旁種植樹株於鞏固路堤遮蔽風塵及將來採用木材等
項均有利益本年奉令植樹時期土工方至黃縣境界遂先從濰縣至黃縣約四百里內着手栽植計自濰縣東關起至昌邑縣之
濰河西岸止一段係經濟南大林區委任該區技士韓繼武李代芳兩員先後代植由處支給津貼旅費其濰河東岸至黃縣縣城
一段則由平度紳士曲翰周一人完全擔任凡購買樹苗以及運送栽植僱工等事無不躬親其事雖雨雪載途未或少輟往返奔
馳月餘之久事畢酌送酬薪該紳士力辭不受聲明願盡義務強之至再除將往返旅費及僱工辛資核實支領外不受酬薪而屬
廉潔可風所植樹株均甚發育現計在活者約十分之六七成績亦極可觀查該紳士研究林學有素歷充濟南青島各學校校長
等職品學兼優望重鄉里茲者代植樹株甘盡義務在該紳潔身自好固無他求而德三實難棄於上聞謹此呈明伏乞鈞部破格
給予名譽獎章以昭激勵是否有當敬候鑒核施行 十年六月十八日

交通部指令

令煙濰路工處處長趙德三

據呈稱平度縣紳士曲翰周完全担任代植濰河東岸至黃縣城一段護路樹株均甚發育成績亦極可觀力辭酬薪甘盡義務已
破格給予名譽獎章以昭激勵等情已悉除另令給予名譽獎章外合行仰遵照此令 十年六月二十九日

交通部政司來函

逕啟者准總務廳移送貴處請獎給平度縣紳士曲翰周名榮章獎照條例各一份到司相應函送查照轉發祇領

捐置義塚施捨棺木之獎勵 呈文一件

呈交通部文

為縣紳捐置義塚遷葬路線內無主墳墓隨代呈明仰祈鈞鑒事竊查鐵路收用土地暫行章程及路工處購地規則均有遷埋義塚用地之規定是以上年派員丈量地畝之始即經飭令於路線附近城關等處酌購遷塚用地以備埋葬無主墳墓旋據濰縣紳士丁毓庚聲稱現在縣屬東關遊藝門外田家小莊地方捐地一方約計三畝有奇以備路線內起出無主墳墓遷葬之用當由備三備函申謝並派員會同該紳家屬同往該地看明界址在案本年四月間丈量地畝至黃縣時有該縣紳士丁壽僑者捐資京錢一萬千文購買義地一畝九分餘款備辦棺木無論有主無主墳墓自路線內起出者均可遷葬其內並每發一棺木附給京錢一千文又有城北百益村之村董成德英亦備棺木施給遷葬各戶並附給京錢一千文據選墳員報告到處亦經專函致謝查各該紳等平日急公好義久為鄉里所稱今值路工購地遷墳慨然捐置義地以備移葬之用實屬丁成兩紳且更施棺木附給葬費在該紳等樂善好施澤枯潤朽原無望報之心而路工處購地備棺開支遠有所節省且煙濰路工係屬工賑性質該紳等捐助地畝充作義塚並施棺木亦與捐資助賑者無異擬請鈞部特准按照內務部褒揚之例呈請大總統頒給濰縣紳士丁毓庚黃縣紳士丁壽僑成德英區額各一方以昭激勸是否有當伏乞鑒核施行

免費運送災民之獎勵 呈文二件 交通部指令一件

呈交通部文

為膠濟鐵道部免費運送工賑災民材料等項擬請酌獎仰祈鈞鑒事竊查路工遷集災民及購辦公用器具材料等項由嶽南蕩遠至濰縣分往工地經與膠濟鐵道部商定免費辦法業於上年十二月間將經過情形呈明在案當與該鐵道部商訂之初原約

俟土工告竣後仍將各災民由濰縣免費運回濟南嗣經詳加籌計土工係由西而東至告竣時災民多聚集於蓬萊福山兩縣境內距離濰縣已在四五百里之遙若復回濰乘膠濟路車西旋則川資之銷費與管理之繁複實有種種困難是以改由海道至塘沽乘京奉津浦路車道回各原籍茲者工賑事宜業已略有結束道送災民回籍亦經該事該鐵道部對於工賑善舉概允免收車費計自濟南至濰縣先後共運災民三千七百二十四名其他大批工用器具材料等項十數起並贈送員司往返免費乘車數十餘張統計運費之數不下萬元尚屬情殷濟救災師隣竊查南滿鐵道會社籌捐賑款並減免服務運費經內務部呈請大總統獎給匾額於本年一月七日奉指令應准給予匾額一方以彰義舉等因茲膠濟鐵道部事同一律理合呈請鈞部鑒核應否授案呈獎伏乞裁奪施行再該鐵道部協理工賑尤為出力各員應如何獎勵之處敬候指令示遵後再行開具職名呈核合併附陳

令煙濰路工處處長趙

據呈此次辦理路工膠濟鐵道部對於運送災民賑品等項深資協助准俟案擇尤請獎仰即調查實在出力人員職名以五六員為限速予呈送到部以憑核辦此令 十年七月七日

呈交通部文

為遵查膠濟鐵道部協理工賑實在出力各員開呈鈞察事竊前呈膠濟鐵道部協理工賑尤為出力人員應否獎勵一案奉鈞部指令開據呈此次辦理路工膠濟鐵道部對於運送災民賑品等項深資協助准俟案擇尤請獎仰即調查實在出力人員職名以五六員為限速予呈送到部以憑核辦此令等因奉此遵查該鐵道部內出力各員迭經接洽均能確知惟濟南濰縣兩站為運送災民出發到達之地點直接辦理運務各員出力最多而職名未盡知悉經即函致該鐵道部調查准復兩開單前來連同內部出力各員共計十員該鐵道部即係核實開送亦屬難以刪減應否即照單開員數呈獎伏候鈞核再德三上年奉令赴濟出京時適遇鈞部顧問平井附三郎鐵路技術委員會顧問大村卓一及南滿鐵道會社駐京之根本仙太郎江藤大吉等同車到濟觀及擬向膠濟商議免費該顧問等因言將赴青島約定同往介紹鐵道部長等商洽一切並云免我一層必竭力幫助嗣與該鐵道

部磋商結果允免全費實該顧問等協助之力爲多應如何優給獎勵之處敬請鈞裁所有遵令開送膠濟鐵道部協助工賑實在出力各人員職名錄由理合呈請鈞部鑒核施行 十年八月十一日

出力員司之獎勵 呈文二件 交通部指令二件

呈交通部文

爲測勘路綫完竣賑務結束擬請獎勵尤爲出力各員開單仰祈鈞鑒事竊上年十月德三奉派辦理工賑任事之初卽經請調並遴選學有專長及富於經驗勤慎耐勞之員助理一切到濟後商承省長公署選送各縣災民及與膠濟鐵道部商准免收運送災民材料等項費後卽一面組織測勘隊先行出發一面派員採辦食糧以及應用各器具旋於是月下旬在濰開工復經敦促獎勵寬猛兼施各該員等均能仰體鈞部惠濟災黎之旨忠誠服務勞怨不辭雖在冰天雪地之中罔或少懈八月以來雖未全工告竣然者其成績測勘全線共計二百八十五公里有奇其間改測黃縣至蓬萊一段以及沿路因山嶺河道之關係添測比較各綫費時約在一月以外計自初測至竣事不過五月有餘不爲不速其他如丈地購糧及籌備種種以及最近道送工人回籍經歷困難諸端不勝枚舉均經呈報鈞部有案茲者賑務一端已有結束各段工程方在進行之際德三恐見擬將開辦以來在事出力各員擇尤呈請鈞部酌予獎勵以資勸勉理合開具名單呈請鈞部鑒核施行 十年七月五日

交通部指令

令煙濰路工處處長趙德三


據呈及清單均悉查此項出力人員應俟該路工程告竣再行另案呈請核辦此令 十年八月十一日
呈交通部文

爲工程將次完竣遵令開呈爲出力各員司懇請鈞鑒給獎事竊前呈測勘路綫完竣賑務亦辦有結東擬請獎勵尤爲出力各員一案當奉鈞部指令俟工程告竣另案呈請核辦等因奉此遵查路工進行目前已具大體緊要之橋梁涵洞等項早經次第興作西段多已完竣東段亦不久可期告成調用及遣派工程人員或已回原差或因經手工事已畢而解職其現任職務之員俟事務

煙灘路工賑紀略

四〇

漸簡亦須分別去留俾資節省經核各該員經歷種種困難俱能不辭勞苦實屬成績可觀擬先擇尤呈請給獎以資勸勉謹分別開具擬獎清單呈送鈞部鑒核施行 十年九月二十五日



煙灘路工賑紀略卷四

工巡

工巡隊之籌辦 呈文一件 交通部指令一件

呈交通部文

爲飭辦工巡隊以資糾察工段押運糧款遞送函件懇請核准竊查各縣選送災民來路工作截至現在計達三十六七百名均經先後分段派員指導工作並頒發白話布告宣示鈞部德意勸勉勤勞作工及計算土方價目辦法其中明白事理深知感激者固多而狡猾懶惰滋生事端不服工頭約束者亦頗不少蓋人數既達三千以上品類至雜整齊加以各縣未能盡按限定資格挑選以致管理上不免時生困難德三前於計畫書內聲明擬請由省選派兵隊保護彈壓開辦以來僅於測勘隊及解運款項兩由縣署派隊護送至於工段彈壓一節雖曾借調地方警隊但非路工處直接統轄往往難就範圍況按日給辛費多而猶不得力查測勘隊及工段糧站運送糧食器具傳遞圖表公函亦在在需人奔走與其臨時借僱費鉅而責不專孰若自行編練事便而功倍茲擬自行組織工巡隊就地招募精壯良民並將現用之信差一併編入名曰工巡隊暫以三十名爲一隊設巡長一人服裝祇用布衣綴以煙灘路工巡隊字樣以示與地方警察區別每名給一木棒畧如指揮棍式按照十二月一日面呈之修正編制案錄屬於本處第五課以一事權其職務則專司糾察工人行跡維持工段秩序兼供押運工用器具米糧遞送圖表函件等事每月開支除隊長以第五課主任兼充不另支薪外巡長自十八元至二十五元巡丁擬分別等級自八元至十二元統計每月至多不過三百四五十元開辦時服裝各費以三十人計之亦不過二百餘元近日工棚因分墊地段展長時據報告工人有滋事情形不得已乃向昌邑平度掖黃等縣借撥警隊十名專司彈壓按日貼給差費而處內及各工段糧站僱用之信差尙須有十數人輪流奔走無少停息而項併計費用頗繁無從撙節今日組織工巡隊除開辦時服裝之外每月經費比較前此辦法並不多增而驅策

官能盡便除彈壓工人外仍分供一切奔走之役詳加研究實發借用地方警隊爲宜理合呈請鑒核伏乞俯准俟奉指令即當遵照招募並開具詳細預算及擬定管理章程呈核 九年十二月十九日

交通部指令

令煙灘路工處處長趙德三

據呈稱各縣遠送災民來路工作截至現在計達三千六百名其中明白事理者固多而狡猾滋事不職工預約束者亦頗不少彈壓一節雖曾借調地方警隊猶不得力擬自組織工巡隊將現用信差併入暫以三十名爲一隊該巡長一名隸屬於第五課專司糾察工人行動維持工段秩序兼供押運器具米糧運送圖表兩件隊長由第五課主任兼充不另支薪每月開支不過三百四十元開辦服裝各費以三十人計之亦不過二百餘元比較借調地方警隊並不多增等情事屬可行仰即開具詳細預算及管理章程總候核奪可也此令 十年一月四日

工巡隊之管理章程 呈文一件 交通部指令一件

呈交通部文

爲擬定工巡隊管理規則並開具詳細預算呈請鑒核事竊上年十二月間呈請試辦工巡隊一案奉指令事屬可行飭開預算及管理規則呈核等因奉此德三此次親往平度按縣開工段視察審度各工棚情形前項組織實難再緩業經即日籌備開辦以資糾察茲請遵照擬具暫行管理規則並開具詳細預算呈請鈞部鑒核伏乞指令施行 十年一月二十七日

交通部指令

令煙灘路工處處長趙德三

呈悉查擬訂工巡隊管理規則大致尙妥其間應行增減之處已詳爲改正合行抄發至所開詳細預算巡長巡丁薪餉均以最高級之薪額起算核與該規則第九第十條之規定不合應查照酌減再行呈核仰即遵照辦理此令 十年二月二十五日

工巡隊暫行管理規則

第一條 本隊隸屬於路工處第五課設總隊長一人以主任兼任承處長之命總司全隊事務

第二條 巡長一人承長官之命管理本隊事務並指揮教練各巡丁

第三條 巡目三人承長官之命駐守各段巡視路綫並輔助巡長約束巡丁遇事認真督事辦理

第四條 巡丁二十七人專司糾察工人行動維持工段秩序兼供押運器具米糧遞送圖表函件等事項

第五條 工人如不聽工棚正副目指揮或在工作時有口角或毆鬥情事應由巡丁隨時彈壓勸令照常工作

第六條 巡丁如見工人入村鎮街內游戲騷擾得立加禁止

第七條 巡丁須將本處歷次所發布告對工人詳為解釋俾知本處教育工人主旨

第八條 巡丁約束工人宜先以和平言語詳細開導非不得已不得加以威迫

第九條 巡長巡丁之薪水辛工依附表之規定支給

第十條 巡丁有異常勤奮辛苦耐勞者得由總隊長呈請升級

第十一條 巡丁如不遵從長官命令擅離職守或有不正當行為時立由巡長酌量扣工辛其情節較重者應呈明總隊長撤

差

第十二條 服裝器械表帽宜一律整潔並不准彼此互換

第十三條 輪班傳遞兩件圖表辦法另定之

第十四條 本規則如有未盡事宜得呈請交通部修正之

第十五條 本規則自奉交通部核准之日施行

附表

級 別	職 務	巡	長	巡	丁
	別 務				

第一級	二十五元	十元	
第二級	二十元	十元	
第三級	十八元	八元	元

工巡隊之擴充 呈文一件 交通部指令一件

呈交通部文

為請加工巡隊巡長巡丁名額謹陳事實仰祈鈞鑒事竊本年一月擬呈工巡隊暫行管理規則一案當蒙指令改正在案試辦之初先招二十三名加以訓練分派職務尙能遵照規則所規定勤慎服務成績略有可觀惟自測勘路綫完竣分配工段後事務較繁又值遠送工人回籍事體益加繁瑣工巡需要更多乃又於四月間續招十二名以供差遣查規則第三四兩條巡目巡丁之額共止三十名此次因事務之增劇續招稍有逾額但事實上實未能再為減少又查規則第二條巡長亦止一人以路線二百八十五公里之長巡長一人亦屬難於兼顧擬請將巡長名額改為二人巡丁名額改為三十七人以資分配德三為事實上需要尚見理合呈請伏乞鈞部核准施行 十年六月二十一日

交通部指令

令煙濰路工處處長趙德三

呈悉該路事務繁雜原定巡丁名額不敷分配所請改巡丁名額三十七人准如所擬巡長職在掌理隊務指揮一切原呈定額一名正所以一事權而專責成應勿庸增加員額仰即遵照辦理此令 十年七月二十一日

煙濰路工賑紀略卷五

賑務

災民初擬招集六千嗣以種種爲難改爲四千由山東省長通知東臨各縣選送而來以有家室者爲限因有家室之累者即無遊手好閒之人充雜其間寄款時亦易於調查預計以一人工作之力所得資金可養四五人即不啻賑一人而活四五人矣本擬招集多數災民惟恐人多工作時間必至縮短不及春暖而工已竣各人所得甚少仍不能達到救濟到底目的況時間過促不及測勘多數工人實無法安插

災民來省時由各縣選齊編號填冊送本處驗收並在濟南租有臨時寄宿舍收納先照像註冊編列棚號每棚三十人就中選派二人爲臨時正副日以心地明白識字者爲合格工人到濟後由照料員巡視演說以工代賑之宗旨並勸其到工後不得違犯規章等事工棚編製就序即由膠濟路運送至濰事前已與該路部長接洽妥貼許由該路免費運送工人登車前二日即由濟站電達青島總局備車至濟照料員押送工人排隊上車每車兩棚計六十人每四車派一員監視護送至濰下車後於車站附近假英國招工局空舍收容一如濟南休息一日俟糧米器具備齊後由工務員督率巡查至工作地點紮棚屯駐工人來自田間不悉工作每若干棚派一熟習工作者從事教導定有工作勤惰牌工頭之

上有監工及工務員分段巡視隨時由工棚正副目將各工人出勤病假曠工分別誌記由工務員簽字送處以作結算時之依據至工資之規定按工作之難易定工價之高低每一方糶者二角五分至四角至易者亦有二角之多時當冬令天寒地凍或遇開山硬土至多時亦有加至二元者

工人多至數千餵糧柴菜亦須備妥以免臨時不及本處於沿路分段設立糧站每五日由各該棚正目就近領取米糧柴菜等費計每人每日領小米二斤半每棚柴菜洋一元工作完畢後糧站隨同工棚節遞遷醫生亦每日按段巡視倘有患病者施以醫藥重者送就近教會醫院調養如有衣履不完者亦由本處購置棉衣襪履由工務員考查確實派員分發工人自里起程後由各該縣署每人墊發安家費兩元交由木人家屬具領以作度歲之資工人等喜出望外工作異常勤奮後因各縣署無款墊發財政廳又將本處交省代發之贍家費挪用致失信用工人不悉內容嘖有煩言竟有因而逃逸者以致人心渙散幾至不可收拾旋於三月間發第二次贍家費時各工人均以前次贍家工資遲緩家中斷炊爲辭請求自領自滙不願再經縣署轉發惟交工人自滙深慮携款潛逃有礙工作遂改訂工資雖用工人名義自領自滙而款不先發必須豫定何日在何處郵局滙寄時派員帶款眼同交滙以期核實嗣得家中收到銀錢回信多有請求仍回原棚工作者信用漸復工作遂得恢復原狀

當開辦伊始各縣挑選災民多不按章辦理不免有遊手好閒之輩充雜其間此輩意圖不勞而穫竟有倚恃災民資格騷擾鄉民強提官車向地方索取鋪草情事屢屢被人控告重者交地方官選解回籍輕者送自新所管束後在煙台復因受人煽惑有罷工一日之舉幸即恢復工作

初開工時適值冬令工作維艱嚴寒時正在掖縣進東山地土質堅硬尤難開闢而災民來自田間素未諳習初恐難收實效迨工竣結帳成績頗有可觀除扣糧米傢具價值外勤者多至三十六回清者亦有二三回平均每人所得約在十回以上其結帳手續均按考勤牌及工務員收方報告表核對編冊立單開具銀行支票滙寄各縣發給工人家屬親蓋指印收領仍將收據寄回本處存查工人回籍時本擬由烟台乘輪船由天津轉由津浦路遣回嗣因工人在煙台有罷工情事遂改由龍口登輪以免旁生枝節詎臨時反多潛回原段工作者亦只能照平時僱工辦法歸工段僱用賑務結束路工處不再過問矣

災民所需工糧器具多就市集採購或自百數十里之外不等蓋既恐當地購糴易使居民受糧商抬價之困苦又恐市儉壟斷居奇故不惜奔走購自遠方至器械等件亦多就出處採辦如章邱之蒲膠州之竹竿等類故價極平允

選送災民之手續 簡章五則 函二件 來函一件

選送年工災民簡章

一資格 以十八歲以上四十五歲以下無殘疾嗜好及確有家累而無生計者為合格

二人數 由各縣運送工人每批一百名由縣署開列名單派員送至濟南交警察廳指定之收容所由路工處派員點收另行列表編記

三次數 每二三日運到一批以免人多難於容納

四旅費 由各縣起運到濟南歸各縣担任到濟後歸路工處担任

五名單 格式另附表應按所列四項詳細填入

致山東政務廳長函

逕啟者運送災民至濟一事前經將運送章程及表式函交承允即行通知被災各縣運為運送日前趨謁後允為電催至深銘感刻下險區一切應行籌備事宜均經布置就緒勸隊日內出發一俟災民到濟即可轉送工地着手工作最好能於本月二十日按照前定簡章將第一批災民運到濟而方於工事不致有誤相應函請貴廳查照迅賜轉飭各縣遵照至泐公誼並祈見復

山東政務廳來函

逕啟者准函敬悉運送災民至濟一案已呈由省署電飭德恩陵平原禹城武城六縣迅速運送矣相應函復貴處查照

復山東政務廳函

逕啟者准函開運送災民一案已電飭德恩陵平原禹城武城等六縣迅速運送等因敬悉敵區現已在商埠租定棧房一處為災民寄宿之所約可容七八百人惟各縣究於何時可以送到務請督處再行電詢確期最好能於到濟之前二三日先行示知以便預備食品免致臨時趕辦不及相應函請貴廳查照辦理並祈見復至紉公誼

選送災民之數目 函四件 來函五件 電二件 呈文一件

致山東政務廳函

逕啟者昨日德三至濟察看情形現在需用工人無須過多暫時先以四千人為限可以敷用敬祈轉知各縣詳情容俟回濟面談

相應函請查照

上交通部電

趙次長鈞鑒奉函開華北救災協會選舉災民來路工作等因敬悉查路工需用災民前經鈞部咨行魯省副由德三就工程預計四五千人可以敷用已按此數與地方官商安現正陸續轉運工地謹電陳明 九年十月二十八日

臨清旱災籌賑會代表錢道盛王不顯來函

敬啟者敝縣全部寸草無收顆粒未見灾情奇重實爲他縣之冠今災民嗷嗷待哺迫不及待敝會公推盛顯等爲代表赴省請求急賑並面請先生設法在臨清多招工入實行以工代賑及到省時已公出交現旅濟同鄉護商恭懇先生函知敝縣楊縣長招募一千工人組織成隊由敝會或貴處照料川資費倘由貴處發給固甚感盼即由敝會籌措亦未始不可總之此種極貧強壯之人若不設法安插勢必鋌而走險難保目前治安切懇先生慨允將敝縣工人多爲設法安插則盛等幸甚

致山東省長函

敬啟者敝處現接臨清旱災籌賑會代表錢道盛王不顯函稱擬招募工人千名送敝處設法安插等因查敝路工處暫時需用工人四千名業蒙貴公署分飭德恩陵平原禹城武城等六縣選送在案臨清縣災民是否准其選送應送若干應請貴公署查核辦理除函復該會外相應鈔錄原函送請核飭遵照 九年十月二十九日

致山東省長公署函

敬啟者敝處路工需用工人前蒙貴公署分飭德恩陵平原禹城武城等六縣選送業准各縣將第一批每縣各一百名送到濟南轉送工地查敝處湖柳隊刻已滿至昌邑縣迤東鄉地人員亦出發開工後需用工人漸多爲此函請貴公署查照原案轉飭各該縣仍照前定資格迅速陸續選送至濟其各縣總計人數前後共以四千名爲限以便按照分配 九年十一月

致山東省長電

煙濰路工賑紀略

四九

濟南田隴省長鈞鑒本路開工將及兩旬各縣遠送災民僅五百餘人時屆冬令轉瞬地凍難以施工前函請先選送四千人務懇
電飭各縣源源資送濟南勿再延緩致誤工作是所至禱 九年十一月十一日

致交通部賑災委員會函

敬啟者奉貴會函開據華北救濟會函稱魯省推臨濟希於招工時將該縣加入等因查路工需用災民係由山東省長分飭各
縣選送前准臨濟旱災籌賑會來函請求業經函請山東省公署查核辦理現已由臨濟縣知事選送災民六百名到濟日內即可
轉運工地未函前因相應函復即請查照

恩縣公署來函

逕啟者案奉省長寒電內開以煙濰路路基急待開工迅照前令遴選及格災民一百人務於本月二十日前造冊派警護送省城
煙濰路工處驗收每人日給洋二角並先墊給每人工洋二元交災民家屬具領作為安家費將來統由工賑款內分別撥還等因
奉此茲經敝縣照表遴選合格災民一百人每人發給兩日路費計洋四角及墊給每人工洋二元交由各災民家屬具領除另文
呈報外相應派警護送並造具名冊一本函送貴處驗收 九年十一月二十一日

山東省長公署來函

逕啟者案據恩縣知事呈稱案奉鈞署第三八九八號令開以修築煙濰路路基應由被災各縣知事招集災民派送工段作工以
資救濟等因並發工人運送手續及姓名表一份到縣奉此正在招集災民間又奉鈞署寒電內開與修煙濰路基選送災民一案
急待開工迅照表列合格災民總送一百人務於本月二十日前造冊派警護送省城煙濰路工處驗收每人日給洋二角並先墊
給每人工洋二元交災民家屬具領由工賑款內分別撥還切速等因奉此遵經知事遴選合格災民一百名送交煙濰路工處並
墊付災民每名給家屬工洋兩元又墊付進省每人每日路費二角計兩日路程每名合洋四角除另造具名冊派警咨送外理合
具文呈報核等因據此除分令省會警廳歷城知事妥為照料外相應函請貴處查照 九年十月二十八日

山東省長公署來函

逕復者案准函開修築煙濰鐵路基工人前後共四千名爲限除已送外囑即轉飭各縣迅速選送等因准此已按照需用人數分
配各縣電飭迅速續送矣相應開列各縣選送人數清單函請貴處查照 九年十二月一日

山東賑務處來函

逕啟者查山東賑災公會以各處災民多赴會求送煙濰路工作函請省公署轉致貴處遇有差往災民卽予收納俾資生活當經
省署轉達在案茲據災賑公會派員來處聲稱所收陽信災民朱寶山等二百四十九人昨已送交茲又續到史裕崑等二人連同
前送之朱寶山等一併造冊送往未予收納囑爲轉請驗收等語查該災民等既已遠道前來速無告若不設法安置必致流爲
餓殍特將原冊送上敢祈准予驗收以示矜恤並希見覆 九年十二月五日

呈交通部文 十年一月二十九日

爲報告各災區選送工人數目及工人運到工段後經過各情形呈請鑒核事竊被災各縣選送工人運到數目前於呈請試辦工
巡隊文內曾將畧數聲明在案查自民國九年十月二十五日起運之日止計實收各縣送到工人
三千七百二十四名當德三到濟之初適齊省長因公至京經與前政務廳長商定挑選資格並參照路線里數約計土方之高低
與夫作工之時期假定選用六千人每三四日由濟裝運一批至濰每批以六百人爲限約至運四十日可以運竣由省公署分行
轉發各縣迅速選送去後不意中經各縣之遷延致不能與預定之計畫貫徹直至十二月中旬送到濟南者僅有前數中間停滯
者半月有餘且其中又有山東災賑公會中途來陽信人二百名事前未經本縣知事之認可函電往返停候多時始能由縣署補
冊其時節候已屆冬至天寒地凍正工作停滯之期且濟南之臨時暫宿舍係周按月租賃造冊押送等項又須道員司經理其事
而與膠濟路預約定期亦已屆滿若再延長時間坐待各縣之遲遲選送未免虛糜過甚不得已乃決然函請省長公署先行停止
此招集災民未能遵符原額之實在情形也但工人運送到濰陸續分裝工段後其中缺乏棉衣者實屬不少經派員確查分期在

濰縣掖縣兩處定製發給而鞋襪亦爲最要之需因掘土用力多在兩足故較常人所用尤費亦須爲之製備又衛生一事亦屬要端各工人來自災區前此曾受凍餒到工段後寒疾失宜加以勞力不免發生疾病而選送更多未加注意如肺癆等病亦在所不免經在濟南齊魯大學醫學專科聘請醫士兩員購配應用藥品分駐工段巡行診視其嚴重者送往附近教堂醫院療治兩月來治愈者不少其極重因而死亡者亦有數人均經該醫士等具有診斷證書存案其中食糧一項最爲繁雜工棚分駐上下約百餘里每遇挪移須預先派人購備城鎮集市每月不過六期每期所購亦祇僅供數日之需是以採辦地點有遠近工段數十里百餘里者零星湊湊分段囤儲月初本已向龍口一帶籌備近以雪後天寒土工遲滯前備工糧又有不敷之處更須將派出之員調回酌量添備幸各員均能勤苦耐勞當不至貽誤工食又查計方給價辦法於工人方面頗有利益自開工迄今勸作各棚除運米價外存收多者每人計六元上年曾派員赴各棚詢問將餘存工資寄回原籍各工人由處造冊將款彙送山東省長公署轉飭原送各縣趕於舊歷年內發交各該工人家屬具領以爲度歲之資德三此次視察工段時復經調查工人中業有接到家書聲稱前發之款業有收到者就現在狀況平均計算每一工人除自食外所餘約可養贍三四人之譜以總數三千七百餘人計之實受工賑之惠者已不下萬餘人比之散放急賑徒然養成人民惰性者似較有益惟各縣選送時多未按照原定資格致其中不無老弱與遊惰無業之民而尤以館陶臨清陽信爲最甚故不得已有自新所之設以懲其改悔至前此發生口角毆打以及與本地人民衝突並訛詐勒索偷竊各案輕者由各工務員酌量訓懲重者交地方官依法懲辦俾知警惕刻下舊歷年關在即內地習慣商民多停業休息擬於春節期內放假二日並考核平日工作勤惰分別酌予獎賞以資獎勵此災民運到工地後之管理大概情形也德三縣濰部長信任開辦以來仰體以工代賑之旨嚴以律己誠以待人對於各工人歷將鈞部德意詳爲宣示其中大多數均能領會以奮勤作路工前途進行當不至或有阻滯理合將經過情形並各縣選送人數及膠濟路運送日期次數分開清單伏乞鈞部鑒察 十年一月二十九日

運送災民之情形

呈文一件 函三件 來函二件 交通部致青島日本鐵道部函一件

呈交通部文

爲報告運送災民及應用器具物品與膠濟路次磋商免費經過情形仰祈鈞鑒事竊德三自奉鈞諭籌擬修築膠濟路工於
意見書內聲明將來災民必須經由膠濟路預計運送災民置辦傢具測量儀器採買糧食及員司來往解送款項等種種均須由
膠濟路赴濰縣下車若必一一購票費用之數既多而運轉未必即能靈便是以呈明鈞部函致青島鐵道部請予便利即係預備
磋商前項運費起見十月五日到齊八日偕胡主任精清爲通譯赴青島鐵道部通知約期會晤九日九時彼部約往開臨時會議
德三在議場詳述本年直豫魯一帶旱災情形本部總長因謀救濟之方乃定以工代賑之策此來擬懇貴部運送災民并求遇事
與以便利其時該部長林山雅之介回國內田總務科長代理職務盛務工賑辦法之善且云僑居濟南青島日本人及鐵道部官
吏亦有籌賑之議惟報章所載若此路係預築鐵路基之計畫究竟是否屬實查民國四年之約係屬政治範圍此次若修築鐵
路則與政治牽涉貴處長能否證明並無修築鐵路之事等語德三當答以此次奉部令確因魯省旱災敝國交通總長採用以工
代賑之法遣派德三選集災民沿舊有道路修築土路實係以機關而辦慈善事目前既爲災黎謀生活他日可爲商民得便利開
貴國朝野上下以及駐濟南青島官商居留民等咸以敝國今年直魯豫旱災區域甚廣均熱心籌備救濟載在報章見諸事實德
三敢代表魯人頌首稱謝此次入島目的欲請貴部對於此事選去一切普通辦法予以最優便利俾德三興工之際受惠無涯而
一般山東人士對於貴國亦能增加一層美感反復陳說相見以誠內田聞此極爲首肯云貴處長來意至誠當爲轉達敝國總司
令十一時半散會內田總司備軍總司令報告一切即託其先容午後二時德三亦往謁總司令山比大將先道本部總長企慕之
忱繼述來島之意適平井大村兩顧問已先在坐其道此次恰好同行來東談及本年旱災極道總長熱心提倡救濟故有以工代
賑之舉特派趙君主理此事吾等同行已聞趙君有具體辦法今求由膠濟路運送災民其目的固不僅在災民實兼一種親善之
誠意願閣下熟思山比司令頗爲動容少頃答曰君言誠善我輩近方籌募賑款與其賑以金錢孰如濟以車輛爲便惟建築鐵路
有關外交吾個人未便擅專如趙君能證明確非修築鐵路吾可電請敝國政府予以便利等語德三答以本部總長決定以工代

賑救濟東民非修築鐵路等奉部令亦祇是移運災民修築土路而已是晚再晤內田畧述早聞報告時司令官頗有許可尙待復命惟再三叮囑不以慈善案及外交爲斷十日由比大將請宴德三以畢允辭旋濟十七日再入島探候鐵道部云聞陸軍大臣有會議尙未決定二十五日接青島電話約德三前往二十六日晤內田云司令部已奉到陸軍大臣命令一切允照前議辦理遂訂定運送災民手續人數以六千爲限每次二百人或三百人先期二日兩報濟南驛長定車至一切材料及本處關於築路應用糧食物品器具等約若干噸員司長期免票若干張均一一訂定明白由鐵道部電知濟南站照備是夜回濟然前未訂明約時已由內田部長特別允許免費運送赴濰之測勘隊員司及應用器具糧食若干車當時德三深得其贊助曾發電報告總長在案竊此次統計約省費不下二三萬餘元而便利實不可以尋常計殊非始料所及固由於在京入手辦理得法磋商時不抗不卑兼以威動外人故由比內田企慕之懷均於語言之間無心流露始得有此結果謹將經過事實稟陳擬請鈞部賜函由比內田聲明致謝寄由德三專送以表鄭重之忱俾德三嗣後遇有未盡事宜更可得其便利是否有當伏候鈞裁 九年十二月十二日
交通部來函

逕啟者接本月十二日函悉此次商准由比內田二君所有工賑運輸得此種種便利因應得宜實堪欣慰茲將謝函函寄該處轉希專送以表慎重 十年一月二十日

交通部致膠濟鐵道部兼領部長秋山雅之介函

逕啟者准十一月四日函開關於輸送煙濰路工人材料及訪運費均已允一律豁免等因本部深爲感謝除函知煙濰路工處外趙德三查照外相應函達貴部表示謝忱

致謝膠濟鐵道部長函

敬啟者前上燕函計糜費及敵國交通部處於本年直魯一帶罹災甚重故謀以工代賑之舉爲災民暫圖苟活德三承乏此工賑

夜兢兢惟恐一夫失所昨以部函奉懇於速送災民一節請求假道乃承貴國司令官及貴鐵道部允與特別便宜送聽之下不獨交通部與德三級荷適於恒情凡魯境災民實利賴之至於興築工事則僅就舊路加以繕修俾達救濟目的而已若報紙所載敷設鐵路實屬誤傳特此聲明並達謝悃

致謝膠濟路鐵道部代理部長內田函

敬啟者昨因公入島藉識芝顏豐聆雅教俯以儲厨貯皆珍味固已五中銘感爾頗留芬復因運輸之件承台端種種周旋司令官慨然允予便利思我災黎惟有東望頂禮代同胞感戴無涯矣德三回濟後從速布置一切日內已有端倪至於運送災民及器具等手續是否專候貴部令知濟南站長辦理抑或由敝處直接與濟站商辦或必須敝處親往面商之處統祈撥允見示如必須親往請指定日期函寄濟南保綫事務所轉交以便準備啟程無任拜禱專候賜謝

外交部特派山東交涉員公署來函

逕啟者查煙濰路工所需工人均由膠濟火車搭載前往惟自開辦以迄今日究竟載運工人幾次共若干名並是否一律免費均未深悉擬請由貴處查明逐細見復用備查改再日人以運輸苦工免收車費於煙濰路工實予以最大之便宜因而對此亦稍有希望願將運載苦工一切便宜事實詳登各報觀其意旨要在俾衆周知用示敦好因思彼衆對於路工予以便宜一切事實自不妨登報宣明究否可行並請查酌辦理相應函達統希見復為盼

復山東交涉員公署函

逕啟者前月由濰縣東行視察路線至煙台本月初旬接准大雨敬悉查敝路由膠濟鐵道運載工人至濰一案前奉交通部長命持函往謁秋山鐵道部長適秋山回國乃與內田總務科長面議復謁山比司令與之磋商得其許可免費運送當將經過情形詳呈交通部備函致謝現在敝路所需工人約計四千名業將陸續運竣矣相應函復貴公署查照

工人之逃逸及預防法 函一件 來函一件

煙濰路工賑紀略

致山東省長函

敬啟者各縣選送工人上年曾經商承貴公署限定年齡及確有家累等項資格辦法由貴公署分飭被災各縣按照選送截至十二月中旬共計收到平原等二十四縣送到濟南災民三千七百二十四名陸續運往工地在案到工後凡居住棚鋪米糧鍋竈等用品以及工用器具均由敝路一一爲之備辦安貼其缺少棉衣鞋襪者亦均爲之備辦齊全並代寄贖家費用及延聘醫士配製藥品不時巡行診治疾病體貼災民似已無微不至其中安分工作能受約束者固多刁狡懶惰不服管理因而逃走者亦頗不少其尤甚者甚至竊取工用物品潛逃更有將發給衣服糧食者至訛詐鄉愚及偷竊民間物件之事亦有數起均經送交就近縣公署依法辦理近日因發給鞋襪等費及寄款至各原籍家屬後續行逃走者更不一而足敝路係屬以工代賑辦法工務各員止有督促工作之權對於潛行逃逸種種行爲實屬無法拘束雖經商請路線經過各縣知事派警彈壓然人數無多誠有鞭長莫及之勢查各縣所送災民中老弱疾病以及游手好閒之輩均所不免大約選送之時必有未照商定資格嚴加挑選者是以發生以上種種弊害若不從速設法恐以後更難維持況潛逃後焉知不在鄉村避匿爲害地方是以更屬可慮茲將逃逸工人縣籍姓名抄錄清單函請貴公署迅賜分飭各縣按名查傳遞送回工倘工人中有未回籍者傳其家屬保人追說至現在工段作工之工人亦應由各縣轉飭各該家屬令其通函本人安分工作以免貽誤路事相應函請貴公署查照仍請賜復

隨將工人逃逸原因及預防辦法並擬續寄贖家費用分別開陳察

一德州德平等縣在路工作災民因未領到去年底所發之贖家費頗有煩言多有因此而逃逸者於管理上甚感不便曾於前電陳明應請分飭各縣早爲發給以保路工處之信用而免工人再生誤會

一災民逃逸者截止一月十八日業經於二月一日完送在案茲復將二月十五日以前工人逃走者另單開送經詳細調查其中以臨清德州德平陽信爲最多蓋受德臨路放糧影響擬請分飭各縣速將送回原籍之工人遞送回路工作一面函請德臨路主管人員勿得收用本路送回之工人以免索製本路工作附工人逃逸清單一件

一本路於三月初旬擬再發贖家費一次每人約三元仍請預先分飭各縣按照單開數目備款倘能避去普通手續俾工人家屬一面可早得款一面即知照工人安心工作以資鼓勵而免潛逃可使早日工竣並使各該工人得早日回鄉耕作

一觀城縣各工人初來時之安家費擬於此次送贖家費時同時彙送祈一並分飭該縣遵照

山東省長公署來函

逕啟者案查前准函送各縣災民到工段後逃逸病故及請假未回清單請飭各縣分別查傳等情當經令飭各縣遵辦去後茲據恩縣知事呈稱本縣逃逸工人八名遵即飭差按單往傳逃逸工人石玲在家受有重病不能動移亦無家屬其保人張振邦保伊病好將其送案遞送回工逃工劉俊齡有保人董化行當庭保伊定於陰歷二月初三日起程赴工逃工張克信有保人張志恒俱稱張克信之父母均有殘疾又係孤子無人奉侍請求免送回工並將前借工資洋四元由保人墊出繳案送還逃工郝瑞池供稱爲腿上生疔回家現已取保回工其餘逃逸工人高雲方任金海李維邦左清林展東迎等四名均已將其家屬保人傳到追訊黨伊等供稱實未回籍以後如若回家將其繳案送回工各等情據此知事覆查係實情其在工段作工之人亦經知事飭令各該家屬轉達安分工作奉令前因所有追訊逃逸工人情形理合具文呈覆核轉咨再逃工張克信所繳回借工資洋四元一並具批呈繳懇請查收轉送並乞印發批迴補案合併聲明等情據此除將呈繳扣洋另文彙送外相應函達貴處查照

工人之管理 管理工人簡章十三條 布告五件 工人自新所規則九條 管理工人新章十二條

管理工人簡章

一 煙台工棚以前所作之土方所用之米洋所借之工資等項一律截至陽歷五月三十一日爲止新編工棚自六月一日起按新

編章程辦理

一 蓬萊工棚以前所作之土方所用之米洋所借之工資等項一律截至六月十日爲止新編工棚自六月十一日起按新編章程

辦理

一 撥家口工棚以前所作之土方所用之米洋所借之工資等項一律截至六月十二日為止新編工棚自六月十三日起按新編章程辦理

一 各工棚自改編之第一日起以後工作按新編章程辦理之做工時先將土方算出聲明價格限期竣工核洋若干除扣算糧站米價炭柴等款及正副目津貼外由處派員監視收方核價按名分發以昭信實

一 凡各工棚所賺之工價每百元津貼正目三元副目一元五角以酬其勞

一 各棚工人所用之傢具仍由公家預備立有帳摺交工人收存爲據若有短少按原價由新工扣價以杜盜賣而免任意損壞

一 各棚工人若有刁猾懶惰及不守棚規者或經督工人查出或被正副目告發派人查明即行裁撤令其回家若有非法行爲遂地方官懲辦以儆效尤

一 各棚正副目有不稱職者經督工查出或被工人告發派人查明立予裁撤不准到棚復充工人若有非法行爲裁撤後遂地方官懲處以肅棚規

一 各工棚若有懶惰敷衍情事即行解散收回傢具令其回籍

一 各工棚工作時如遇堅石沙石硬土加高水泥等工得由該棚正副目請督工人親至工作地點驗明額外酌量加價

一 各棚工人在未完工以前回家者不能遣送若至工竣後多數回家者自有優待辦法

一 本簡章如有未盡事宜經工程司呈請處長修定之

一 本簡章自處長批准之日施行

布告一

今年山東省有幾十縣 沒有收成 又有幾縣 毀了兵災 許多的人民 缺少衣食 轉眼到了冬天 又饑又寒 甚是

可憐 現在 大總統總理 並京外各長官 都正想法子籌款募捐辦賑 預備了糧食 在被災最重的地方散放 吳縣的地方也預備辦平糶 但是與災民最有利益 莫如以工代賑的辦法 這個辦法 就是將那被災地方的無業饑民僱到工作的地方 按着他工作的多少 發給工錢 除了吃飯之外 還可多餘幾個錢 養他的家口 在國家用了這一筆錢 可以作成了一宗大工程 在饑民工作既得了錢 並且可以學會了工作的本事 工完之後 回到家鄉 或是到了別處 都可以憑着本事餬口 地方上也多了許多分利的人 現在交通部採用這個以工代賑的辦法 修造從煙台到濰縣的土路 修成以後開行汽車 商民的利便 實在甚多 查煙台到濰縣 經過福山蓬萊黃縣招遠掖縣平度昌邑濰縣等八縣 沿路城市村鎮 從前都是繁盛地方 農工商業也不少 近幾十年來因為交通不便 已不如從前 要打算這些地方興旺 非有極好的道路不可 甚際緣故呢 就是這條道太壞 車馬行走甚難 客人來往 貨物搬運 用錢太多 耽誤日子 好容易到了地頭 本錢太重 利錢太輕 吃虧不少 農工商業所以不能興旺 現在交通部決定以工代賑修造這條土路 既可養了許多饑民不至於失業 又替經過地方的農工商作成了極方便的道路 本處長現奉 交通部命令 來造這條土路 即日就要開工 所以先將這條路的好處說與大家知道

布告二

查本處路 乃是以工代賑 因為你們家鄉 年成不好 謀食艱難 所以招你們到此處做這土工 得了工錢 除了養自己之外 還可以養家 現在將工作的價錢定出來 告知你們 每一方土是營造尺十尺見方一尺厚 這土路在二尺以下的 每方按着大洋二角給工錢 高在三尺以上的 每方按着大洋二角五分給工錢 在八尺以上的 按着三角給工錢 因為土方在一尺至三尺高作的最容易 土方過高作的就難 所以工錢有多少 現在發給你們小米零錢及傢具 是預先借給你們用的 將來按着原買的價錢 在工錢裏頭扣回 下餘的錢 都替你們送到家裏去 現在要勸你們幾句話 工作的時候千萬要殷勤不可懶惰 早晨起來要早 吃了飯的時候不要歇的時候太多 因為發工錢不是按着

一天給多少工錢算的 是接着作土方的數目算的 你們作的多 得的錢就多 除了吃飯之外 還可以將留餘的錢養活你們的家口 要是作的少 得的錢便少 自己吃飯恐怕不濟 怎麼會有富餘給家裏呢 你們要知道 無論何等樣人 做事只要能勤 便是有志氣的人 將來必有發達的日子 要懶惰無論有多大的本事 終究必要受苦 作小工發財的人也很多 都是從勤上得來的 本處長苦口勸你們 全是爲你們個人打算 願意你們多富餘幾個錢 並不是圖省錢 要你們多作工 你們細細的思想 這話有理無理 你們有認識字的人 務要將這張布告唸與大家聽聽 就明白了

布告三

今年因爲你們的家鄉荒旱 所以教你們到這裏作工 既是因爲荒旱來的 就應該守規矩 不可胡作非爲 你們都是山東人 現在來到的還是山東地方 你們與他們本地人 本是鄉親 你們每天作完了工就在棚子的左近歇息 不可到村子裏閒走 去擾亂人家 遇見本地人 搬家走路的時候 更不可強坐人家的車 或是硬拉人家的牲口 務必要和氣 不可欺負老實人 還有件要緊的事 如今一條一條寫在後面 你們一切要記着 如果犯了 本處長是一定要嚴嚴罰你們 或是送到縣衙門裏治你們罪 決不寬容你們

一不准喝酒

二不准吸鴉片煙

三不准賭錢

四不准吵嚷 如果一棚子裏的人有不講理的准你們告知棚頭管教他不服的再告知監工的辦他不許你們自己爭鬧

五搬棚子的時候不准強拉人家的車馬

六不准強買人家的吃食

七不准毀壞人家地裏的樹木青苗

八發給你們的傢具不准隨便毀壞

九棚子裏要打掃潔淨不准遭塌

十夜裏睡覺不准點燈

十一歇工的時候不准到村裏閑遊

以上所說的 你們務必要小心了

布告四

本處做土方的工錢數目 前次已經布告你們了 這項工錢 每逢做完了一段的時候 本處派人丈量 算明白了是少方土 按着一定的價錢 核算出通共是多少錢 除了預先發給你們的糧食傢具應該多少錢 分幾回扣還之外 下餘的每人應得多少 開一個單子告訴你們 仍舊將錢存在本處 等着積的稍多的時候 替你們寄回家去 或是你們做完了工回家的時候再發給你們 你們如果要因為天冷 應當買棉衣 也由本處替你們置買 不必自己領錢去買 爲甚麼呢 因爲你們天天有飯吃 現在並沒有用錢的去處 手裏存着錢 也很不妥當 不如本處長替你們存着的好 你們要知道這是替你們積攢錢 並不是尅扣你們的錢 現在詳細的告知你們

布告五

本處選給作工人的工錢 是按着土方核算價目 現在已將第一棚至第七棚所作的土方 按着地段的長短 土台的高低 照前次布告所定的價錢 詳細細算了出來共多方 除了扣還你們的吃食米糧之外 每棚應該存錢多少 另外作出單子 每棚發給一張 這是每棚的數目每人應分多少候着算出來再布告你們 但是按着單子比較起來 有幾棚 得工錢甚多 有幾棚的甚少 這是甚麼緣故呢 因爲有一般人作工太懶惰的 所以除了扣還米糧價值之外 存不

了多少 這就是有勤有惰的緣故 從此以後 懶的必要打起精神 跟着勤的學 將來第二次算賬的時候 就知道本處長從前勸告你們的話不錯了 現在每棚發給一張單子 務必要好好的保存起來 你們應得的錢 本處暫時先替你們存着 後來的各棚 等到作完了一段土工 算了方數再將工錢算明白了 布告你們知道 工人自新所規則

一本所專收作工懶惰不服管束及違背通告之工人

二本所名為自新所凡有工人送到後其已悔過者仍可送回原棚作工

三悔過須要自己出具甘結永不復犯

四初次犯者送本所十天二次犯者送本所一個月三次犯者送本所後須候完工再送回籍

五本所看守巡警由縣知事派送

六本所每天預備粗糠小米飯早晚兩次

七本所打掃房屋院地便所等事由看守巡警指派住所工人辦理

八本所煮飯燒水等事派住所工人輪流辦理

九凡因毆致傷或訛詐鄉民等情事均屬刑事範圍應送地方官懲辦

續訂管理工人簡章

一本處前招災民近因農忙要求回籍刻已陸續遣送所有以前管理災民辦法截至六月十二日告一段落

一所有未回籍者仍留本路作工另編工棚以普通工人按此新章優待之以土工完竣為止土工完竣後本路尚有工程願留工作時其章程另行規定

一自改編之日起由工程司支配工棚承作地點段內之土方並將方數價值公布限定若干日竣工以便努力工作遇有堅石沙

石硯土加高調土水工時經工程司驗明後得酌量加價倘因天災時變或有其他特別情形由工程司證明得酌予體恤

一各工棚米糧仍由糧站代備聽其憑摺領取每人每日不得過二斤半少領及不領聽便柴菜錢亦得由糧站備給每人每日銅

元五枚該款及米糧原價俟結算時由土方價內扣除

一各棚所用傢具仍由公家供給立帳存據完工繳回如有短少按原價由土方內扣回

一每段完工先由糧台將所用米糧多少器具數目價值及借項開送工程司以便立單照扣

一土方價值由工程司立單將前條款扣除後在所餘項下內提百分之四爲正副目之獎勵正目二成五副目一成五其餘之數正副目及工人按人數均攤由工程司開花名單交糧站逐名發給由各工人於單上加蓋指印送處核銷

一各棚正副目有不稱職者得由工人另行選充原有正副目得降小工

一各棚正副目及工人中有刁滑懶惰不守棚規者一經監工人查出或經告發者查明立即革除他棚亦不准收容其有非法行為或容留外人者送地方官嚴行懲辦以肅棚規

一若全棚懶惰其所作土方價值經工程司認爲不敷伙食者應即追收傢具立即解散以儆效尤

一倘工人於工作期間能勤力工作一氣告成不生事端回籍時自有優待辦法素不安分者或工未完而欲回家者本處概不寬送

一本簡章自奉處長批准之日施行

工人之滋事及彈壓情形 函七件 來電一件 來函一件 通告一件

致 昌 邑 縣 公 署 函

敬啟者敝路土工工人係經商請省長公署分飭被災各縣選送由敝處編棚分裝作工地段派有專員教導工作當經編印白話布告宣交交通部以工代賑宗旨曉諭按方給價各辦法爲之代聘工作器具棉衣鞋襪食宿應需種種用品並禁在各處村莊滋

據本地人民各在案開辦以來各該工人尙能安分作工總受教導惟統計人數四千有餘其中良莠不齊誠恐不免或有滋生事端爲此函請貴公署查照酌派警備隊十名前往工作地段會同該處工務各員逐棚巡查以資彈壓而安閭閻至緝公誼卽祈見復

致濰縣公署函

逕啟者前據工務員鄭德信報稱第五十五棚工人行至平度縣境灰車嶺有強用村人呂松江械鬥情事呂松江向之分辦被打並搶劫留監視主工人賈翰臣攔阻亦被毆打並搶去袴帶又於途中擅奪大車坐至沙河各等情請示辦法前來當派敝處委員崔敏純張新謀前往調查並商由貴公署派遣警隊同行茲據該員等回濰稟復調查該棚工人確有打人及捉車情事將工人李元盛馬玉峯程清演三名押帶來濰監工賈翰臣亦一并同來並取其稟供等情查敝處對於取締工人曾經發布告嚴禁與地方人民爭執及強用車馬強買物件在案乃該工人等竟敢任意妄爲不服約束既經調查屬實除由工段段員補發秫料大車各價外相應抄錄稟供函請貴公署查照傳案訊辦供詞將李元盛等三名遞解原籍陽信縣依法懲辦至緝公誼 九年十二月二十六日

致掖黃平昌四縣公署函

逕啟者查社會習慣每至舊曆正月仍沿從前習俗踏糶年祭如除夕元旦上等日結彩張燈之舉頗多敝路工人乃由被災各縣運送來棚工作尙爲勤勞舊曆新年亦須採用慣例酌量放假二日休息以示體恤惟其中良莠不齊平日晝作夜息管理尙不甚難迨放假停止工作勢不能十分拘束禁其至城鎮等處遊覽但廠路彈壓員役無多卽欲巡查亦苦不敷分布現在工棚分業貴縣轄境者不少敝處爲預防工人滋生事端起見除另編白話布告通告各工棚外相應先行函達卽祈查照屆時於城鎮各處在年節期內多派警隊嚴加巡查俾免或生滋擾至緝公誼 十年一月十二日

致各段員司函

逕啟者舊曆年節向有例假各工人遠離鄉井工作勤勞亦應放假少事休息即於二月八日九日（即舊曆正月初一初二）放假兩天即希屆時宣布并嚴行告諭各棚正副目轉傳各工人不得於假期之內任意至城鄉各處遊行各監視土工亦須隨時查察是爲至要 十年一月三十一日

致蓬萊縣警察局函

逕啟者啟路工人現由西段逐漸東移目前分紮本埠附近者亦有數棚回來工段管理工人除定期領取米糧雜費外平時不准三五成羣遊行於各城鎮街市惟工務員司約束能力究屬薄弱難免不陽奉陰違特此函懇貴局查照轉飭所屬警察遇有啟路工人私到本埠街市遊行著即行嚴加逐回工棚其有他項不規則行爲者立即拘拿送解貴局依法懲辦以資儆戒而維秩序至
緝公誼

致蓬萊縣公署函

逕啟者據工務員王曾珊報稱昨奉周工程師派赴南王緒調查第七十七棚工人與該村起釁一案有無詐取錢財情事遵於二十五日由登至南王緒查詢該村保衛團團總江姓稱該棚有工人二名於二十日逕赴本團避雨被團丁攔阻致起爭吵打罵遂聚多棚報復爾時多費唇舌幸未決裂二十一日親赴縣署求援二十二日又煩貴路周工程師到此彈壓始得和平了結二十三日唐縣長蒞村查訪諭令赴該棚請罪詎該棚竟於二十三日午後立逼啟村交付大洋一百二十元作爲請客等費否則非火焚徹莊不止迫不得已遂由北溝村順興棧經理社長王福照楊興文等過付大洋一百二十元本月二十四日在北溝集設座擺席可惡等語查詢該管監工稱不知情惟監工買維範報稱該棚正目李官賢副目樊得俊於二十四日晚在鑲家口街內遊逛尙有請假一夜宿娼之事當經該監工責問該正目手擊腹囊多洋約有三四十元等語復於二十六日由北王緒經過七十七棚正副目均未到工似此詐財取物查有確據若不急爲懲辦恐流弊愈甚等情到處查該正副目均籍隸館陶該縣所送工人多不安分屢生事端今竟因避兩口角細故胆敢詐索鄉民銀洋一百二十元之多情形殊屬可惡相應函請貴公署查照迅飭將七十七棚

正日李官賢副日樊德俊奉送到案依法嚴懲並恭見復至緝公證 十年四月二十七日
蓬萊縣公署來函

逕啟者案准貴處四月二十七日來函以第七十七棚工人與南王緒村啟發一案除原文有案免于全錄尾開函請查照迅飭將
七十七棚正日李官賢副日樊德俊二名由隸家口卒交管隊解送到案當即依法看管一面稟傳南王緒團丁及肇事人等質訊
去後旋據該紳村董事王幹庭等稟稱爲案經調息懇請銷案事竊以前有北溝區北溝社南王緒村公民姜冠甲等因與修道工
人啟發一事業經將當時情形稟陳在案官覆親親查閱經民等鑒於該工人乃係災民且有主客之分似不可與之爭執處令
南王緒村請客息事該村衆亦無異言遂邀請該工人以及調處人共化費洋一百二十元和好息事並無訛詐情事旋因該工程
處處長查明工人滋事各情將該工人棚頭二名送至公署訊辦茲稟傳南王緒村衆對質而該村既經遠處息事不願與
之質證復邀民等原處人代爲稟復銷案民等悉居第三人之地位不能不據實稟復爲此據情稟懇查核准予稟銷實爲德便再
南王緒村團丁三名當經工程司周君同村衆立即撤銷現在不知何往合併聲明並據南王緒村姜冠甲等結稱依奉結得修道
工人與本村一事當經王幹庭等令本村請客息事民等遠處請客共化費洋一百二十元和好息事並無訛詐情事各等情前來
查南王緒所化大洋一百二十元既係請客化用並非工人訛詐且既已稟事在先似可從權辦理惟押送工人李官賢樊德俊二
名究應如何發落相應函請貴處裁酌見覆遵行 十年五月二十四日

致蓬萊縣公署函

逕啟者准貴公署第九一號公函敬悉此案既經貴公署查明既已稟事在先似可從權辦理並承詢送押工人李官賢樊德俊二
名應如何發落等因查此事南王緒村衆既願具結銷案則啟處對於工人之究竟是否訛詐亦可從寬免于深究相應函復即請
貴公署酌核施行

通告

爲通告事照得秋收在即近聞本路包工人等竟敢向地內拔取包米豆子等情聞之殊屬痛恨本處長路工忙迫耳目容有未聞鄉民畏工人如虎狼或不肯來處稟訴亦屬常情惟是路工本旨在發達社會豈能聽工人任意滋擾地方經此次報告後倘有工人在外滋擾掠取等情事無論何時立即報告或扭送本處或遙送各區保衛團轉解來處定必嚴行懲辦決不稍有縱容姑惠除分飭各工段遵照嚴行約束外爲此通告

工人安家費之匯寄 來函十件 函十二件 來咨一件 電四件
館陶等縣來函

敬啟者選送工人案內每名由縣墊發工價洋二元初議挑定後即行發給旋因預行發生室礙恐有二三不肯工人途中發生逃亡情事不得不變更原定辦法作第二次之宣示俟各工人抵濟後將縣署所發布製號碼寄回家中由家屬託保人及本里之里長村長具領以昭妥慎現僅有少數工人由工次寄回號碼領款而未寄者甚多且聞有號碼遺失者敝縣重念各災民投身工作家屬侍哺情殷茲特酌量變通前法仍然有效外凡遺失號碼者由工人函告其家屬仍由保人及村里各長復查屬實及出具證明書來縣具領以杜冒領業經牌示在案用敢函懇貴處請將敝署先後辦法在工次宣示館陶各工人一體知照俾可照辦使各該工人之家屬早日領款庶濟燃眉實緝公誼

復館陶等縣公署函

逕啟者准貴公署公函敬悉已飭各段工務員傳知各段工人遵照惟據敝處管理連送委員稱前在濟南點收時布製號碼遺失者已屬甚多自到工段後恐更有不能保存者今貴公署變通辦法災民受惠實多相應函復即祈查照

山東省長公署來函

逕啟者案據觀城縣知事呈稱案奉訓令內開案准烟濰路工處開以各縣送到工人有由各縣到濟時中途逃逸者有達到工地後告退及病故者有作工後不服約束私自離去者相應抄錄實收各縣工人數目並開其中途逃逸及在工地私自離去並疾病

死亡各籍名表函請分行各該縣查照等因復准兩開查各該縣選送工人時曾有每名墊付安家費二元一款各縣原送公文內有叙明者亦有未曾敘叙者究竟其熟若干無從考核相應函請分飭各縣詳細聲明已否實發呈由鈞署批示以便備款歸還等因准此合行抄發原單仰該知事即將所墊工人安家費及工人路費並養役護送川資等項分別開列詳細數目清單呈送查核以便彙案咨請歸還等因并附表一紙到縣奉此遵查職縣選送此項工人之時正值縣公署及地方財政管理處異常拮据無款可墊該工人安家費一款并未發給按四天計算每名發給路費八角共洋六十四元警隊護送川資等項共用大洋二十元零八角七分總共洋八十四元八角七分概由財政管理處支付謹將各項支用細數繕具清單一紙理合備文呈送爲此呈請鑒核竊辦施行再各該工人安家費一款擬懇令行路工處就近發給各該工人自行寄歸合併聲明等情據此除俟各縣到齊彙案開單函請歸還外所有觀城縣墊支工人安家費等情相應先行函請貴處查照就近發給該工人領取至懇公誼

陽信縣公署來咨

爲咨覆事案准貴處函開以准敝縣咨解陽信潛逃工人王安泰等七名來滙當即按名驗收至該工人路費一節前於二月二十八日函復貴署請照所擬將前次匯款發給該工人每人二元作爲路費在案茲據貴署馬弁及工人等面稱在陽信縣署每人各領到一元其餘之款即祈貴公署代爲轉付各該工人家屬并請索收據寄下以憑稽核等因到縣准此查工人王安泰等七名每名匯款洋二元除每名發給一元作爲路費外其餘之款當經敝縣飭傳王安泰等七名各家分別具領並令在省長公署所發匯款清冊內逐一畫押在案茲准前情相應備文咨覆爲此合咨貴處請煩查照並轉各工人一體知照實緝公誼

致工人原籍各縣函

逕啟者敝路土工需用工人前由貴縣選送時曾與省長公署商定每名由各縣墊給安家費大洋二元由省公署行知在案惟竊竟是否已經墊發來文有聲叙者亦有未經叙明者敝處無從考核上年十二月間曾經函請省長公署行查至今亦未准覆到竊擬簡捷辦法由敝處先將印就收據寄交貴縣轉飭各該工人家屬簽押並蓋指印再由貴縣加蓋印章證明寄至龍口敝路辦

公處以便按照此項收據將墊款如數歸還俾資結束祈函到一個月內辦理見復逾期則敝路帳款截止幸勿遲悞是爲至禱再
本年一月間由省長轉發工人之贍家費工資收據清冊亦請於發款後迅予呈送省公署彙交敝處爲要

惠民縣公署復函

敬覆者案准貴處函開土工需用工人前由各縣選送曾與省長公署商定每名由各縣墊給安家費大洋二元究竟已否墊發無
從致核茲特印就收據轉飭各該工人家屬簽押寄送核辦並附寄收據七十張等因到縣准此遵查本縣選送工人七十名當時
應給此項安家費每名二元係令本縣財政管理員飭傳各該家屬發給現今詳細調查實因被傳各該家屬未曾傳齊以致並未
墊發所有此項函送收據亦即無憑查填理合照數封固備文寄還即希貴處查收核辦以昭核實

山東省長公署來函

逕啟者案查煙濰哈選送工人一案前經電飭被災各縣按照所定數目分別造冊選送並每人發給安家費二元日給路費二角
又護送川資等項統由各縣暫行墊支俟由工賑款內分別歸還業經飭由各縣遵照辦理在案嗣准貴處函請飭由各縣共墊安
家費若干已否實發請案開送以便備款歸還等因當經令飭各縣遵照去後茲據各該縣知事分別開單呈請彙辦前來業經
本署將工人安家費暨工人路費並護送軍管川資等項咨送賑務處撥款歸墊外相應將工人安家費一項開單函請貴處查核
辦理見覆 十年四月三日

親山東省長公署函

敬啟者奉鈞署第一百五十號公函及各縣墊發工人安家費清單敬悉所有觀城德平陵臨濰堂邑五縣工人之安家費遵即由
敝處就近發給相應函請鈞署轉飭各該縣毋容再發爲荷

館陶縣來函

敬覆者三月二十二日接准貴處三月十七日公函讀悉一是附寄收據五百張同時收到查敝縣上年選送工人四百九十八名

每人安家費洋二元共合洋九百九十六元已如數照發在案承囑前因當將收據分別填就飭該工人家屬簽押加蓋指印內有四百六十九人已照辦其餘二十九人多數外出逃荒間亦有少數死亡者一時無從飭辦茲先將收據四百六十九張加蓋印章兩邊貴處除容隨時查明飭蓋指印續送其墊款九百九十六元係挪借平糶經費現急待需用務請從速寄下以便歸還其未送收據各戶將來如有錯誤仍由敝縣完全負責所除空白收據二紙一併寄上即請查收再本年一月間所發工人贖家工資收據清冊業已呈送省長公署彙轉合併聲明

覆館陶縣函

逕啟者准貴公署公函並墊付工人安家費收據四百六十九張均照收攷悉查函開其餘二十九人多數外出逃荒亦有少數死亡者一時無從飭辦等因現查該工人等原冊此二十九人均係註明自領大約均無家屬此項安家費應由敝處就近發給貴縣毋庸再行墊發其已經代墊之四百六十九人安家費九百三十八元容俟工帳結束清楚即行如數歸還相應函復貴公署查照致平原恩德禹城等二十四縣公函

逕啟者敝路上年由貴縣選送工人當經商准省長公署每名由本縣墊給安家費銀二元隨後由敝路撥還在案茲土工已竣應即將貴縣墊發之款如數寄還查貴縣寄送工人○名每名安家費二元共應還銀○○元相應開具濟南交通銀行支票一紙郵寄貴公署即祈查照備具印收寄下為要再工人自本縣赴濟之川資應歸賑務處歸還合併聲明 十年六月二十一日

館陶縣公署來函

敬覆者案奉貴處函寄還敝縣墊發工人安家費洋九百三十八元支票一紙囑即備具印收函送等因除將支票照收兌現歸墊外相應備具印收一紙函送貴處查照備案

山東省長公署來函

逕啟者案准賑務處咨開以前陽信縣知事朱蘭熱發煙灘路工人路費及護送軍警川資兩項共洋五十六元已經賑務處令飭

扣抵解款至工人安家費一項請由本署核辦等因准此除咨覆外相應函達貴處查照本署一五零號公函單開各縣墊發工人安家費洋數目迅速撥發來署以憑歸還而資結束

致山東省長公署函

敬啟者奉貴公署第五零九號公函內開案准賑務處咨開以前陽信縣知事朱蘭墊發煙濰路工人路費及護送軍務川資兩項共洋五十六元已經賑務處令聽扣抵解款至工人安家費一項請由本署核辦等因准此除咨覆外相應函達查照本署一五零號單開各縣墊發工人安家費洋數目迅速撥款來署以憑歸還而資結束等因奉此查貴公署第一五零號公函單開恩縣等一十四縣墊發工人安家費除觀城德平陵縣臨清堂邑五縣就近發給外惠民縣工人安家費前奉貴公署第二七號公函內開該縣尚未發發目應將此項扣除復准濰化縣第六五二號公函以該縣墊發工人安家費係由商會借墊當經撥還取具收據在案其恩縣等十七縣墊發工人安家費均於六月二十一日照開濟南交通銀行支票寄還先後准各該縣來函附帶印收有案茲奉前因並開清單寄請查照

致山東省長公署函

敬啟者啟處路工所需工人前經商承貴公署分飭被災各縣按限定資格分別選送到濟轉運工地目前業經陸續運竣分段著棚工作各工人多能勤勞工作大致成績尚佳因查各工人木籍多有家屬當此青黃不接之際又值冬令嚴寒生計窘迫殊為可憫啟處擬由各工人應得工資項下每名酌給若干於舊曆年關以前撥寄各該家屬以作禦冬之資惟寄送之法殊費研究交由郵局匯寄貼費太多工人受虧過甚若由啟處專員分送各縣則道路既遠又無多員可派窒礙亦多現擬酌定辦法擬請貴公署迅賜分飭選送災民各縣先就該縣所送人數約計每人四元合計總數預計本月或下月應解省垣公款之內暫為留存俟啟處將工人姓名住址數目清單趕造齊備連同收據一併函呈貴公署分發各該縣就前項存款內按名發給並由領款人於收據內署名交啟處存查其應給之款統由啟處照數彙送貴公署核收作為各縣解項俾省周折而示體恤且與以工代賑宗旨亦相

煙濰路工賑紀略

七二

符合相應函請貴公署查核轉飭各縣遵辦以惠災黎是爲叩禱敬祈示復 九年十二月十六日

山東省長公署來函

逕啟者案准貴處函以各縣所送工人應給工資擬由各縣於應解省款內留存撥發再由貴處將應給之款照數彙送敝署作爲各縣解項俾省周折等因准此除分令各縣知事並財政廳遵照辦理外相應函復查照並希將工人清單及收據款項函送到署以憑分別照辦 九年十二月二十九日

致山東省長公署函

敬啟者前以各縣選送工人應給工資擬於舊歷年關以前由各縣應解公款內撥發當經函呈貴公署查核轉行嗣於上年十二月二十七日接奉賜函照辦在案當即派員分赴各工棚查詢願寄工款回籍各工人之住所村名及領款人名造具清冊詳列數目計共清冊二十五本銀七千四百六十三元相應一併函呈貴公署察收迅賜分飭各縣查照原案所訂辦法即日飭傳各工人家屬如數領取並於冊內簽字仍將原冊呈由貴公署彙發備處存查至各縣墊給各工人之安家費上年曾經函請轉飭聲明已否實發尙未見復此次寄請轉發之款係專備各工人家屬度歲之資務請飭知各縣先於舊歷年內發給其墊付安家費一項容下次再由敝處歸還是所至禱 十年一月十六日

致臨濰縣公署函

逕啟者敝處代寄各縣工人工資回籍一案業於本月十六日彙送省長公署轉行在案查第三十八棚工人亦係貴縣選送前次調查時漏未入冊茲補造清冊一本並郵局匯票現銀四十八元一併逕寄貴公署即祈查照迅予轉發並將原冊飭交各領款人簽押後郵寄濰縣東關敝處備查至訊公誼

致濟南田兼省長電

濟南田兼省長鈞鑒查一月十六日曾函送七千四百六十三元請飭各縣傳各工人家屬分領在案茲據工務員轉德縣德平臨

清各縣工人醫稱前項寄款至今未見各工人頗滋疑慮羣起質問等情請再電飭迅發免失信用其他各縣恐亦有未發者懇一併電飭並請查明開復爲盼

致濟南田榮省長電

濟南田榮省長鈞鑒前奉個電敬悉旋因工人復有潛逃回籍者是以山款處通電德縣德平臨清范縣等知事迄今仍未回青殊深焦灼前次普謝崇階滿擬面陳壹是又值墜入大都曾留一摺託周秘書長轉呈計蒙垂鑒近據工務員報稱工人以款不寄則仍復蠢蠢思歸其中以臨清德平爲多數工作既難進行約束亦多棘手擬懇省長曲體德三辦事苦衷再予電詢臨清德平等縣前項工人贖家費究竟已否照發並乞賜覆 十年三月二日

山東省長公署來函

逕復者案准函送工人逃逸原因及預防辦法清摺並工人逃逸清單暨贖家費表等因准此查此項贖家費擬發抵解辦法原爲免除周折起見惟前次辦理之時各縣往往以征款掙數解清無款可墊爲辭呈請迅速如數照發以憑轉給均經嚴令申斥並飭將繼續征收各費儘數撥墊此項工資以恤災黎嗣准別電並經嚴電各縣迅速照發茲准摺稱尙能避去普通手續俾工人家屬一面可早得款一面安心工作等因自應變通辦理以期迅速當經改咨賑務處電飭各縣迅速辦理所有此項贖家費款尙望從速如數送署以便轉送賑務處存候分發歸墊 十年三月十五日

致山東省長公署函

敬啟者各縣工人贖家工資一事上年函呈由各縣留款代發本爲免除周折起見當奉鈞署准予照辦仰見我省長惠濟災黎體恤周至各縣工人等亦無不感頌盛德不意臨清德平等縣工人因遲遲未能領到此款頗生疑慮德三前月普謁又值節慶入都因留託周秘書長代呈旋經縣後當即預備籌寄並派員親詢各該工人隨寄數目去後乃近據各工人紛紛函呈到處均以前次贖家工資領取遲緩家中斷炊爲辭請求自領自灑不願再經各縣署轉發等情雖經開導再三無如各工人主張一致情詞懇切

哀感動人若不曲予照辦越難免發生罷工情事惟工人自領工資頗滋流弊前次辦法爲防止工人自身消費而欲其家屬得受實益故不憚煩瑣爲之代寄不料事實與理想難合竟至發生困難茲經研究改訂較妥辦法工資雖用工人名義自領自匯而款不先發必須預定何日在何處郵局匯寄時由敝處派員帶款前往眼同交匯以期核實正擬將此項辦法肅函奉陳適奉鈞署第一百零八號公函開示各節謹將近辦情形函呈伏祈察照賜咨賑務處取前項辦法爲叩 十年三月十六日

致濟南田兼省長電

濟南田兼省長鈞鑒本年一月間呈請鈞處轉令各縣代發工人贖家工資一案現據德平觀城恩縣臨邑堂邑臨清六縣工人同稱至今尚未發給家中現食麥苗樹皮草根土瓜蔓等有延生命苦不可言並據調查員稱閱看各工人家信實屬令人淚下又接德平丁知事快郵代電云災情奇重倉稅緩征無款發發現向紳董設法墊借各等語伏祈鈞鑒將本年一月十六日呈送之現款內照冊開以上六縣數目速賜匯寄各縣即日代發是所叩禱敬請賜覆再啟處現已移住龍口並陳

致濟南田兼省長電

濟南田兼省長鈞鑒本年一月請鈞署飭縣代發工人贖家工資一案前月暨電請將現款速匯德平等六縣在案茲經調查恩縣德平臨清三縣迄何未發調閱各工人家書慘苦情形不堪言狀各縣工人因此屢有罷工要挾德三無法維持困難至極伏祈鈞署即將此三縣應發之款停止匯交各縣並轉飭不必墊發改由敝處就近發給以便由工人自匯藉維信用將來即在應發各縣安家費款內撥還懇即電復 十年四月十二日

致山東省長公署函

敬啟者敝路工人贖家工資前於本年一月間派員將現銀七千四百六十三元並清冊二十五本呈送鈞鑒轉令各縣發給在案又於本月二日據調查員報告恩縣德平臨清三縣之款迄尚未發調閱各工人家書慘苦情形不堪言狀各該工人因此屢有罷工要挾德三無法維持困難至極當經電請鈞署即將此三縣應發之款停止匯交各縣並轉飭不必墊發改由敝處就近發給由

工人自匯藉維信用等因現尙未來電示而該三縣工人以久候多日仍無辦法大爲失望且有繼續潛逃者若任其潛逃不設法維持德三個人原不足惜深恐累及部省名譽務懇速賜查照前電各節分飭三縣遵照並祈迅電示知俾得啟處就近補發免再發生枝節至已發各縣之清冊刻下已送到省者當已不少現因土工不久可望告竣各工人自應陸續遣送回籍而關於發給款項帳目亦應早爲籌備結束俾免臨時趕辦不及茲派委員趙德尙到濟懇將前項清冊就已呈送到省者先行發交該員寄回其尙未送到之各縣並祈迅賜電催速送不可再延以便隨時發交該員轉寄 十年四月二十二日

山東省長公署來函

逕啟者頃趙委員德尙來署接准公函備悉種切當將平原等十五縣已送到之清冊發交趙委員查收轉寄其未經送到之德縣等六縣並已電飭迅速呈送一俟送到卽隨時發交趙委員查照寄回至恩縣德平臨清三縣之款前准文電停止匯交等因業經分別轉飭查照並於便日電復在案茲准前因相應函復查照 十年五月八日

工人之醫藥撫卹

衛生規約十一條 修正衛生規約六條 函三件 來函一件

衛生規約 (九年十二月二十九日訂)

本路工人來自災區數達四千又值時令多乖傷病情事在所難免窮黎無告焉忍漠視特約醫士多備藥劑分別駐於工段適宜之地俾朝夕巡視診斷以重民命列其辦法如左

目前昌邑駐一人

沙河駐一人

以上視工段前展隨時變更

一 於工棚接近處設醫所施行診治

一 病勢較危者送指定醫院療治

煙濰路工賑紀略

煙港路工賑紀略

七六

一病勢稍重須避風者就新賃屋或店中小住

一病勢輕者在原棚臥養

其他巡行療者

一工人病勢視其輕重能乘車者隨車送不宜坐車者由本棚工人抬送

一醫生接到工務員通知無論工人病之輕重隨時往診不得遷延

一醫生至少每五日巡棚一次各棚是否潔淨即將巡過情形並臨診若干人每月列表報告本處

一醫生將離工段之際須隨時通知各段工務員以便遇事接洽

一工人病重者隨時報告傷亡者先用電報其傷亡原因及用藥情形應填具證書兩分送處一交家屬一存處備查

一工人亡故隨時發給棺木每日不得過五元由糧站支款

一在醫院病故者應由醫院出具證書送處存查

修正衛生規約

一醫士巡至某工段即由該段工務員通知監工轉告各棚正副自帶同病者就診

一遇有病勢沉重者由各棚正副目或監工報告本段工務員送至相當地點調養或入附近教會醫院療治病勢較輕而工作者

由醫士發給憑照工務員即按半日工作扣算工牌可盡△爲記

一凡入醫院或住店或在原棚或移居他棚調養而不能同養者發給飯費同時須有醫士憑照糧站即停發米糧病愈後仍照常

發給

一凡工人請病假三日以上者須由監工報告工務員轉達醫士令其就診

一由醫士證明無病而請假者通知工務員申斥如再不服役自新所管束

一病重不能就診者由工務員通知醫士醫藥就診

民國九年十二月二十九日所訂衛生規約廢止之

致灤縣樂道院掖縣信會醫院黃縣懷麟醫院烟台玉泉鎮長老會醫院函

逕啟者敝路作工工人均係由被災各縣選送貧苦鄉民敝路雖經聘有醫士以備遇有疾病便施療治惟藥品器具多不完備倘遇重災病證或須用手術者恐難自行醫治茲由趙大夫廣增威大夫天啓先與貴院接洽嗣後如有工人染患重證持有遲延兩君懇函即請貴院收留施治其醫藥廬宿各費請蒙開寄茲離縣東關敝處可也 九年十二月二十四日

濟陽縣公署來函

逕啟者案據前鄉盛約蕭家莊首事蕭慶亭等稟稱竊有本莊蕭遠順之子蕭來璋率經遠煙鐵路工作茲聞派至昌邑城東下莊街後距城四十里第六十九棚在彼處因病斃命現伊家老幼痛子情切晝夜哭泣慘不忍聞請民等幫同伊父前往搬運靈柩回家安葬伏思年景荒涼湊辦川資甚屬不易且恐長途到家艱難懇施恩賙川資並發給護照等情前來除批示照准外相應函達貴處希即查照有無郵費之處酌量辦理並希賜覆 十年一月二十六日

致病故工人各縣公署函

逕啟者查貴縣所送吳民中某某前因在工病故當經照章掩埋刻以賑務結束特將該工人等死期彙列列表並每名撫卹銀三十元俾其移柩又醫生證書一紙茲將該款寄請貴公署查照轉發該故工人家屬具領並希見覆

致病故工人家屬函

逕啟者查本路第○棚第○號工人某某 丙 ○ 病醫治無效於○年○月○日病故具有醫士證書在案當經買棺葬於某處立有標誌刻以賑務結束發給撫卹銀三十元俾得移柩回籍已將此款寄交縣公署查收仰即前往具領可也 十年九月三十日

十日

工人之遺送 函十一件 來函二件 電九件 呈文二件

致煙台總商會正副會長函

玉田先生同鑒前月于役之眾思慰北上暢聆雅教復憶鄒良深快慰日前奉讀大函荷承袁神調查米價甚感近維興唐勝常時祇集結至以爲頌弟且京旋離諸務積極進行測勘前隊已於半月前自黃縣出發土方工棚亦紮過掖縣遶東數十里工人共計三千六百餘名如無意外阻礙預計來年二月中土方可以告竣屆時全路橋洞各工即可分段興築同時並舉以期早日觀成惟各工人均係山西向東節節前進來時係經膠濟鐵路至濰及到煙埠相距已五百餘里之遙將來道途回籍若仍由舊路西旋最速亦須六日之程方到濰縣再乘膠濟路車至濟更須陸行各該工人原籍均隸省垣西北各縣通計長途旅行至少十日膳宿各費所耗不啻而照料尤爲困難茲預爲籌畫似不如由煙埠乘船至津或到塘沽換乘火車直達津浦鐵路各站省時減費照料亦便因思兩先生爲商界領袖與中外各輪船公司交際頗久倘能商允按照此次膠濟鐵路由濟至濰免費運送之例概予免收船資則不但數千災黎實受其惠而敝處辦理遺送手續亦省卻許多繁難兩先生熱心公益樂善好施定蒙慨然相助用敢奉瀆尙希鼎力代爲籌維是所至感商定結果如何務祈速示敝處得以早日預備一切不勝翹企之至

致煙台張鎮守使王暨竹青年會旅平同鄉會劉子瑋于梓生函

敬啟者月前道出之眾獲聆教益並獲鄒府醇酒飽德感曷能已別後遶海北上小住京津揮掃一切趕即旋濰而案牘蜩集諸待清理所幸各縣工人到齊天氣晴和督飭趕築預計來春二月中可望告竣惟工人數千均由省西送來者經膠濟運難次第東移行至之眾相距已五百餘里必循舊路回籍時日川資皆非經濟而料理護送更無論矣是以擬俟工竣將工人由煙航海運至塘沽換津浦車分回各縣俾期減費省時此已逕託煙台商會轉商各輪船公司將來於起運之際酌減船費或並按照此次膠濟路完全予以免費運送不獨災民受惠無非即敝處亦感戴匪淺先生病瘵在抱固必樂成此舉而各公司樂善好施重以鼎言當無不相助爲理也

致烟台總商會正副會長函

啟者 南兄先生台鑒 前籌備道送工人回籍 擬由海道至津 再乘火車 轉運會上寸函 懇為我神代向各輪船公司 磋商免費或減價辦法 近日接洽情形 如何未蒙台端見示 因改由海道至津 復須經過京奉津浦兩路 其運送之一切手續 亦甚繁瑣 不能不早預籌 以免臨時延誤 尚祈吾兄 鼎力先與各公司 磋商大致 如何迅賜示及 俾有預備 是為至感 至路工測勘 本期舊曆年內 至烟因奉部令 改線蓬萊前隊 由黃境中途折回 另自黃縣城取道蓬萊 以致延誤 茲為進行敏捷 計添委煎工程 司崔君俊 藉先到烟台 自東向西 選定路綫 以省時日 路綫定後 即擬撥派工人 至烟與築土工雙方 並舉期早 觀成 崔君與閣下 亦係舊交 尚懇貴神照料 一切輪船 減免運費 一事 近辦情形 亦請與崔君面談 為荷 十年二月二日

烟台總商會正副會長來函

宣堂仁兄台鑒 榮奉惠函 敬悉 登是承囑 向各輪船公司 磋商道送工人 由海道至津 請減免船費一節 事關善舉 敢不効勞 當經函至太古和記 招商三船行 並與接洽 請其贊助 茲接各行 覆函 謂免費一層 難以辦到 應許通融 減為每人 船價一元 敬此奉覆 即請查照 辦理 為荷 十年三月六日

呈交通部文

呈為預籌道送工人回籍 請飭京奉津浦兩路 屆期備車 轉運 事竊查路工土方 現已動工者 已過蓬萊縣城 二十餘里 預計五月初旬 陸續竣事 即可將工棚 築至烟台 如無意外 阻礙 則六月初間 全路土方 可以竣工 其沿綫 橋梁涵洞 各項設備 現方籌購材料 以便分段 同時並舉 至需用工人 數目 比較興作 土方 必須大為減少 擬酌量 選留平日 作工 勤勞 兼有各種 手藝 情願暫不回籍者 六七百人 分配各工段 按月發給 工食 其餘均行 遣送回籍 惟各工人 自各縣 選送到工時 均由 灘縣 向東 節節遷移 及至工竣 到煙 相距已在 五六百里之遙 若仍由 舊路西旋 最速 亦須六日之程 方到 灘縣 換乘 膠濟路車 至濟 後更須 陸行 各該工人 原籍 均係 省垣 西北 各縣 通計 旅行 時期 至少 省在 十日 左右 膳宿 各費 所耗 實屬 不貲 而照料 尤為 困難 設於 中途 或有 滋事 情形

煙濰路工賑紀略

七九

以至接及地方治安不無可慮茲擬即由煙台乘船至津或到塘沽換乘火車直達津浦之德州逸南各站下車各回原籍既節省時費亦可便於照料經已函託煙台總商會轉商各輪船公司減免運費准函復謂與太古和記招商三處接洽請其贊助免費一層難以辦到業已通融每人減為一元等因前來茲謹先行呈請鈞部分飭津浦京奉兩路局屆時預備車輛免費轉運至下船下車各地點及車輛數目俟與太古各行商明並查詢各工人原籍距站遠近分配妥協後先期函知兩路以資接洽所有預籌遣送工人回籍緣由理合呈報鈞部伏乞指令施行 十年四月二十三日

致龍口商會王會長函

惠堂仁兄大人如晤昨接運送工人事先以二千人之數為準祈電詢該輪船公司價目若何船中不備食物由龍口碼頭上船到塘沽下船實需款若干共分幾批可以運畢統請詢問見覆為盼

龍口商會王會長來函

宣堂仁兄大人偉鑒午前奉到鈞函聆悉一是運送工人茲已接洽妥協每名水力大洋一元自龍口新埠碼頭裝到塘沽下船船上不供給食品只管飲水數目共足二千名每船少者五百人多則七八百人或分三船或分四船必於工人到後五日內裝出因恐一船誤事今先接洽兩家即乞知照東路工人完工之後來龍可也

致天津京奉路局電

天津京奉路局長鑒案奉交通部指令該處請備車輛遣送工人免費等情已令行津浦京奉兩路局查照辦理仰即逕與接洽等因奉批茲定每次約一千二百人每五六天一次共三次均自塘沽上車下車地點係德州平原禹城濟南四站第一批約六月三日由龍登輪四日抵塘沽屆時請飭車在塘沽等候俾工人下船立時上車因塘沽無宿舍不能久停請先飭備車並懇酌派路警其同照料輪船開行再電聞除電津浦局外請查照 十年五月二十九日

致天津津浦路局電

天津津浦路局長鈞鑒案奉交通部指令該處請備車輛道送工人回籍免費等情已分行津浦京奉兩路局查照辦理仰即逕與接洽等因奉此茲定每次約一千二百人每五六天一次共三次均由塘沽上車下車地點係德州平原禹城濟南四站第一批約六月三日由龍登輪四日抵塘沽屆時請飭車在塘沽等候俾工人下車立時上車因塘沽無宿舍不能久停請先飭備車並懇飭派路警幫同照料輪船開行再電聞除電京奉局外謹請施行 十年五月二十九日

致濟南田兼省長電

濟南田兼省長鈞鑒土工茂事極應道送災民回籍由龍口登輪至塘沽指定德州平原禹城濟南下車自六月三日起程約六日左右陸續運到路費在龍口登清請分電各該縣車到時妥為照料護送至咸開船再電聞 十年五月二十九日

致黃縣公署電

黃縣金縣長鑒本路道送災民至龍口登舟回籍本日即到貴縣轄境請即派警六名護送以免滋事隨後約當有八九批俟到境時請仍按批派警送至龍口為荷 十年五月三十一日

黃縣公署來函

逕啟者頃准尊處電開自煙道送第一批災民自龍登舟回籍本日即到貴縣轄境請即派警六名護送至龍口為荷等因准此當經委派黃副隊長帶同警隊前往與蓬萊交界地點接送到龍並飭隨後按批照送不誤特此函復

致趙志成函

逕啟者本路土工大致告竣極應道送工人回籍俾早從事耕種現已決定由龍口上船至塘沽探乘火車赴魯茲派執事在津沽一帶照料上車及與南路局接洽各事茲將應辦各事分別開列希即查照辦理為要 十年五月三十一日

一 工人共約三千一百餘名擬分三批發運每批千餘人第一批約於六月三號由龍口上船預計四號可到塘沽到後必須立即上車免去籌備宿舍之繁亦可使工人少受痛苦

二 工人於舟車上之喫食火燒鹹菜銅元均在龍發給到津後勿庸再備沿途飲料水路可由船供給惟於火車上千餘人無水甚屬可慮應在津購買啤酒三千個在災民到津之先將水備妥待車到時每人發給一瓶或每二人一瓶下車後空瓶可不必索回如能沿站指定在某站備水即可免去購瓶之煩此節晤兩路局時可先一商

三 押車人員由此間限定將工人送至下車地點後仍隨原車回塘沽押送第二三批此節亦須與路局面商即用原車不必更換

四 列車於下車地點所停時間應多定數分鐘以免思促不及最好在日晡下車須與路局先行商酌

五 工人下車手續由押運委員負責詳情可詢押送委員

六 茲寄去致京奉局長津浦車務處長等信件至希分頭接洽並將接洽情形隨時電報

七 船由龍口起行當直電告

八 站上車上路警巡官如實在出力不妨暗中開其銜名事舉或請獎章若警察則可先於第一次在塘沽犒以數元之酒肉希酌察爲之

致塘沽巡官司文華函

文華吾兄如晤前接來書悉祇悉柳局長現已痊愈甚以爲慰茲者敵路遣送災民回籍由龍口上船至塘沽下船立時上車因塘沽無宿舍且人多易紊秩序刻有敵同事趙志成先生赴塘沽照料災民下船上車等事以人地生疏特爲介紹即希吾兄幫同料理勿使滋生事端倘需地方巡警協助之處更祈代爲聯絡尤所欣盼一切費神統容面謝不盡 十年五月三十一日

致龍口警察局函

逕啟者敵處工人刻定三十日自煙台拔棚約三十一日到龍口由龍口碼頭登輪回籍惟恐人多易紊秩序敵處自當嚴行約束不使赴村街游行擬請貴局設法通知各村莊社長保衛團協同防範不准工人入村免生事端

致平原樂陵等二十四縣公署函

逕啟者敝路作工吳民上年係由貴縣及各縣選送現在土工業已竣事又值農忙之際極應遣送回籍俾得從事耕作茲由敝路包僱輪船自龍口裝運至塘沽再由京奉路乘車至津浦之德州平原禹城濟南等站下車茲遣工人某某等〇名先行回籍除已領之安家費及本年一月四日兩次各發給贍家費外因土方數目核算未竣每名暫先發給路費銀元計〇〇枚均由各該工人加蓋指印收訖至土方算定後按照各工人平日工作勤惰算計有無餘存工資隨後再行造冊寄請貴公署查照可也

致天津京奉路局電

天津京奉路局鑿鐵路遣送回籍工人一千名現乘船於四日自龍口開行准於五日中午時到塘沽請飭車務處按照人數迅速備車輛在塘沽站候俟兩船到後即行登車並派醫生一員監視兩員工巡三名同往再前電本定運送三次刻因願留工者約近千人改爲兩次第二次約在本月十二日左右屆時再電開除電津浦路局外請查照 十年六月四日

致天津津浦路局電

天津津浦路局鑿鐵路遣送回籍工人一千名現乘船准於五日到塘沽已電京奉路備車請飭車務處飭站接運至德州平原禹城濟南四站下車隨車派有醫生一員監視二員工巡三名同往均有標幟未持免票請准仍乘原車回津謹電聞 十年六月四日

致天津京奉路局電

天津京奉路局鑿鐵路回籍工人共裝三船今日開行者止二船約六百人餘一船因有事故不能開行請將先到六百人先運除容另電奉聞 十年六月四日

致天津京奉路局電

天津京奉路局鑿工人約四百名今日自龍口續開船准六日上午十二時到塘沽請飭續運

煙濰路工賑紀略

八四

致天津浦路局電

天津津浦路局鈞鑒昨日未開船工人約四百名今日自龍口續開准六日十二時到塘沽請飭接運

致龍口警察局函

逕啟者頃聞本埠商民將於本月十四日有演戲之舉地方公共團體因年豐歲熟酒色太平敝處本不便認贊一辭然正值敝處遣送作工災民回籍之際日內正在本埠候船約有千人之多須俟十六日方能登輪近數日間各災民之三五成羣遊行街市者已屢有所見敝處工巡在龍埠共計不及十名實屬能力薄弱維持秩序頗覺其難若於此期間內本埠演戲欲禁止此多數之災民不出而往觀斷非少數工巡所能辦到敝處確難負完全之責任尙乞見諒如能緩至災民登船之後再行演唱最為合宜相應函請貴局查酌辦理見復倘貴局以為警察能力足以制止災民不致或滋事端不必將演戲展期亦祈函示為禱

致山東省長公署電

濟市田兼省長鈞鑒末批遣送回籍工人八百四十九名於十八日到津浦路德州平原禹城濟南等站下車讀聞

呈交通部文

呈為賑務結束謹將管理災民工作及遣送回籍各辦法詳陳鈞鑒事竊德三自奉鈞令辦理煙濰路工賑將遣送工人數目由濟至濰與膠濟鐵道部磋商運輸辦法管理經過各情形於本年一月間先後呈明各在案茲屆土工將竣謹將工人回籍經過各情形再為部長檢陳之查舉辦工賑在交通行政上殊鮮成例開辦伊始事皆創擬而工人鮮受教育各縣有未能按格認真選派於是到工後管理頗多棘手前呈有派員赴各工棚詢問願將工資餘款寄回籍者由處造冊將款送山東省長公署轉飭原派各縣務於舊曆年內發交各該家屬領以為度歲之資名之曰贍家費等因原冀敦隨工人從速畢工且使不誤農事不意直至舊曆正月間各工人家中雖有接到此款者僅止數縣由知事發非由省長寄到又招集之始原定由各縣墊付每人二元謂之安家費將來由本處在工資內扣還工人到工將及三月竟有多數未收到此款者兩款蹉跎以致紛紛譁置咸以為路工處有意

欺人官場積習病在因循使德三負茲重責惶悚交并趕緊函電催查始知省公署發交財政廳而財政廳並未將前款撥出安家一款各縣知事又多不肯墊給以前信用因此頓失工程由此遷延兩月之久督責難生效力竊思工賑宗旨重在養生工可稍遲賑不敢誤乃選誠篤員可水雪地星夜分馳將安家費際家費運發各原因按期演說詳切解釋良善之輩一時縱能聽從從後點之徒平日本已不馴更利用此時機藉端要求不一而足乍到之際已有不堪耐勞而逃匿者又恰值德臨路施賑一時籍近德臨一帶之工人希圖回里因之逃逸者更多比至福山蓬萊境內正當麥熟用人工資優厚潛往受傭者亦復不少于是惡者固屬不勸善者亦相率懶惰從而藉口農事及時思歸鄉里不得已復加派員司反覆開導僅乃平靜德三鑑於財政廳遲運發款其影響至於如此倘有疏虞何堪設想竊思工賑宗旨重在養生工可稍遲賑何敢誤而工人方面不願再經官署寄款多要求就近自領不得不變更前議改將第二次之贖家費及安家費一併遷選得力人員較勤惰分等差在工段發給又慮工人業有餘資博遊滋事不利於公私復苦勸寄款回家幸多數信從乃將數千分零星小款均代交郵局匯至原籍以免浪費自是而後工程進行得獲迅速伏查各縣工人均係鄉愚良善者居多本不難駕馭徒以信用一失即難恢復原狀本年春間預擬工程逐漸東移將工人應築煙台俾土工事畢由煙登輪赴塘沽換津浦車回里詎意工人本賦歸思在煙台又復小受煽惑渙散之形已兆何堪再聽楚歌幸德三樹其奸謀覺查尙早飭知在事員司晝夜防範僅停工一二日適土工亦在垂成又遇該埠鼠疫發現恐其在煙別生事端毅然改由龍口遣送登輪俾破壞者無所施其伎倆惟算給工資一節趕辦不及遂通告工人如必欲急歸須俟清算後分別郵寄鄉里該工人等欣然樂從且推舉各棚頭目代表全體來處聲稱叩謝大部賑施德意鼓舞而去歡聲雷動出於至誠德三亦宣布鈞部工賑始末再四慰勞各代表其耐工作者多聲明願留工作計共九百三十人他日工畢由本處酌予川資自由回里計除因病死亡者六人逃逸者七百五十五人山煙來龍登船之前逃逸者二百九十人不計外願回籍者一千八百七十八人統由龍口分兩期登輪至塘沽換山津浦京奉兩路局備車至德州平原禹城濟南等四站分別下車啟程之前在龍口假定暫住宿舍分路程之遠近發給條糧盤費按縣給以旗幟俾認旗順序登船登車並道安員率工巡若干名沿途護送預備山東省長轉飭各縣知事

到站安接回里除將各工人作工成績及經費決算俟編齊完畢鑒核外理合先將遣送工人回籍及留工各數目管理並遣送辦法工人感謝下忱等緣由具呈分繕清單呈請鈞部備案

附清單

茲將遣送工人回籍並願留工人各數目及發給餽糧盤費數目分別下車次序繕具清單呈請鈞鑒

一 總共收集各縣工人三千七百二十四名

一 回籍工人共一千八百七十七人

一 逃逸工人共九百七十一人

一 病亡工人共六人

一 留工工人共九百三十人

遣送辦法列後

一 行糧數目

自龍口啟程船內車內行糧每人白麵乾火燒二十四個(每個重三兩五錢)銅幣二十枚

二 下車後各費

每人每日銅幣三十枚

樂陵武城臨邑德平夏津清平德縣陵縣長清平原恩縣濟陽禹城荏平

以上均按一日行程每人銅幣三十枚

臨清齊東

以上均按二日行程每人銅幣六十枚

館陶堂邑冠縣惠民陽信范縣觀城

以上均按三日行程每人銅幣九十枚

霑化

以上按四日行程每人銅幣一百二十枚

一指定下車地點

樂陵 德平 棗強

以上各縣工人均在德縣站下車

武城 堂邑 夏津 臨清 館陶 冠縣 陵縣 恩縣 平原

以上各縣工人均在平原站下車

棗平 清平 臨邑 禹城

以上各縣工人均在禹城站下車

長清 濟陽 齊東 惠民 陽信 霑化 范縣 觀城

以上各縣工人均在濟南站下車

致館陶恩縣等二十四縣函

逕啟者上年由貴縣選送災民至敵路工作嗣於本年六月間因值農忙遣送回籍業將人數並暫先發給路費及工帳未能結束各情形函達在案查各縣選送之災民其中良莠不齊各段工作管理上困難殊多工程進行遂極遲滯本年麥熟各災民久客思歸紛紛請求回籍敝處體察情形聽其去留自便惟工帳手續繁雜決非一時所能結算是以先給路費遣回俟工帳結清另寄現在工帳已經結清核計其中勤者除前已發安家費及贖家工資之外每名尚有餘存至二三十元者其惰者則結算尚欠敵處十

數元不等又有始勤而終惰者推其故實由春間贖家工資一款發放太遲不免發生疑慮遂致有此結果茲計貴縣已回籍者○名內除在工資者○名共計銀○○元其尙虧欠者○名共計銀○○元又未經告退而自行潛逃者其餘之款茲亦一併發給敝處路工既屬工賑性質自不便直行追繳虧欠應候呈請交通部豁免以示體恤除函呈省長外相應將工帳結算清單及結算總彙各○張濟南交通銀行支票一張計銀○○元一併函請貴公署查照迅予分給取具收據寄還敝處存案並將結算單發給工人每名各一張俾明工帳結算之真像敝處因工賑係屬慈善性質故於各災民之待遇一概從寬而於款項之支出各項手續不憚煩瑣以昭慎重以上各種單據及各災民之餘存工資務祈速賜傳知分發俾免各災民之懸盼諒亦台端之所贊同也統希察照至緝公誼

致山東省長公署函

敬啟者本年六月間遣送災民回籍曾經電陳並分函各縣在案當時因工帳結算手續繁雜非一時所能辦竣是以先行發給路費遣回俟工帳結算再將存餘未給之工資寄請各縣發給茲爲便捷起見已將工帳結束分別造具清單並開具濟南交通銀行支票逕寄各該縣以便迅速發給俾惠窮黎除分函各縣外相應開具各縣應發災民工資數目清單函請查照備案並分令各縣俟敝處將款單各項寄到時迅速發放 十年八月十一日

工賑之結束 呈文三件 函二件

呈交通部文

呈爲報告遣送各縣災民工帳結束業將餘存工資彙交各縣轉發並將虧欠工資免其追繳各情形仰祈鈞鑒事竊查遣送災民回籍工資未能及時結算先行發給路費俟清算後分別郵寄各情形業於六月二十一日具文呈報在案計自各縣災民陸續自龍口登舟即經督飭經辦員司根據各工務員報告之考動月表核收土方表冊各糧站造送之發放工具米糧衣襪等項以及兩次發給寄回原籍之預支贖家各款帳冊按名稽考逐項開列造成工帳結算清單工資結算總彙兩種每名各繕二張一張發交

該工人一張簽收後由各縣寄還備查計已回籍者共二千七百八十九人其勤奮工作尚有餘存工資者一千二百九十九人共銀七元七千五百八十九元七角八分其懶惰而工作成績不良預支贖家費款稍多清算結果尚有虧欠一千四百九十九人共銀七千二百七十四元四角九分現在業將各縣災民除存之工資按照各縣人數其應發給若干分開濟南交通銀行支票郵寄各縣公署轉發現尚留工之八百餘人應得除存之工資亦派專員即日分途發給嗣後隨時收工即由該段工程司就近核發以省手續至虧欠一項平均每人不過四元八角有奇竊思工賑爲慈善性質若逐名追繳事實上斷難辦到徒資紛擾且與工賑宗旨相背前月鈞部派查報員貝克等到龍對於災民作工虧欠工資一事其主張與德三意見亦正相同應免追繳俾示鈞部體恤災民之意此次分致各縣公署函業經聲明免追至災民所作土方成績及平均方價俟完竣再行呈明所有遺送回籍各災民工帳結束並免追虧欠工資各緣由理合檢同單據格式各一分各縣災民工資存欠數目表一分呈請鈞部鑒核備案 十年八月十日

二日

呈交通部文

爲報告災民作工成績及土方價值列表呈請鈞鑒事竊查遺送災民及開發工資各情形業於本月十二日呈報在案茲將災民作工成績按照工人考勳牌及各工段土方報告表統計災民到工之日起至陸續遺送回籍之日止共計出勳五十五萬四千八百三十六工合作土方四十一萬三千三百六十七方平均每工作土工零七四五方工資項下共計銀元十三萬六千一百二十六元七角三分凍方硬土及石工平均每方銀三角一分九釐管理費一項按表內甲乙兩目共計銀元三萬三千一百十三元五角計佔土方總價百分之二十四方價及管理費兩項合計平均每方約四角一分伏查工作之期適逢嚴冬以工賑而論則工價似不爲高所有災民工作成績及土工統計理合列表呈請鑒核備案 十年八月二十一日

附

災民作工成績及土方統計一覽表

煙灘路工賑紀畧

八九

煙灘路工賑紀要

一 災民三七二六名共出勤五五四八三六天平均每方數零七四五

二 土方價目

土方共四一三三六七五九方共計銀一三六、二二六、七三元平均每方零二一九

三 管理費

(甲) 在資¹⁻¹開支者監視人新費六三三三·零五元

器械 七五七·七八二元

共計一三九零零·八七元佔土方價百分之十

(乙) 在資¹⁻¹¹開支者糧站費用八零四四·二七元

運送及撫卹 一一六八·三六元

共計一九二二·六三元佔土方價百分之十四

四 統計總價

二二三兩項共計銀一六九二四零·二三元平均每方合銀零四一零

呈交交通部

呈爲報告災民欠項數目請示銷帳門類仰祈鑒核事竊查工帳結束情形及災民工作成績均經呈報在案茲查災民借項帳下由工資扣回外知六月份總原簿內尙結欠銀元一萬四千四百五十八元九角三分內除銀元五千七百三十五元五角三分係挪糊行程及災民病時之伙食業經免扣應俟於七月分帳內轉入第一項第十一目銷帳外計作工成績不良之災民實欠銀元

八千七百二十三元四角正其中屬於遣送回籍者七千二百七十四元四角九分業於八月十二日呈報在案其屬於留用者所欠之一千四百四十八元九角一分亦已聲明一律免追伏查此項欠項既已免追自應求一相當門類歸納惟資本支出則例既無規定而工賑又無前例其應在土工項下抑在總務費項下開支之處頗費斟酌日前查帳員貝克等來龍會與討論該員之意見以爲此款應記入第一項第十一目並囑俟六月報結後即先行呈報鈞部以便會議確定等語除六月結算已另案呈報外所有請示災民欠項銷帳辦法理合將工人欠款分欄列表開呈伏乞核示祇遵 十年八月二十一日
致館陶恩縣等二十四縣公署公函

逕啟者上年由貴縣選送災民至敵路工作崗於本年六月間因值農忙遣送回籍並暫先發給路費及工帳未能結束各情形函達在案現查願留工作內有未及等候結算已自行離工者茲經結算該工人等尙存有遣送前之工資除欠款不追者外其存款者○○名共存銀元○○由郵局匯上仰希查照迅予轉發至親公誼

致夏津縣公署函

逕啟者茲有貴縣選送災民路萬君王景公二名前曾因病請假回里茲查該工人於新作土方內每名尙存工資二元未領茲特匯上仰希查照迅予轉發至親公誼 十年十一月二十九日



煙濰路工賑紀略卷六

購地

工賑在我國爲創舉當開工伊始不及購地事前由交通部咨商山東省長先行丈量占用以免災民停工容後陸續編冊再行發價膠東一帶民智頗開極盼此路早通對於先用地後發價之舉尙無異言今已發價者僅濰縣昌邑平度三縣其掖縣招遠黃縣蓬萊福山五縣因餘款未能照撥以致不能兼顧至今未發前經交通部咨商山東省長發行公債酌付利息分年攤還聞債券於十一年已經印妥因政府經費支絀印費未付而財政部印刷局不允照發良可慨歎購地固屬困難尤以遷墳爲最所賴在事人員因應得宜尙無意外事端殊爲萬幸

地畝之丈量及發價 函三件 來函一件 呈文三件 交通部咨山東省長文二件 山東省長咨交通部文一件 交通部訓令一件 交通部呈大總統文一件 發還地價短債券條
例十則 電一件 來電一件

致昌掖等縣公署函

逕啟者本處路工現已開始修築當經派遣購地人員從事丈量並派員辦理遷移墳墓事宜誠恐沿綫地戶對於路工情形或有未悉致生誤會相應函請貴公署先期布告路綫經過各鄉俾衆周知俟撤處委員行至貴縣境界即由各鄉鄉長地保傳知地戶姓口齊集路綫所經地點以便各員得隨時丈量遷移免致延誤工程至地價一節業經交通部咨行省長轉行各縣先行收用隨

後按照部定收用土地暫行章程就各地方情形酌訂等因在案仰祈查照 九年十月三十日
呈交通部文

呈爲路綫估用地畝等項應發價款如何籌撥懇請鈞示事竊路工進行前應盡要款項約三十餘萬元業奉鈞部指定的款陸積匯撥當能維持現狀先將緊要工程趕辦惟查路綫經過估用民有各地畝除濰縣昌邑平度三縣已陸續發給外其掖黃招蓬萊福山五縣地畝共約七千餘畝計價款約四十萬元現尙未有着落營德三自龍口起程來京之前已將掖招兩縣地價核算完竣地方紳民希望發價已久地方官紳來處催詢亦非一次祇以款項不敷遲而未辦茲值部款支絀金匱恐慌之際地價一項恐未必能即時籌發但上年開工伊始曾請地方官長布告先行用地隨後發價人民希望此路之成亦無異言今茲地畝爲路估用著業已經年既不能種而賦稅照納人民之損失已屬不貲現路工將竣而地價發放無期關係信用實非淺鮮理合呈請鈞部迅賜籌備仍撥發款以恤民艱如目前籌措爲難似應早籌緩發辦法免人民之疑慮可否請由鈞部咨商山東省長代籌辦法可否之處伏乞鑒核施行 十年十一月十六日

交通部咨山東省長文

爲咨行事本部前年因北五省災情奇重舉辦附收賑款專充建築煙濰泊石兩路路基以工代賑之需預計所收勉可敷用嗣因賑務危急賑需款自十年二月起以五成分撥賑務處兩路工款遂致不敷現在賑款已經告罄煙濰一路尙需八十餘萬元方能竣工部庫異常支絀無從籌措惟該路工程已完至八成以上本部原定路工完竣即將營業之利公諸地方故商民均渴望觀成如四款萬停工一屆兩分被沖不獨營業之利無望即已投工資將同虛擲功敗垂成至爲可惜查上項八十餘萬元之內以應付地價四十餘萬元爲最鉅如此項能有變通辦法其餘材料等項尙可設法除欠勉圖竣工於地方商務均有裨益現在最要關鍵卽在地價一項有無變通辦法相應咨請貴署酌核見復至緝公誼 十一年二月十八日

山東省長咨交通部文

山東省長公署爲咨復事案准咨開以煙灘一路尙需八十餘萬元內以應付地價四十萬元爲最鉅最要關鍵卽在地價一項有無變通辦法法令酌核見復等因查煙灘路綫沿途八縣前據路工處函稱煙灘縣境內地價已於十年三月間發竣等語其餘七縣事同一律自應早日發價俾免向隅現在賬款已經告罄發價既做不到酌擬變通辦法如山大部發行有息庫券專爲償還該路地價之用人民稍得利息卽寬其期限似尙有商量之餘地相應咨請酌奪施行 十一年三月十二日

路政司呈文

爲呈請事竊查本年二月間司長在煙灘路工處處長任內曾以煙灘路未完各工轉瞬春竣亟應趕修又地價一款亦延至年餘未發若不妥籌的款勢必前功盡棄並開其所需各款共約八十餘萬元呈部請示當經本部查核其中以應付地價四十餘萬元一項爲最鉅如此項有變通辦法其餘各款尙可徐行設法經咨詢山東省長去後准山東省長復開煙灘地價自應早日發價發價既做不到酌擬變通辦法如山部發行有息庫券專爲償還該地價之用人民稍得利息卽寬其期限似尙有商量之餘地等因查國庫係財政部主管本部未便發行庫券似以發行短期債券較爲妥善又查煙灘地價共計四十六萬五千餘元其中有不及一圓零數共約二萬餘圓必須發給現款至發行短期債券總額實計約需四十四萬餘元現擬發行四十八萬元稍留餘數庶以接續贖地畝亦可酌發此項債券定於三年內勻分六次抽還共擬具條例九條呈請鑒核俟奉核定卽交由該胡副處長面商山東省長同意後再行呈請公布發行所有酌擬煙灘地價變通辦法並擬具發還地價短期債券條例各緣由是否有當伏乞鑒核訓示祇遵 十一年六月八日

發還地價短期債券條例

一此項債券名曰交通部煙灘路發還地價短期債券由交通部煙灘路呈奉交通部核准發行

二此項債券發行總額四十八萬元券面額係山東省通用銀元

三此項債券分爲十元五元一元三種

煙灘路工賑紀略

四此項債券利息週年八釐自民國○年○月○日起算每半年付息一次

五此項債券自民國○年○月○日起每半年抽籤還本六分之一至滿三年即民國○年○月○日全數還清

六此項債券本息到期即持券赴交通部煙濰路工處領取現款如煙濰路款項不足由交通部籌撥

七此項債券爲無記名式准其轉售讓與不掛失票

八此項債券所有人於過期之後尙不請求支付其過期數概不支付利息

九此項債券到期之後本券經過五年息票經過三年尙不請求支付即作無效

交通部咨山東省長文

爲咨行事查煙濰路工款奇絀而應付地價尙有四十餘萬之鉅如地價一項能有變通辦法尙可設法勉圖竣工前經咨商貴署旋准覆開知由部發行有息庫券爲償還該路地價之用人民稍得利息即寬其期限尙有商量之餘地等因其徵維持路務之盛意茲經酌擬煙濰路發還地價短期債券條例飭令煙濰路工處副處長胡靖清臺呈聽候明教如屬可行即由本部呈請公布相應咨請查酌見復爲荷 十一年六月十三日

交通部訓令

查該路工款奇絀而應付地價尙有四十餘萬元之鉅無款可撥前經咨商山東省長如地價一項能有變通辦法尙可設法勉圖竣工等因去後旋准覆開知由部發行有息庫券爲償還該路地價之用人民稍得利息即寬其期限尙有商量之餘地等因茲特酌擬煙濰路發還地價短期債券條例咨請山東省長查核仰該副處長攜帶咨文面商山東省長並將商議情形呈復此令 十一年六月十三日

呈交通部文

呈爲遵令呈復事竊靖清前奉鈞部第一三六九號訓令爲煙濰路發還地價籌辦短期債券事宜派令靖清攜帶咨文面商山東

省長並將商議情形呈復等因奉此靖清當於本月二日行抵濟南即行晉謁田兼省長當將鈞部維持國信愛護地方之盛意暨本路經費支絀工賑因急之苦衷詳爲縷陳並申明此次既蒙山東省長協同維持籌議債券所有發行手續部中亟盼指示俾得協力進行田兼省長慨然於此次以工代賑係救災與興利兼顧於地方大有裨益極願贊襄對於鈞部所訂發行短期債券辦法各條大都表示同意並囑令靖清更與濟南道黃道尹詳爲接洽靖清乃於晉謁田兼省長後訪晤黃道尹機周財政廳嘉琛歷述本路工賑經過情形并謝地方官踴躍協助之厚意復舉發券辦法互爲商榷對於還本付息之收付地點一層黃道尹謂各縣債權人均赴路工處頭款往返維艱恐有窒礙擬請於還本付息之際將應付本息交各縣公署轉發並由部派員會同稽核竊念此項辦法雖多一機關承轉手續較煩然免却長途奔馳人民亦便周題長並詢及此項債券是否可以抵交糧稅當答以公債大都如是若能仿行更爲便利對於其餘各條均無異議續請並向黃道尹聲明省署如有所見部中亟盼開示俾得協商盡善並望早日咨復以便印券黃道尹允爲從速行文彼此商均甚洽洽靖清一面與省署各方大致商榷就緒一面與膠濟路商酌轉運車輛各項器具備促遂於本月六日行抵龍口起即籌劃開車事宜所有奉令面謁山東省長商議還付地價發行債券經過情形理合具文呈復鈞部核

交通部呈 大總統文

呈爲擬發行煙海路發還地價短期債券恭呈仰祈鑒核事竊本部於前年因北五省災情奇重經提出國務會議議決舉辦附收賑款專充修築烟海濱石兩路路基以工代賑之需預計所收地價款項自十年二月起以五成分撥賑務處兩路工款不敷本部所附收賑款已於上年十月間停止而烟海一路尙需八十餘萬元方能竣工部庫異常支絀無從籌措惟該工程已完至八成以上本部原定給工完竣即開始營業故商民均渴望觀成如因款絀停工不獨營業之利無望即已投工資將同虛擲功敗垂成至爲可惜查上項八十餘萬元內以應付地價四十餘萬元一款爲最鉅如此項能有變通辦法其餘材料尙可設法除欠勉圖竣工於地方商務均有裨益經咨行山東省長去後准山東省長復開煙海地價自應早日發還發價既做

煙海路工賑紀略

九七

擬變通辦法如由部發行有利息庫券專爲償還該路地價之用人民稍得利息卽寬其期限尙有商榷之餘地等因當經飭擬
濰路發還地價短期債券條例咨請山東省長酌核施准山東省長修正咨送前來卽咨請審計院審核准審計院咨開除將發
債條例備查外咨復查照辦理等因茲經提出國務會議議決照辦所有擬發行煙濰路發還地價短期債券緣由是否有當理
合繕具發行條例呈請察核指令遵行 十一年九月十四日

交通部煙濰路發還地價短期債券條例

一此項債券名曰交通部煙濰路發還地價短期債券由交通部煙濰汽車處呈奉交通部核准發行

二此項債券發行總額四十八萬元券面額係由東省通用銀元

三此項債券分爲百元五十元十元五元一元五種

四此項債券利息週年八厘自民國十一年九月一日起算每半年付息一次

五此項債券自民國十一年九月一日起每半年抽籤還本六分之一至滿三年卽民國十四年八月三十一日全數還清

六此項債券每屆付息或還本時由交通部煙濰汽車處備具現款照數分配委託沿路各縣知事代爲付還如煙濰路款項不足

呈由交通部籌撥

七此項債券本息到期卽由債券所有人持券赴該管縣公署領取現款

八此項債券爲無記名式准其轉售讓與但不許掛失票

九此項債券所有人倘於過期之後延不請求支付其逾期數概不支付利息

十此項債券到期之後本券經過五年息票經過三年尙不請求支付卽作無效

交通部來電

煙濰路副處長鑒發還地價短期債券條例已經開議通過債券面額共四十八萬元債券卽須付印希速飭核定十元五元一元

票額各須若干電復以憑交印 十一年九月二十二日

致路政司電

趙司長鈞鑒查悉地價債券如分五種擬訂製百元券七百張五十元券一千二百張十元券二萬張五元券六千六百張一元券十一萬七千張若將百元及五十元兩種改爲十元則須增製十元券一萬三千張 十一年九月二十五日

致龍口警察局函

逕啟者昨據城上村董孫丕福等稟請龍口車站地址向商埠界展移等情當以龍站地址係自商埠馬路東面起點業經勘定斷難更改且絕無餘地向西展移本路各車站於勘定後均無更改辦法所請不能照准希轉傳各地戶眼同丈量領取草票等因批復去後茲據丈量地畝員報稱村董等仍未傳知地戶遵辦請示辦法前來相應函達即祈貴局查照派員督飭該村董等開導各該地戶遵照限同丈量以免延誤 十年六月十六日

山東財政廳來函

逕啟者案據掖縣知事因欽辰呈稱案查煙濼汽車路估用掖縣民田例納糧稅究應如何辦理當經呈請廳長示遵在案茲奉省長指令內開俟函知煙濼路工處查核函復再行令遵旋准煙濼路工處函開現在丈量地畝委員未回其詳細畝數尙未確知俟徵路開途確定畝數糧名後再行逐戶扣除各等因到縣奉此查此案已閱數月凡經汽車路估壓之地畝已逐戶丈量地畝確定而路工處糧名清冊仍未送到掖縣下忙錢糧開征日久所有估壓花戶之地縣處無案可查實屬有礙征收除另函催煙濼路工處趕將糧名冊函送過縣外理合呈請廳長鑒核示遵等情到廳查此案前於本年四月奉省長公署訓令以准貴處函稱刻下丈量委員正在掖境其詳細數目尙未確知上忙期內姑且照征俟至下忙再行按照地畝確數逐戶扣除等因現在已閱數月此項估壓地畝貴處祿有確數此次該縣所陳征收困難各節自係實情除指令外相應函請貴處迅將此項糧名清冊從速函送該縣以免有礙征收希查照見復 十年十月二十六日

煙濼路工賑紀略

復山東財政廳函

逕啟者案准貴廳三一二號公函內開據按縣四知事呈稱煙濰路佔用按縣民田例納糧銀究應如何辦理一事囑將此項地畝糧名清冊從速函發該縣以免有礙征收查照見復等因准此茲將畝量地造冊發價各詳細手續爲貴廳轉斷言之查敵路全綫約六百里用地至萬餘畝東府人稠地狹地畝之零星丈量之繁瑣爲他處所罕見每縣平均約二千餘號之多自九年十二月至今僅將濰縣昌邑平度等三縣地價發清其所以慎重將事者誠以關係重大少有疎虞謗言叢集故入手之始由地方官布告先用地後發價理由然後由處派量地員按照測量隊所訂木樁逐段丈量填寫草冊草票即以副張給地主收執將草冊寄處繕清禾稼樹株菜蔬一一照填再派員赴已丈量之區域會同縣署召集莊長等會商按等次評訂地價事畢回處照所訂之價填入清冊及通知背契紙領結領價單有墳墓者加給墳票及各執照等次序評價既畢又須發價發價之先列出村莊領價次序由縣布告屆時考驗契紙無契者驗糧串二者均無由鄰右具保於舊契上加上退糧若干字樣戳記凡此種種需時耗財勞心勞力實不得已之苦衷無避繁就簡之良策茲准前因除已函復按縣公署查照本年四月間公函暫征下忙外擬請貴廳查照以上各情形分行尙未發價之掖縣招遠黃縣蓬萊福山等各縣公署凡經敵路圍購之地未據敵處送到地畝糧名清冊以前暫行照常征收俟發價後再行逐戶按細數作扣以免有礙征收卽祈查照施行 十年十月二十九日

致濰昌等八縣公署函

逕啟者查鐵路收用土地暫行章程第三條內開鐵路用土分國有公有民有三種又第十九條內開鐵路收用國有地上如下列各項概不給價(一)驛路(二)公溝(三)界路(四)公行路(五)國有湖河(六)荒沙荒山除右列各項以外之國有土地遇有收用時得由山路呈請交通部核辦又第二十條內開鐵路收用公有土地時應照左列辦法辦理(一)屬於地方自治團體之土地適用前條之規定分別行之(二)營業民衛軍學旗田等項暨寺院祠堂善堂等項照民有土地一律辦理各等因本處路工事同一律相應函請貴公署查照布告沿線各鄉一體遵照 九年十月三十日

購地之規則 呈文一件 交通部指令一件 函二件 布告四件 來函一件 購地規則三十六條附價目表五項呈交通部文

爲擬訂購地規則呈請審核事竊查鐵路收用土地暫行章程第二十八條內開凡鐵路購地應酌量該處情形分別土地種類擬定等級酌定價目表呈報交通部核准令地方官廳頒行布告又第二十九條內開第二十二條之遷移費及補償費應分別種類擬定等級酌定價目表呈報交通部核准又五十四條內開鐵路收用土地關於發給地價及遷移費補償費之詳細手續應另訂細則呈報交通部核定施行各等因煙濼路工目前雖係以工代賑辦法用地固較鐵路用地爲少然路線綿亘五百餘里所有測勘丈量以及發價登冊並草票單執照契據等種種手續其繁雜難則與鐵路購地並無少異況土地爲路產大宗關於收用保存尤未便稍涉簡率茲謹依據鐵路收用土地暫行章程參酌各路現行辦法並地方情形酌擬購地規則三十三條附表規定價目至條文中有與暫行章程重複者係因購地人員及業主便於遵行起見各路現行辦法大率類此又如第三條內二三六等項雖非現在之急需實爲將來所必有附表乙丁二類目前測定之綫均已設法繞避然爲難繞避之處則拆屋遷墳之事斷不能免故亦比照他路成法分別詳細列舉俾有標準購地人員業於前月下旬出發經已飭其按照草案所擬辦理再查濼縣遼東至掖縣一帶地價每一官畝約值銀幣六十七元以上其最上園地非百元以上不可是以附表地價係按濼縣昌邑平度掖縣等現時情形酌訂定其黃縣福山等處地價素昂容俟調查確時另案呈請核定祇避合並陳明所有擬訂購地規則草案是否有當理合鈔錄呈請鈞部審核示遵 九年十一月九日

交通部指令

令煙濼路工處處長趙德三

呈及購地規則草案附價目表均悉查核所擬規則大旨尙妥茲經畫分章次並將條文次序先後移易酌加修改增訂都爲三十六條附表價目既係依據平時民價酌中擬定應准照行除咨請山東省長通令沿綫地方官廳頒行布告外合將核定購地規則附購地價目表抄發仰即遵照辦理此令 九年十二月十日

煙濼路工賑紀略

購地規則附購地價目表

第一章 總則

第一條 本規則依鐵路收用土地暫行章程第二十八條第二十九條第五十四條之規定訂定之

第二條 路工處需用之地約分六項如左

一 路線支綫岔道等用地

二 車站廠倉庫員司房屋等項用地

三 工廠材料用地

四 取土取石用地

五 遷埋義塚用地

六 附屬各種用地

第三條 路工處收用土地應分別國有公有私有依鐵路收用土地暫行章程規定辦理

第四條 關於購地丈量註冊等事由處長派定購地人員辦理其事

第二章 丈量

第五條 丈量用地應用農商部頒定之營造尺或公尺(即密達)為準如按尺乘方及核定價則以畝為單位其折合畝法得依

各地之習慣折合之

第六條 丈量之先應請地方官廳頒行布告並由購地人員於附近各處粘同本規則及附表張貼通告聲明丈量處所及日期

第七條 丈量之先應由購地人員函請地方官廳派差並保正傳集業主或業主親屬代表跟同丈量圍畫灰線並將業主姓

名住址成分以及有無附屬物件等項當場登記

第三章 定價

第八條 建築路工爲公共交通工程每遇急需之地得先圈用後再給價

圈購各地之地價依本規則附表所定價目由購地人員會同地方官廳商酌比照核定業主不得抬價居奇亦不得藉口舊契

原報價目要求增加

第九條 如因某處具有特別情形地價不同比照附表所定價目實有窒礙難行之處隨時呈請交通部核辦

第十條 定價時業主如有爭執應由購地人員請地方官廳及紳董秉公處理

第十一條 凡已經圈用之地價值核定後即應填寫通知書發交業主收執

第十二條 業主接路工處通知繳契日期應即帶帶通知書並新舊契據呈繳另立賣契換取三聯領價執照

所有新舊各契據一經收到應即加蓋戳記註明該地賣歸烟濰路工處永遠管業如有遺失他人不得私自買賣典押或他種

轉移各字樣

第十三條 通知書及執照均由路工處刊發

第十四條 無論瓦房草房均應查照附表分別給價原房聽其自行拆遷如抗不領價又不拆遷即由路工處知照地方官廳強

制執行

如因業主外出又無代表呈契領價且屆動工期近仍未趕到得將應購之房地先行圈用該價送地方官廳存放以待遷契具

領

第十五條 燈基無論等差每畝均照附表上圈地給價

第十六條 磚塚泥塚幼墳骨罈及墳內附葬棺數均按照附表分別給價並須隨時通告俾衆周知

第四章 契據

烟濰路工賑紀略

第十七條 圈用各地應由業主於定期內將杜絕老契或新契及連帶各契據檢齊呈驗如新置之產尙未稅契或係祖業所分已無紅契或經兵災水火契據已失即將糧串等呈驗仍實成地保鄰右加具切結聲明委無契據典賣轉押情事如僅有糧串或水坑拋荒尙未升科納糧或附別戶完糧因而無串者即以領狀爲憑須於領狀上聲明理由並叙明以前實無舊契舊串轉買情事仍由地保鄰右附署蓋章具保備查

第十八條 業主地畝較多如係總契總串路工處不能全購者應刊印摘單將業主原地若干路工處劃購若干由業主填註明白附入領狀保結之內仍將業主原有契串逐細批明蓋章發還

第十九條 業主所有地畝經路工處購用後如尙有畸零不便耕種情願歸併路工處收買者應由購地人員酌量辦理

第二十條 凡經購用之土地其原主担負之租稅應按照購用丈尺劃除之

第二十一條 糧串未經更明致與本名不符者呈驗時應由地方官廳查對遇割地價發訖列冊報之後即將糧串送交地方官廳存案以便按照除糧

第二十二條 購定地畝應分別國有公有民有村莊坐落界址畝數價值契串領狀保結各項名目編列第幾造冊二分加蓋縣印及路工處鈐記分存備案

第二十三條 購定地畝應給草圖二分按照標概及灰線詳細形式載明各地戶畝數坐落照冊編列第幾畝屬何縣及附近山河溝渠均應一一註明加蓋縣印及路工處鈐記分存備案

第二十四條 地內附屬房屋應呈繳契據照地畝一律辦理

第五章 遷移

第二十五條 地內附屬物可以遷移者應定限遷移給以遷移費不能遷移者給以補償費均依附表辦理

第二十六條 路經墳墓皆係無法繞道者應令業主遷讓其遷移費由路工處照附表所定價目發給

善堂義塚應給遷移費由善堂遷移

第二十七條 無主墳墓枯骨應由路工處擇地妥爲遷葬並將原葬地址及發見表記編號登冊發貼簡明通告招人認領

第六章 發款

第二十八條 發款日期及處所應先行通告業主令其帶同前領執照赴發款處具領

第二十九條 發款均以通用銀元爲準

第三十條 發款後應將業主姓名土地等級領款數目詳細列單宣布

第三十一條 業主接受發款通知後如逾一個月不來領款應將地價交由地方官廳或自治團體存儲聽業主隨時具領

第三十二條 教會所置產業應照民有者一律辦理如有前條情事或其他糾葛應由路工處會同地方官廳照會該管領事查

照辦理

第七章 附則

第三十三條 墳主或非墳主如有左列情事之一者由路工處函知地方官廳分別依法懲辦

一 暗移別處浮屠棺木至擬購之地段內者

二 冒認墳墓及冒領遷移費者

三 虛堆浮土作墳墓者

四 將已領遷移費之棺木又移埋於擬購之地段內者

第三十四條 本規則未規定事項適用鐵路收用土地暫行章程該章程及本規則均未規定者由路工處隨時呈請交通部核辦

第三十五條 本規則由交通部咨請地方長官通令地方官廳頒行布告

殮葬路工賑紀畧

第三十六條 本規則自呈請交通部核准之日施行
附購地價目表

(甲) 田地價額

上園地第一級	每畝六十元
第二級	每畝五十六元
第三級	每畝五十二元
中園地第一級	每畝四十九元
第二級	每畝四十六元
第三級	每畝四十三元
下園地第一級	每畝四十元
第二級	每畝三十八元
第三級	每畝三十六元
上田地第一級	每畝五十元
第二級	每畝四十五元
第三級	每畝四十元
中田地第一級	每畝三十五元
第二級	每畝三十元
第三級	每畝二十五元

下田地第一級 每畝三十元

第二級 每畝十五元

第三級 每畝十元

沙石荒地 每畝五元

房基地比照上圍地等級酌定價值茲基照上圍地第一級定價

(乙)

房屋價額

上等新瓦房 每間一百元

中等新瓦房 每間八十元

下等新瓦房 每間六十元

上等舊瓦房 每間五十元

中等舊瓦房 每間四十元

下等舊瓦房 每間三十元

新灰草房 每間二十五元

舊灰草房 每間二十元

新土草房 每間十五元

舊土草房 每間十元

房外磚牆 每丈五元

房外土牆 每丈二元

(同上)

(指院牆照壁而言其附於房屋之牆不另給價)

煙灘路工賑紀錄

煙溝路工賑紀略

磚井 每眼二十元 (大者臨時酌定)

土井 每眼五元

磚瓦土石等項均歸業主自行拆取攤回

(丙)

樹木果蔬青苗等費類

大樹 每株一元 (圍三尺以外者爲大樹)

小樹 每株三角 (圍一尺以外者爲小樹不及一尺者不給價)

大果樹 每株六元 (圍六寸外以者爲大果樹不結實者不給價)

小果樹 每株三元 (圍不及六寸者爲小果樹不結實者不給價)

菜蔬等類 每畝六元

青苗 每畝二元至四元

蘆席等類 每畝二元

樹木果蔬等均歸業主自行攤回

(丁)

遷墳費類

上等磚石墳 每樞三十元

中等磚石墳 每樞二十四元

下等磚石墳 每樞十八元

土墳 每樞十二元

小墳 每樞五元至八元

竹籬

每支二元至四元

浮厝運費

每板二元至五元

壙中磚石等類均歸墳主自行搬運播回

致濰縣昌邑等八縣公署函

逕啟者敝處將地規則及價目表前經呈奉交通部指令的加修改都爲三十六條等因到處除已由交通部咨請山東省長通令沿獲地方官廳頒行布告外相應將該項規則及價目表裝訂成冊送請貴公署查照布告周知至緝公誼 十年一月十日

布告一

查本處路線經過的地方 遇有躲避不了的墳墓 已經定有發給遷移費的章程 呈奉 交通部批准 行文 省長 轉到各縣衙門出過布告 章程內係分別磚石壙土壙及浮厝的等次 定的數目 所以要遷葬的時候 本路派有委員 眼同墳主地保人等驗明 先發執照 然後遷移 將來發價的時候 卽要憑這執照領錢 現在布告大家知道 如要遷墳 須等候本路委員到此 眼同辦理 方爲妥當 切切此布 十年三月十八日

布告二

本處路線現已修到黃縣境內 工人築棚的地方 已經請縣衙門撥派警隊 沿途彈壓保護 不准他們在外滋擾 現在訪問有人捏造謠言 說本路要用民間的樹木 不明白本路情形的 就有將不礙路綫的樹 也硬伐了踐起來的 查本路的章程是在路綫上的樹 方要挪移 並且按照樹的大小發給挪移的工錢 將樹還與原主 決不收買此樹 這種章程 是本 交通部批准的 曾經行文 省長轉到各縣衙門出過布告 萬不可誤聽謠言 自己無故硬伐樹木 將好的材料毀壞了 豈不可惜 現在出此布告 務望大家明白這個意思 不必輕信謠言 切切此布 十年三月二十六日

黃縣勸業所來函

逕啟者自貴處到種後鄉間忽發生一種流言謂貴縣對於本縣境內林木將勒給官價貼號採取以供修築橋梁之用查修築汽車路章程既無此項規定即貴處前在青萊區域亦未有此辦法其為好事者藉端造謠不問可知乃無知鄉民信以為實竟將私有林木爭先採伐恐為貴處貼號為官有難無成材者亦多不敢保存似此情形實與本縣林業大有妨礙相應函達貴處希即詳為解釋以息謠言而保林業實為公誼 十年四月五日

致黃縣勸業所函

逕啟者准貴所四月五日公函均悉查敝路購地章程關於地內樹木果蔬均定有價費價目原物均歸業主自行措回向無一併收用辦法且此係指路綫收用之土地而言其與路綫無礙者安有干涉之理敝處移龍以來亦曾開外間發生此種謠言當已布告解釋分貼中村葉仲家樂海雲寺廟呂柳莊柳等處各在案茲准函開前因相應函復並附布告張 即祈查照先行代為分貼各處俟敝處隨後再行印刷分貼可也 十年四月七日

布告四

本處發給嶺縣境內地價訂於^{新曆}三月十七日起至^{新曆}三月二十四日止每日午前九時起至十二時止午後二時起至五時止在本處發給各業主務須遵照後開日期莊名屆時攜帶通知書並新舊契據及糧串約同莊長地保等親赴東關本處另立買賣執取領價執照即日領取現款所有地面附屬物價值亦一律附於地契內發給除由灘縣公署布告並通知各莊長外特此布告 十年三月十五日

購地之嚮轉 來函二件 函二件 呈文一件 交通部指令一件

黃縣公署來函

敬啟者案奉膠東道尹發交沙員指令第六二號內開據本縣呈復查明煙灘路線確在天主堂地內經過應由山路工處給還價值

由奉令據呈已悉此案經本公署與煙台法國主教羅漢光接洽據該主教聲稱本堂在龍口所置之地段業經以天主堂名義註冊有案茲復經貴國地方官查明畝數相符已照章印稅是此項不動產確係本堂之產業當然受條約上之保護無疑此次路工處僅依據購地規則之規定事前並未得本堂之承諾亦未通知本堂竟在此項土地上劃定路線插立標樑實未免侵害本堂私權惟收用土地修築道路事屬公益本堂並不反對但因路工處所劃路線係在此項土地當中穿過若果實行則該地全部勢必因之廢棄故其願變通辦理或酌量另移路線將此項土地讓出以期保全尙相度地勢有必不可繞避情形時或再議交換辦法本堂此項土地坐落老龍口地面若路工處能於新龍口地方另給與相當之官地官房作為收用之交換亦本堂所盼望即請轉知路工處妥酌見復或與本堂接洽商辦務使公益私權得以兼顧兩全是否盼等情據此令行指令仰該知事立即遵照與路工處妥為商酌或邀同該天主教堂接洽磋商辦理仍由該知事將商辦詳細情形迅速具報本署以憑核奪並轉復法領事查照切切此令等因奉此相應函達貴處請煩查照與該天主教堂就近接洽磋商辦理並希將商辦情形兩復過縣以憑轉呈實履公
館

致黃縣公署函

敬啟者准公署第五十六號公函敬悉查民國二年七月九日交通部修訂鐵路收用土地暫行章程（見印鈔局所編法令輯覽續編第四冊第十四類第一章第四十條）內開教會所置地如有前二條之情形亦一律照章辦理但須呈明路局會同地方官照會該管領事飭繳契換又民國九年十月六日 大總統教令第十八號（見民國九年十月七日政府公報修治道路收用土地暫行章程第四條）開前條所稱爲國有者指國家所有之官地官產及古代遺留之建築物而言所稱爲公有者指公共團體所有之土地而言所稱爲私有者指私人所有之土地而言其教會所置之土地按照私有土地辦理又民國九年十二月六日交通部核定煙台頭工區購地規則（此件曾經部咨山東省長轉行路綫經過各縣）第三十二條內開教會所置產業應照私有者一律辦理如有前條情形或其他標爲應由路工處會同地方官應照會該管領事查照辦理各等因有案本路對於國家法令自

應遵照辦理現在丈量地畝人員尚在接縣境內探至貴縣轄境時自必照章函請派差並保正等傳集業主眼同丈量所有定價發價各手續亦必按照前次章程規則次第辦理在前項各章程規則中既均無事前通知與須得業主承諾之規定而皆有教會所管土地按照民有一律辦理之聲明文非因鐵路暫行章程第三十八第三十九兩條與修治道路收用地土暫行章程第三條及煙台路工處購地規則第三十一條所載各情事之發生茲准函開前因相應函復貴公署查照

黃縣公署來函

逕啟者奉煙台交涉署以准令開法領事函據山東法國主教兩稱該地係本堂所置中國官憲所劃新路線竟將該地劃為兩段以致廢棄無用經中國官憲許以換給其他地段應請將所議交換地畝面積若干示知本堂以便按照每畝價洋三十元購買一段或數段至於所估華人地畝均經給有證書獨於本堂迄今未見給有契字請轉函知照等情前來本領事以該堂所請甚屬正當相應函達貴處交涉員請煩查照辦理並希速復等因准此查汽車路綫經過土地凡無法讓還者照章一律收用雖章程內有酌給官地之規定然前據該縣委員來本署聲稱該處附近一帶並無餘出官地可資換給似此情形祇可由路工處發價收買以期解決惟為補助該堂擇地建築起見將來或可由縣設法于龍口商埠界內酌擇合宜地點由該堂照租建章程租用至佔用地畝未經收到證據一節應由縣查復核辦復法領事外合行令仰遵照將路工處當時收用該教堂此項土地未經證據情形迅速查明具復以憑核轉此等因奉此相應函達貴處請煩查照是日見復以憑呈轉

致黃縣公署函

敬啟者前准十月十六日貴公署函開以敝處信用龍口天主堂地畝未經收到證據一節請查照是日見復等因准此當以尚未量至該堂地畝是以未發印據量地員呈報丈量龍口地畝事畢並填給草冊一紙前來特備函達請貴公署查照轉給收執並希見復為荷

呈交通部文

呈爲路線估用教堂地畝與地方官接洽情形仰乞鈞鑒事竊奉鈞部訓令內開准法使函稱煙台法主教函天津法領事云云就
近與該教堂接洽辦理具復此令等因奉此遵查此案本年十月十六日准黃縣公署公函以奉煙台交涉署令准法領事函據法
國主教函稱該地係本堂云云等因奉此相應函請尅日見復以憑轉呈等因當由路工處函復路線估用龍口天主堂地畝未經
收到證據係因丈量未至該地是以未經發給當於丈量員丈量龍口地畝事畢填具草票送請縣公署查照轉給在案此案既經
交涉員令縣辦理應請候縣署與該教堂商議解決似未便由路工處再與接洽致生枝節合先行呈復伏乞鑒核

交通部指令

令煙台路工處處長趙德三

十一月十三日呈悉據稽路線估用龍口天主教堂地畝一案既經煙台交涉員令行黃縣辦理應候縣署與該教堂商議解決未
便由路工處再與接洽致生枝節等情不爲無見惟事涉外交並關土地主權所有該縣署與教堂商議解決情形該處仍應隨時
具報以昭慎重此令

煙台路工販紀略



煙濰路工賑紀略卷七

測勘

查煙濰路工原擬以修築鐵路基爲宗旨因時間短促不及按照測勘鐵路辦法從容選測以資比較（滄石線係早經測定故可即時開工）則暫以行駛汽車合宜爲標準俾可少購地畝擡節開支故坡度最小限定爲百分之四弧度半徑最小限定爲一百公尺將來如欲改築鐵路就此加寬培高於緊彎之處略施裁直即可鋪設軌道矣東省風俗樸厚測勘時尙無意外之阻礙惟沿海民智開化要求改線者不一而足尤以通伸村爲最幸經地方官開導維持得以解決了結

烟台至濰縣間舊有大道爲魯省東部咽喉商賈輻輳人烟稠密物產豐富然交通不便運輸極感困難東部則山嶺起伏巖壑深邃狹容不軌西部則古道低陷蕪穢叢雜其尤甚者如部上一帶舊路終年半沒泥淖之中是以運費昂昂貨物遲滯遊歷者每視若畏途歐戰以還世界經濟停滯汽車盛行實較鐵道費省而工速且足以濟鐵道之窮此路自民國十年四月間勘定路線自濰縣東北隅起點沿舊有大道至昌邑渡濰河膠河東行經沙河至掖縣復向東北經朱橋黃山館與舊道分路而至龍口復折向正東至黃縣東經諸由觀又東北至欒家口沿海東行至蓬萊向東偏南經劉家溝八角口又南至崗俞至此復與舊大

道合而爲一又東行至永福源渡夾河東達之界此本路經過城市之大略情形也

此次工賑事起倉卒九月二十五日始奉到部令因借調部局技術人員未曾來齊遲至十月十七日測勘隊始能出發十九日由濰縣開始測量全隊計隊長一人下分四班選綫班基綫班水準班地形班其外有測量河道者一班全隊職員有副工程師一員爲隊長幫工程司三人分任各班領袖其下工務員四人繪圖員三人助理校對繪圖等事外庶務三人測量夫及雜役共約四十餘人時值冬令天寒日短幸賴全隊同人熱心任事於十年四月七日即完全測竣矣

此路由濰縣達烟台原線長二八八·九七〇公里王河改線新線較長三九三公尺龍口改線新線較長一·七六八公尺宮家島改線新線較短五·二九二公尺總計新線短三·一三一公尺即全路實長二八五公里又八三九公尺是也茲將各站距離列表如下

濰縣	〇〇〇·〇〇公里	寒亭	一一·七一公里	王梅	二二·四〇公里
昌邑	三〇·五〇	邵上	四二·〇〇	新河	五二·〇〇
灰埠	六三·三四	沙河	七一·四〇	神堂	八五·七二
掖縣	九四·九〇	平里店	一〇八·一五	朱橋	一二一·二〇
新城	一二九·三〇	磁口	一三八·一四	黃山館	一四七·九五

龍口	一六〇・一五	黃縣	一七八・三七	諸山觀	一八五・三二
鑄家口	一九五・五六	蓬萊	二〇九・一八	劉家溝	二二一・六〇
解宋營	二三〇・二五	巨峯	二三九・六二	八角口	二五〇・六一
岡崑	二六三・三五	煙台	二八八・九七		

測勘之經過 函三件 呈文四件 來電二件 電二件 煙台總商會致交通部函一件

致交通部路政司函

敬肅者處長前奉總長面諭在京晉謁齊省長面商一切後遵即回良王莊工次清理經手事件畢於本月四日啓程次早抵濟日內先將與地方官應行接洽事件辦妥並候工務人員到齊即當組織測勘隊預備出發除呈報部長外謹以奉陳

呈交通部文

爲修築煙濰路工謹先將到濟後籌備大致情形呈請鑒核事竊德三奉令後入都面陳預先籌辦各節蒙諭照准遵於九月二十二日晉謁齊省長接洽妥協次日即回良王莊工次清理經手事件復於十月二三等日到津面謁次長請示撥款辦法四日晚偕劉維城胡靖清兩員赴濟五日晤河務局勞局長承允借調該局科長劉堃助理路工刻尙未來省長飭知且該科長因查勘要工尙須赴黃河下游一行約五六日該事適請調之路局各員亦未到齊日內德三即先與地方官商酌選送災民及先行用地後發價等事俟劉科長稟差接回濟彼時各員約可齊至即先行出發陸續開往工地從事測量不致延誤時期至購備汽車一節前蒙面諭與京漢華處長南圭商辦嗣因華處長出差未歸在津與蔡處長國漢面商推行竣未成之路以用美國福爾得式車爲宜遂向美豐行定購一輛價銀一千二百九十三元俟開工後相度情形再行購置謹此呈報伏乞鑒察再將來輸送災民赴工段發給工食應以銀元爲本位茲經詳細調查銀幣尙不通行而銅幣爲用甚多如俟工人到工始行兌換則市價之漲落操之錢

煙濰路工賑紀略

萬工人所受無形損失德三愚昧之見擬先撥款分運各縣向放實錢商儲備提用既可避錢商挾制災民亦沾惠實多似於工賑兼施之中仍寓保持經濟之意擬請備准撥發十萬元撥交濟南交通銀行以便預籌兌換是否有當謹請鑒核示遵

交通部來電

濟南津浦路轉煙濰路趙處長煙濰路工原爲急賑若能從早着手一日災民即早寧一日實惠民命所關急如星火測勘隊應即日出發迅速進行並將隨時進行情形電部是爲至要

致交通部電

總次長鈞鑒奉寒電敬悉德三到濟之初即擬組織測勘隊先行出發因請調之河務局科長劉榮赴黃河下游查勘險工其除調用之工務員多不應調借聘各項測勘用器亦不齊全致難如願現劉榮於昨日昨差接獲濟另遷之工務員口內亦有到者經已組成明日出發至各縣選送災民辦法到濟時即與政務廳長商定復經面催數次幾於否廢唇焦究竟何日可到尙無把握擬俟到後編造名冊即行轉運赴濰着手開工以後即可隨測隨築免延時日謹此電聞再請續發十萬元請迅賜匯撥以應急需

致沿路八縣公署函

逕啟者本處正工程司劉榮區測勘隊人員定於本月十七日由濟赴濰陸續向東出發計經過濰縣昌邑黃縣福山等處茲派委員孫承祐孫錫齡兩員隨同照料相應函達貴公署查照派警妥爲護送並祈與照料委員接洽一切至瀆公誼

致山東督軍公署函

敬啟者啟處辦理煙濰土路工程測勘隊業經由濰縣向東出發各縣選送之災民亦陸續到濟不日轉運濰縣即行開工查路線經過濰縣昌邑掖縣平度招遠黃縣蓬萊福山等八處所有測勘路線開支工款轉運材料米糧等項全賴各縣駐軍隨時保護前經呈請交通部轉咨在案相應函請貴公署查照分飭各該縣駐軍隊查照辦理

煙台商會來電

宜室君鑒煙路是否兩端同時並舉聞煙縣現已開辦而煙台方面尙無動作祈將築路具體辦法速賜詳示以便公布至盼至禱

致煙台商會電

鮑電敬悉路工純由工代賑性質現由東隔一帶災區選送工人陸續到濟止儘自西向東節節進行兩方並舉實難辦到特覆呈交通部文

爲報告濰縣至昌邑測勘情形繪具平面圖送請鈞鑒事竊查煙濰路工原定路線計畫本擬遷就舊時大道培築路隄分爲汽車大車上下兩路藉省購地費用嗣經調查東省各處習慣凡沿大道地畝其邊界均以大道中心爲限地主輸納糧捐亦以大道中界按畝計銀而與舊轉讓各項契約更無不照此登記此項土地既爲民有則路工收用即不能不一概發價是依傍大道定線於路工並未有何等利益而且崎嶇彎曲之處頗多土方工作亦甚費手茲謹遵鈞部預築鐵路基之宗旨另行測勘相宜路線惟於寬度高度曲度各項則暫以行駛汽車合宜爲準俾可少購地畝節省開支將來如欲改築鐵路就此加寬培高裁直施工亦易其經過河川現正派員測勘應視土質堅否以爲設計之標準至房屋墳墓亦均設法繞避以免耗費遷價之資測勘隊出發以來皆本此旨以爲規畫現據正工程司劉外報告自濰縣至昌邑測勘路線情形並繪就山圖至二十八公里平面圖附送前來理合照錄報告書並印原圖呈送伏乞鑒察再自濰縣膠濟車站起向北至縣城東南隅止原有馬路一段長約三里餘本路擬即自馬路盡處接修轉向東渡白狼河進東關之西南角門經關內市街向東轉北出東北角門再接進東之大道於膠濟站下車之乘客及城關各客兩既均便利而東門圍城內之商業亦可藉此漸圖發展現時東關各商家正在集議此事謹述大略詳陳容俟他三到京函陳合併聲明

詳對測勘選擇路線經過情形繕呈鈞鑒

計開

煙濰路工賑紀略

一此大選擇路綫較鐵路之規模縮小較尋常汽車路之規模略大以省工減費爲惟一之宗旨

一路綫取直地勢取平

一村庄林墓園圃等凡可避者悉繞避之

一路綫角度除在車站或橋梁附近其半徑未有小於一百公尺者

一村莊附近墳墓極多本路綫內可較鐵路減少十分之七八

一於河道彎曲處若直行必重過數次茲將路線偶移如土柏至王壽間及沂河至三埠間之線是也

一凡過大河須修橋者路綫與河道均成直角河之兩岸均留直稅

一路基在平坦處其平均之高度在半公尺以上

一過河地點均擇南岸堅實之處

一除圩河沒河寶沙埠康夾溝灘河膠河擬分別建築大小橋梁外其餘溝渠均擬建築涵洞自一八尺至三公尺不等又每公里

擬修涵洞數處以洩積水

一下莊新河三埠等處地曠土濕土方宜高在一公尺以上田間之排溝甚多並擬用洋灰管通洩或建半公尺之小涵洞

一此次路綫擬由昌邑城西南繞土山以就高地雖不如城北寬闊尙足敷設站之用且工費甚輕並無水患

一膠河原有石橋一座長三百四十四公尺寬三公尺四寸係十餘年前重修於本路橋梁未修築以前擬由正路修一支路接橋

之西端過橋後即進新河鎮西門經鎮內大街出北門再自北門修一支路以接正線該兩支路約長二華里鎮內街道甚寬約

七公尺至十公尺不等高低不平處須少加修理

一避河淤沙甚深水勢猛烈建橋需費過鉅而且太遲擬暫建便橋或用渡船

一鐵路設站多遠距城鎮二三里不等於旅客及貨運均不使此次選擇車站皆近城鎮所費無多獲益甚大

呈交通郵文

爲報告察看路線情形呈請鈞鑒事竊查煙濰路線經行濰縣昌邑平度掖縣招遠黃縣濰萊福山八縣自濰縣城北境至黃屬之岳家園約四百餘里地勢平坦偶過山道數處坡度亦不甚陡惟中經大河數道如濰河膠河沙河等春冬水勢平緩夏秋伏漲河面甚寬現正派員挖驗河底土質以備分別造橋設渡自岳家園迤東直至煙台一百五十餘里園陵起伏水道紆迴選擇路線困難甚多此段測勘須費時日計自十一月十八日由濰縣首途沿路察看至二十五日下午抵煙埠共行八日中間經過昌邑掖黃福山四縣及新河沙河龍口等埠訪謁官商各方面宣示鈞部德意俾於工賑辦法及交通有關商民各種事業之利益均各曉然抵煙台後訪問各界對於此項路工無不踴躍歡迎惟近日報載及道路之訛傳有謂此路不從煙濰兩端同時並舉恐將來修築至龍口時即難進行等語因此誤會遂生恐慌且有組織促進會推舉代表赴部省請求之預備當經德三會晤紳商各界將鈞部惠濟山東人民並極盼煙埠發達之宗旨與夫作工災民全由省西各縣選送不能不先從濰縣入手及布設相定始能來煙之理由詳爲申明並解釋此路名稱既經部分定爲煙濰路款經籌足則路線當然由濰達煙斷無修至龍口即行中止之理現在誤會皆已釋然不致再生疑慮日前商會會長濟登寶連約德三到會談話宣示鈞部德意各界亦一致表示感謝之誠此後路工進行當無阻滯至路技經行龍口一節前奉鈞部電飭宜期此次前往詳察地勢加以研究查至黃山館黃縣計程約六十里若經行龍口則自黃山館稍折而北至龍口約三十里再至黃縣約四十里通計延長者僅十里實較黃山館至龍口另築支路爲便金路測勘目前已過掖縣計出掖至黃屬之岳家園約二百三十里選較較易其由岳家園至煙台一段必須審慎從事然亦總期西段工人移至此段時不誤作工爲限其橋梁渡船各項設計刻正籌畫預備擬取材於木石各料以期工易費省計測勘竣事後工程各員即可同時分段建築與土工先後竣事俾免延期謹畧陳明伏乞鈞鑒

呈交通郵文

爲續送路線平面圖並附陳全路橋洞各工難易情形仰祈鈞鑒事竊查路線平面圖業於本年一月三十一日繪呈至九十四公

里在案樹因路線改經蓬萊湖前隊折回黃縣另測比較數線方始決定是以未將平面圖繼續呈送茲謹將自九十四公里起至二百八十八公里九百七十公尺止之平面圖呈送其中因有三處改線遠較原線縮減三公里一百三十一公尺計實在里數爲二百八十五公里八百三十九公尺查全路路線經過之地勢約可分爲四大段第一段自平度起至平度之新河鎮東止共約五十九公里其間地勢平坦並無圍嶺土方工作尙易惟河流甚多最大者如濰城附近之白狼河昌邑城東之濰河新河鎮外之膠河共約八百四十餘公尺近河岸之地均甚窪下因此涵洞之設備亦須增多又距山較遠磚石各料之籌備遠極困難第二段自新河起至黃縣西境之黃山館止共約八十八公里段內雖無大山然圍嶺起伏隨地多有土含砂性堅硬異常土工較第一段爲難大河又多如沙河鎮之沙河近掖城之崖西河姚谷河平里店之龍王河朱橋之朱橋河磁口之磁河近黃山館之界河共約二千四百餘公尺其餘小河水濇更不勝枚舉近路山嶺產石不佳難以適用採購磚石各料因人工燃料之缺乏異常昂貴故工程倍覺繁重第三段自黃山館至蓬萊縣境之諸山觀共約四十公里地勢平坦土工易作河川則有中村集之大河黃縣城沙河諸山觀之北大河共約三百公尺水濇亦多然較以上兩段之工程稍簡第四段自諸山觀起至煙台共約九十八公里除近福山縣城之二十餘公里係平原外餘皆山路逼近海濱起伏無定水濇河道較他處尤多開山鑿石之工此爲最大近煙台有夾河一道寬約五百五十公尺其他大河五處共約一千公尺俾有各料雖沿路可以取給然山路崎嶇車不能行須用馱運其價昂貴異常比較他段尤爲困難者也綜觀全路路線大勢南臨大山北近海濱地形而高北低路線介於山坡之間水自南來北流入海河川水道既如是之多則宣洩之設備亦因之而不能少工程籌計之困難皆由於此所有各項橋梁涵洞溝道并剖面各圖現正由各工段從事考查繪畫一俟送齊卽行彙呈謹此呈報鈞部伏乞鑒核

煙台總商會致交通部函

爲敬陳下忱事竊寶運等前以本埠各界對於煙台路先自開工頗滋疑慮當經電致趙處長請將築路具體辦法先行見示並請早日來煙以釋羣疑去後趙處長旋於本月二十五日抵煙寶運等遂於次日聯合各界在商會開歡迎會經趙處長當場演

說將煙臺路之令書情形進行手續以及不能兩端並舉必須先自辦縣開工之理由詳細披述聆其言論如同目睹疑慮之心叢行冰釋而於我部長之熱心服務固念煙臺交通之至意均於言外見之當時款顏之辭不絕於耳各界代表合詞請將感激下忱轉達鈞鑒等語此情形欣感尤深理合備文代陳伏乞鈞鑒

地方改綫之要求 龍口商會致交通部函一件 來函八件 電三件 來呈文一件 函五件 交通部令

二件

鈔龍口商會會長王和言函

濟南田榮省長轉北京交通部葉總長鈞鑒煙臺路以工代賑業已開工乘政諸公熱心國事令人欽感沿途商人鼓舞欣幸樂觀早成和言爲會議購地去津歡迎詢知部定路線入黃縣西口自黃山館直去黃縣城爲龍口商埠特設枝路足見維持商業之美意但特設枝路多費十五里之地價工資若路線南北稍移就龍口之南去城比原線只長五里卽不用枝路事便工省和言生長斯土頗知其詳國家開闢商埠原爲振興商業枝路正路事便功倍商之積局長以部定爲限不敢擅主想大部之主裁是因未得的情叩懇鈞鑒轉請交通部速飭趙處長查看改移以便商業而省工資則龍口商埠得以便利發達可期不揣冒昧途間上言懇轉爲感

山東省長公署來函

逕啟者案准龍口商會會長王和言佳電煙臺路以工代賑業已開工(稿與前致省長全稿同)等情據此查所稱各節應否予以變通相應函請貴處查明酌辦並希見復此佈九年十一月十六日

交通部來電

爲龍口商會會長王和言改路線由與前該會致省長轉部全稿同到部合電知該處長將查勘情形迅速報部以便咨復 九年十一月二十八日

呈交通部電

總次長鈞鑒前奉奉電飭查龍口路線比較優劣具復等因德三當於山煙台至京後將路線自黃山館稍折而北經行龍口較另築枝路爲便情形在報告察看路線文內聲敘面呈部長鑒核在案目前測勘前隊已至該地着手測勘伏乞迅速電示以便遊辦而免貽誤 九年十二月九日

交通部電

據稱路線自黃山館稍折而北經行龍口較另築枝路爲便目前測勘前隊已至該地着手測勘等語應准如所擬該路路線北經龍口埠不過北馬鎮但北馬鎮出產商業情形若有無價值仰仍切實調查詳細具報爲要

呈交通部電

總次長鈞鑒來徐電敬悉稱查北馬鎮距龍口約十四五里出產商業則自龍口開埠後均趨重於龍口前月德三至黃縣時曾與金知事城面談此節該知事亦極力主持路線龍口言及北馬鎮出產商業與德三調查情形亦畧同謹復 九年十二月十四日

沙河商會函

敬啟者煙灘開辦以來到處安謐毫無阻礙是固由於工代賑多數歡迎亦以貴處大公爲懷妥愜周詳總期有益於國無害於民是以進行迅速奏功較易曷勝欽佩惟煙灘路線數年前曾經着手測勘且已下有楫楸此次仍循舊線各處人民毫無異言乃刻下到險處所栽標旗竟有捨却舊線之處不惟損地較多且與村莊居住有礙以致人心惶惶謠言紛起多有來敝會報告者雖經敝會極力開導終未釋然祈貴處派員來接切實調查以便確定路線而釋羣疑 九年十一月十四日

昌邑縣社長谷雲實等來呈

呈爲煙灘汽車路線懇請依舊大路修築以順輿情而利交通事竊維修築煙灘汽車路原爲便利交通起見想盡路基自應求其順直故當前清末年輕政府派員勘定該路綫依近舊大路修築以期便利當時曾立有木標由濰縣起沿大路左右至昌邑城後

山曲水流渡河以直達煙台茲查現在規畫之路基山嶽縣至昌邑城西南店莊計七十餘里係西南東北直徑由昌邑城東官溝部至煙台計四百餘里亦係西南東北直徑皆未遠離前清末年原勘路綫之範圍獨自昌邑南店莊則不循舊軌轉折而東南適向昌邑城東南之金家口計長十三里復由金家口折而東北以達官道部計長二十七里是南店與官道部皆係舊大路所經過之村其間相距不過二十五里本亦西南東北直徑原係前清末年期定路綫而現在規畫之者反繞道東南曲折迂迴使路成一三角形在公家既多費二十餘里之工資在民間復多損二十餘里之田畝在車行更多經二十餘里之路程按之地勢按之人情皆屬不合因之小民不免嘖有煩言在規畫之者或未知從前路綫及不明昌邑地勢故出此舉民等生長於斯既覺路綫有未盡善實難甘守戢默特繪圖表懇請按照前清原勘路綫仍依近舊大路修築不惟民等受賜無極而於公家之財政亦可稍省謹請查核施行

昌邑縣公署來函

敬啟者案據般縣伍塔社社長徐文卿等稟稱車路之修裕國便民因直民受災嗷嗷待哺關心民瘼者議修煙濰路為以工代賑計誠善舉也查路工標嶽田縣境王梅莊西斜插城南十有餘里均係窪地居民亦甚歡迎然前車即是後鑒思患即當預防民等當日時艱未敢輒獻誠實陳之所懼者濰河上流灘境李家莊土莊等處堤岸屢屢決口水勢浩大相距二十餘里漫溢各莊西流入海水波不及以致田禾漂沒虛舍冲塌受害甚巨縣公署有報水災案卷可查最堪憂者莊東濰河小營口堤岸孤立春開修築尚未完工更屬險要伏思民莊西臨車路勢等長隄東近濰河水高平地數十莊村處在其中倘有疎虞盡成澤國况每逢秋夏雨多水流低度稍為壅積即傷禾稼再四思維只得稟懇轉咨交通部煙濰路工處親勘於十里舖西北劉家埠中間一段約計三里相度地勢水溝以外額外多修水溝以救生靈而防水患萬民感戴等情具稟前來查伍塔社一帶地勢窪下向受水患據稱各節確係實情謹函請官端俯允所請從速飭知修路工人查照該處地勢多構橋梁以利滲流而防水患謹此並請南復 九年十一月二十七日

致昌邑縣公署函

逕啟者接准大函以嶽伍塔社長徐文卿等稱請於十里鋪劉家埠段內多修水溝以防水患請查照速復等因查路線土基按照工程學理當然有橋梁涵洞洩水之設備土工告竣後即查勘次第興修豈待地方人民請求始行籌備准函前因相應函復貴公署查照飭該社長等遵照可也 九年十二月九日

旅京山東同鄉會會長來函

宣堂仁兄大人閣下津門掘別兩易蟾圓每憶芝標深渡潮維福履綏和一切迪吉定如鄧頌桐鐵路工程各報發載已有一百四十里之長屈指計之明春三月當可竣工所謂經之營之不負成之可爲執事誦之明歲寒食弟可先驅回家祭掃何幸如之凡我東三府之商民無不歌功頌德建百世不朽之業欽佩莫名唯冀青島同鄉成蘭圃傳炳照兩兄云至黃縣界內以黃山館直達北馬鎮部嶺山黃山館直至北馬鎮另修支路到龍口甚爲相宜因黃山館到北馬鎮相距三十里而山黃山館到龍口亦係三十里兩路比較遠近相同則不如由黃山館修至龍口山龍口到北馬鎮再爲東下黃縣城甚爲完全情因黃山館北馬路間溝渠沙河甚多高低不平修造直線空耗工資而無利益況黃縣環坵狹窄人烟稠密地畝奇貴每畝不下京錢一二千吊之譜設用此地發給地價難免有不足市價之情形又云山黃山館修至龍口其線三十里內有好地十餘里其餘皆海邊沙地尚且平靜並無溝渠易于修築而價尤廉即免修支路各等語茲特將原函及圖式一併寄呈查閱弟于兩處情形均不明瞭成傳二公均係黃縣人既言之鑿鑿不得不函達水案統希執事斟酌情形辦理可也弟思路工專任有人勿庸再告交通部以淆聽聞好在吾兄堅苦耐勞勇于任事胸中自有成竹也總之中國向來辦事議論多而成功少但盼早日歲事桑梓質受其惠也

覆旅京山東同鄉會會長函

鏡老鄉長大人座前敬肅者拜讀賜書敬悉一是恭維福祉延綏潭祺集祐至以爲祝承示路線經行龍口一節查此事前據龍口商會電部請求將路線稍移向北奉部電查詢情形具復當於前月中旬赴煙台視察路線時便道至龍口詳審地勢加以研究自

黃山館至黃縣計程六十里若經行龍口則黃山館稍折而北至龍口約三十里再至黃縣約四十里通計延長者僅十里實較由黃山館至龍口另築支路爲便至北馬鎮距龍口約十四五里向無出處而商業則自龍口開埠後均趨重于龍口黃縣知事金君謙及此事亦主張經行龍口呈復後已奉部電准如所擬謹此稟復敬祈轉達成傳兩君德三奉派籌辦此路勉力經營迭遇困難幸蒙福庇日漸進行明春始能將工完竣屆時我公旋返珂鄉當可敬備駟軒追隨長者左右也

呈交通部文

爲稍延煙台起路路線詳圖呈請鈞鑒事竊煙台爲東省通商口岸又爲路線起點凡一切停車場與興路線經過區域於商務路政兩方面將來之發展均有密切關係入手之初不能不詳慎計畫以立久遠之基當本年一月間測勘隊已抵黃縣東境時距煙台不過百里約計一個月內可以竣事嗣奉鈞部電令查勘幹線改經蓬萊縣城測勘隊在宮家莊停頓數日及決定改線後折回黃縣另測今線其時德三預計測勘時間必須延長而煙台起點一段又必多選比較數線從長擇定經於二月間專派工程師先赴煙台向西選線俾可少節時日茲據將煙台起點站之比較線繪圖具說前來審查所擬之線凡二一爲北線附近流沙地勢又甚低窪每遇起風沙隨風轉聚散無常時有厚沙屯積路面目前建築已爲困難日後修養亦無良法可資防備一爲南線地勢既無險阻坡度亦不甚大雖須多加涵洞數座然並無風沙水患且較北線約近二百米遠是以比較上以南線爲最適宜停車場定在煙埠市街適西客貨上下亦頗便利現在全路土工已至蓬萊境擬於下月內即將工棚陸續移紮至煙台同時並舉以期土工早日竣事惟近據該地公民呈轉山煙台總商會請顧到處反對南線且懇將路線再移向此次所測北線之北其地亦純屬流沙斷難適用風聞係有少數富紳曾以賤價收買沙地欲利用此機會以增高其地價業經根據前項理由詳細面復但在未經開工之先難免不呈請鈞部置山東省長以冀變更原線謹先將選線及設站情形陳明備案至山崗嶺至福山縣城一段因有河道關係原勘地點造橋費巨當飭另行詳測比較後方能決定容俟另案呈報所有繪送煙台起點路線詳圖緣山理合呈明伏乞鈞部鑒核

十年四月二十一日

交通部來電

准直魯豫吳副使函開烟濬汽車路線經黃縣大辛店直達烟台距蓬萊城不下七八十里於該縣商業大受影響可否將路線改至蓬萊城廂附近設站等因合電該處長斟酌實地情形妥爲籌辦並復 十年一月六日

覆交通部電

總次長鈞鑒奉 敕電敬悉查路線改經蓬萊問題自大辛店築支線至蓬萊皆係山路斷難經行須自黃縣東北分向蓬萊約計二十六七公里若將幹線改由黃縣經蓬萊直達烟台比較原定線延長十五六公里而較支線縮短十餘公里至商業出產兩線情形無甚差別而蓬萊係名勝之區比較稍優惟刻下測勘前隊已過大辛店後隊亦至黃縣工段分紮已達接縣逾北二十餘里頃已電達該隊暫停以備改測黃縣至蓬萊一段究竟應否將幹線改爲由黃縣經蓬萊至烟台抑或另自黃縣築支路至蓬萊敬乞鈞核迅電覆以便遵行免致測勘隊停待 十年一月六日

交通部來電

魚電悉該路自大辛店或黃縣展修支路以通蓬萊均有不便若將幹線改由黃縣經蓬萊直達烟台較原定線雖長十五六公里而蓬萊係名勝之區比較稍優且既據查明兩綫商業出產無甚差別自可改由黃縣經蓬萊折向福山以達烟台仰迅妥籌辦理 十年一月十三日

附吳副使致上海電政材料處高處長函

定庵仁兄台鑒前函諒已接閱茲遲君程九山濟寄來烟濬路綫圖一張函一件據稱部定路線經龍口黃縣大辛莊直達烟台於蓬萊至烟台交通殊覺不便商業旅客均感困難懇請設法與部接洽將路綫改由蓬萊城廂附近設站等語查蓬萊城東大辛店離城九十里係由蓬至煙大路城南辛店集離城六十里係由黃至煙大路該函所稱大辛莊未知是否大辛店又查煙濬鐵路綫豫測圖所繪路綫確由蓬萊城南附近設站似又非由辛店集直達烟台究竟該函所云與路綫豫測圖未知孰是即祈轉詢

交迴部此次所築土路是否由蓬萊辛店車站如果屬實即請由部將原定路線改至城廂附近或由辛店集再修一支路亦無不可

附高處長致葉總長函

總長鈞鑒敬肅者頃接吳子玉副使來函並抄函一件關於烟濰路線情形屬爲轉商大部改由蓬萊城廂附近設站等語茲將原函及抄件一併附呈鑒核并乞逕與吳副使接洽爲叩

附直魯豫吳副使致葉總長函

蔡虎總長先生閣下久未肅候起居而馳系之懷則無或釋近維經濟匡時至以爲烟濰線汽車路承閣下鼎力主持即日舉辦以工代賑欽感無已乃昨據故鄉函稱部定路線經黃縣大辛店直達烟台距蓬萊縣城不下六十里不惟於敝邑交通不便且於商業與盛亦大受影響似非佩當日提倡修路之本意爲此函懇閣下可否將路線改至蓬萊城廂附近設站以便交通而利商貿佩當代表依鄭父老以謝嘉惠蓋敝邑瀕臨渤海船舶往來甚夥若有汽車經過城廂則商業蒸蒸日上人民生計亦裨益良多也
附葉總長致吳副使函

子玉副使麾下敬電諒濼台鑿煙濰路成本部定由黃縣經珂鄉折向福山以趙煙台已電該路工處妥籌辦理知關錦注專函奉聞并請轉知貴鄉諸父老舒念

龍口興築公司快郵

龍口地方自奉令開闢商埠以來所有車站設置地點業經繪具商埠市街全圖呈請中央立案原期與現在海岸碼頭聯成水陸交通商民便利實業發達均有密切關係現在碼頭馬路倉庫各要工均經先後成立竊願政府提攜保護俾利進行此次貴路測勘隊到龍正在入手測勘之際務懇轉知該隊爲統籌新埠全局聯絡水路交通起見於碼頭附近地點設置車站感荷大力靡有涖泮

致興築公司快郵

李電敬悉龍口停車地點鐵路目前計畫係於新舊市街適中之區暫行測定兼顧並籌礙難偏重一隅致他方面或生不便之感海岸碼頭既有馬路倉庫各種設備通車以後當然可以駛至該地以就旅客商貨況汽車並無軌道運轉極為靈便設站與否本無若何關係凡馬路通行之處隨時可往非若鐵路須有軌道種種繁密之設備是以就地勢論祇能在新舊市街之間作旅客上下之所以期兼顧

交通部來電

據龍口商埠興築公司電稱該商埠車站設置地點原期於現在海岸碼頭聯成水陸交通現煙臺路測勘隊到龍懸電令處長轉飭該隊設置車站於碼頭毗近地點等語到部仰即妥籌查核詳細具復候查

覆交通部電

總次長鈞鑒奉加電敬悉竊查龍口設站地點目前計畫係在新舊市街適中之地兼顧並籌不能偏重一隅致他方面或生不便之感況汽車並無軌道運轉靈便商埠既有馬路隨時可以駛往以就客貨毫無困難上平德三赴龍時核查該地輿論亦均贊成設在新舊適中之地前准該公司來電業經根據上項理由容復該公司所主張純係偏重新街一面況目前商業均在舊市街若竟照辦必致惹起舊市街之反對似欠妥協可否請鈞部婉復該公司之處伏乞鈞裁

呈交通部文

為檢送龍口設站地點詳圖呈請鈞鑒事竊龍口地方設站一事前奉鈞部加電並據龍口興築公司電請將站設在碼頭毗近節即妥籌具復等因業於本月十三日詳細電陳在案謹查龍口新埠開地與舊街西端相聯碼頭又在極西由舊街至彼經過沙地極多商埠開辦數年街市房屋迄未建築馬路亦未開闢海壩碼頭雖已竣工而輪船之停泊其處亦屬寥寥是以海關郵政電報各機關均未在彼設館即商埠局至今亦尚在舊街此德三上年查勘路線時所實地調查者也故目前設站祇有俯順輿情就新

舊道中之區爲最適宜按照附呈之圖本應在紅線所經地點建築路基方與地勢合宜今將路線曲繞偏北如圖中之綠線以就新舊街市之中點已屬遷就若竟遷設新築之碼頭既於舊街商民有不便之歎又復不能因此一站之設置而使新埠立時發達徒然虛耗工款於事實上毫無利益似不如俟新埠規模粗具後再行隨時移往較爲妥協請繪具詳圖一紙一併呈送伏乞鑒核
交通部來電

一月二十九日呈悉龍口設站地點俯順輿情照附圖就新舊街市中點設站尙屬妥洽仰卽照辦 十年二月五日

交通部訓令

令煙濰路工處處長趙德三

據烟台通仰村莊長姜雲洲等稟稱煙台車站改勘路站誤國殃民懇再派員實地調查將車站路綫迅速遷移以蘇民困等情合將原稟鈔發該路仰卽查核可也此令 十年八月十九日
呈交通部文

呈爲遵令詳覆仰祈鑒核事奉鈞部第二二二四號訓令內開據山東福山縣通仰莊莊長姜雲洲等稟稱濰路工處所劃車站綫違章殃民請再派員澈查以蘇民困等情查此案迭據該莊莊長等呈請改綫並准山東省長咨請到部歷經分別咨批各在案茲復據該莊莊長等以四項三屬具呈前來合將原呈抄發該路仰將該莊莊長所呈各節列舉理由分別詳復到部以憑批復爲要附抄件等因奉此查原呈前四項係指鈞部前派察勘員而言理由均詳於四月二十一日報告烟台起點路綫呈內察勘員報告時詳晰聲叙在案茲不再行列舉呈覆謹將後三端分別列舉理由爲我部長履陳之

一原呈謂未按照章程公布也查購地章程於上年呈准後由鈞部咨山東省省長令行經過各縣布告周知並經印刷成冊分送經過八縣請其布告各村莊在案至謂以修治道路之名義行斂財肥己之事實邊界毫無一定標準省因未公布一端留案詳餘地云查烟台車站地點經該段工程司往返商酌數次始行決定彼時逆料將來或生阻撓是以於十年四月二十一日繪送烟台起點路綫詳圖呈內詳切聲明七月二十二日奉二二三零號指令內開據四月二十一日呈送烟台起點路綫詳圖陳明

選校及設站情形乞鑒核備案同時准山東省長先後電查又據烟台通伸村莊民姜雲湖等迭次呈請改綫各等情前來本以該路採用而綫未將擇理山聲叙明斷特派專員前往該處實地查勘詳加比較具報茲據查勘員報告該路採用而綫因取土較易且近於經濟上亦較省該莊民等請改之綫均係沙灘離埠太遠於工程上運輸上諸多不便且原定之而綫土工已竣工十分之七八成如再改綫所費更多等語查該報告所稱各節於工程上經濟上具有正當理由自應以而綫爲宜該路原呈選綫及設站各節應准備案此令遵將批示分別函復山東省長查照轉飭該莊民等知悉各在案至所云索詐一節查四月以前及丈量以後均未見有因被索詐來處呈訴者亦未據福山縣函知有控訴路工人員索詐之案原呈何指無從懸揣

一原呈謂未按照章程給予相當價值也查本路購地章程依鐵路收用土地暫行章程所規定開辦伊始經商部長在京商明齊前省長先行收用隨後發價並於九年十月九日由處函致膠東道尹請其轉飭各縣分行布告各鄉以免或有阻礙又於九年十月三十日函致濰縣昌邑平度掖縣招遠黃縣濰萊福山等八縣請其先期布告路綫經過各鄉俾衆周知至地價一節業經交通部咨行省長先行收用隨後照章就地地方情形酌訂等因同日又將鐵路收用土地暫行章程節錄第三條分國有公有民有三種函請八縣公署布告各鄉遵照又於九年十一月九日呈擬訂購地規則草案文尾聲明查濰縣連東至掖縣一帶地畝每二官畝約值銀幣六七十元以上其最上園地非百元以上不可是以附表地價係按濰縣昌邑平度掖縣等處現時情形酌中訂定其黃縣福山等處地價素昂容俟調查確實另案呈請核定祇遵合併陳明等因各在案旋於是月十五日奉二一一七號訓令准田督軍電開黃縣知事電稱濰路購地記帳辦法小康地戶緩發尙可貧家生計有關恐滋誤會飭即體察情形酌核辦理等因奉此十八日又奉二一四一號訓令並發下修治道路條例及施行細則收用土地章程一本奉飭參照前項規章辦理等因奉此又於十二月十日奉三四零四號指令內開呈及購地規則草案附價目表均悉查該路所擬規則大旨尙妥茲將條文次序移易酌加修改增訂爲三十六條附表價目既係依據平時民價酌中擬定應准照行除咨請山東省長通令沿綫地方官廳頒行布告外仰即遵照併抄規則及地價表等因奉此遵將規則印訂分送各縣公署查照布告計平度招遠各二十

本縣縣官邑掖縣黃縣蓬萊福山每縣四十本均經各該縣照收福山境內遠墳延至六月間經該縣肅知事曉諭各村莊迅速改遷如查明實係無力之戶仰由該莊長暫行墊給徵資勿任藉口一俟墳價給發時即可立時扣還事關要政務須勉爲其難勿得少有存諉却等語惟地價現已發畢者濰縣昌邑平度等三縣掖縣招遠黃縣現始準備尙未給發實由於遠墳丈畝甫經事畢造冊填契抄寫印刷種種手續極爲繁瑣並非專辦一鄉一邑之事計烟台境內共遷墳四百五十五座土磚石各井共五十六眼大小七百草瓦等房共一百九十八間均各發給執照靜候發價其古用貧戶各房屋已均酌量先行發給價費以體恤惟牟姓之西式新樓房二十間馮姓之西式新瓦房十間量地員以其在園購地內且附有別商價買外除均並無異詞妥穩經過亦並未據鄉民赴告及縣公署移知至自縊身死之葉緒光姜張氏因何而死是否索運路事未據縣署移知無從具復

一原呈謂車站佔用土地之多顯係殃民以營利也謂路工處先爲不確定之估有以便有納賄者即隨而縮小至風潮大作樂得以賤價收用實價賣出等語查烟站爲全路起點以華洋雜處之區豈惟視瞻所繫規模不容太狹將來建築貨倉料廠鐵廠汽車房路工總處辦公室員司住室等項在在均須稍示寬籌況該站地勢北低南高即填平取土亦一大宗此時若不預籌他日追悔何及此舉實有鑑於津浦京奉等路營業時期積充之困難稍加寬備目前視之似覺稍多轉瞬工畢一加而至營業發展恐又有以局度褊狹見責者矣原呈謂以賤價收用實價賣出云云未免一孔之夫少見多怪綜上各端該莊民等局外論事以訛傳訛固知當事艱難若或一時受人之挑撥勢成騎虎亦在所難免擬請鈞部將辦中困難情形咨請山東省長轉飭該管地方官設法開導無任阻礙路政謹此呈復伏乞鈞部鑒核

交通部指令

令煙路雜工處處長趙德三

案據該處十一月七日呈復福山縣通仲莊莊長姜雲洲等呈控各節列舉理由並辦事困難情形請咨山東省長轉飭該管地方官設法開導等情經據咨行茲准山東省長咨復內開准咨以福山縣人姜雲洲等控煙南路工違章殃民一案請飭地方官切實開導毋任阻礙路政俾得早覩厥成等因除訓令膠東道尹轉飭遊辦外相應咨復查照等因到部合即令仰該處知照此令 十

年十二月二十四日

龍口興築公司來函

敬啟者敝公司以車站地點爲水陸交通之樞紐於埠前途關繫甚大貴處並無具體辦法不無懷疑經分電貴處及北京交通部由東省長公署請示旋奉省公署成電內開代電敬悉已電交通部查核電飭烟濰路工處查照辦理得復再達後復奉訓令內開准交通部電開成電悉龍口設站地點前准興築公司電請移近新埠當經電飭烟濰路工處切實查核據復稱現在龍口設站地點根據輿論在新舊街市適中之區不能偏重一隅致他方面或生不便且商埠既有碼頭汽車可以駛往碼頭以就客貨毫無困難所稱各節尙屬實在情形茲准前因相應電復等因准此合行令仰該公司知照此令同年一月十一日復准貴處長庚日電同前因五月二十八日復准商埠局送貴處所繪路線經過商埠簡明圖一紙各等因綜覽各文電是龍口車站設於商埠界橋之東北地勢適中不偏不倚新舊兩鎮咸無不宜令人疑慮之心領形水榭而於省長及交通部之熱心埠務均於言外見之當時歡頌之聲不絕於耳近聞貴處長有擬於舊鎮之南端改建車站情事謠說紛來駭人聽聞如果屬實似不免偏南而忽北則敝公司數年來之經營已費數十萬元之資金豈不盡成虛擲不第於開闢商埠背道而馳即核諸貴處庚日代電又相抵觸爲此函詢是否改站抑係備車版之需希即查明見復俾釋疑團 十年十二月二十四日

復龍口興築公司函

逕啟者敝處長日前稍假到處檢閱公牘准貴公司上年十二月二十四日第九五號公函內開以路工處有擬於舊鎮之南端改建車站情事查明見復等因准此敝處築路修站原爲便利民發達社會爲主是以就輿論斟酌核定呈部時即以設於新舊街市適中之區以期兼顧並籌今新界尙無人煙交界之區雖設有隙地目前必於人烟稠密處設站者係欲免商民不便之感一俟新界略築發達自應仍照原議於新舊街市之間設置北站茲准前因相應函復即希查照可也 十一年一月十三日

致龍口興築公司函

逕啟者案准第五段工程司呈稱奉鈞令核減本段預算等因奉此當即通盤籌計本段工程大致告竣除裁員減薪及零星小工程停止外擬再將圈購車站地畝酌量核減之處出自鈞裁等情又據第一課轉據地畝員賀贊華呈請等呈稱前奉委評判黃縣地價至龍口有興築公司地畝據該公司聲稱商埠之地具有特別情形欲按照購地規則第三章第九條辦理費華等倉卒未及細思輒按普通地最高級評訂而興築公司意欲按照特別情形辦理且謂所得上園一級之價尚不足補原買之價云云理合將評價實在情形具呈懇請轉呈處長等前來案據前情合將興築公司地畝酌量減退既免公司虧損亦可使五段預算不溢出範圍茲送上更正丈量補灘字一三一九號草票一紙即希查照將前發灘字一四五零號及補灘字一零一六至一零二零號六號草票取消以免貴公司暗受損失

呈交通部文

爲呈復事竊奉鈞部第四八號訓令內開據龍口商埠興築公司總理張錫祺等代電稱云云此令附抄件等因奉此查該公司商埠之地收買時價極低廉路工處評價至龍口時該公司向評價委員要求將該公司之地照特別情形訂價該委員謂雖係商埠實乃荒沙按照上園一級評訂已屬格外從優若照特別情形人民將有藉口該公司猶以爲不足補原買之價等語該委員不敢違背定章從優照上園一級訂訖旋據工段呈覆核減地畝辦法既免該公司虧損並使工段預算不越範圍況龍口附近園地尙多建設廠站餘地儘可敷用因即批准將已函該公司之地酌量退若干畝取銷前發草票另給新票去後適因婦女請假回里銷假後得該公司公函內稱根據諮詢開路工處是否有將車站改設舊街南端之事當復以就與論酌的核定上年呈部時已決定將車站設於新舊街市適中之區所定站基一在舊市之中一在鄰近新埠均置有地段並無改移之說目前必先於人煙稠密之處設站者實欲免商民不便之虞一俟新界略奏發達自應仍照原議於新舊街市之間設置北站等語茲奉訓令理合據實繪圖呈復並將先後復該公司函一併錄呈鈞覽伏乞鈞鑒

呂海寰來函

煙濰路工賑紀略

一三五

宜堂仁兄鄉大人閣下日前台從枉駕適他出未獲承教至爲歉仄頃辱手舉備承一切煙灘路工本爲賑恤而作吾兄憐恤沐雨
盡瘁於斯鄉人方感念不已而將曠語公未知會股東輒以全體名義妄爲發電殊堪詫異吾兄行事昭昭在人耳目成績其在豈
可厚誣是非之處自有公論何足介意吾兄肝胆照人不辭勞怨不避艱鉅夙所欽佩路工之任更非吾兄莫屬都命王某不過專
任營築耳似不相妨今茲功虧一篑尙祈始終其事勿萌退引之心克竟全功不勝幸甚將張諸公弟已去函詰問矣並以附聞

煙灘路工賑紀略卷八

工程

本路經過地勢以填掘而論填高之處較多於挖深以土質論灘縣至昌邑純土帶沙性昌邑至新河經過鄆土地勢窪下土帶膠泥雨時行車甚爲困難新河至沙河迤東土質帶沙路工修養最易沙河迤東至黃山館多係山陵土質腴瘠參半其中以平里店至朱橋一帶土質尙佳以東經樂家口至蓬萊山路崎嶇深溝高陵起伏無定沿海岸半山而開關山路多係石工工程以此段爲最難蓬萊至烟台山嶺深溝處處皆是將近烟台開山工程亦頗形困難

土堤工程係用以工代賑法修築惟遇開石工程因災民素無此項經驗故招標由包工承辦路堤之寬度三軌馬路其寬度爲九公尺兩軌路爲六公尺本路堤頂寬度定爲六公尺爲覆瓦式由穹背向兩側之斜坡度爲一與二十五之比例土堤兩旁斜坡爲一與一五之比例堤坡根留一公尺寬之便道外即土坑坑內坡度亦爲一與一五之比例其深淺寬狹視填土之多寬爲準則取土坑外尙留三公分餘地其外即界線也

橋洞各建築分木架橋拱橋漫水橋涵洞鐵管等類木架橋空間有四公尺五公尺十公尺十五公尺四項其設計法定爲(甲)(乙)(丙)三種(甲)橋墩橋樑樑樑純用美松(乙)兩岸橋墩用石工中間則用木樁上架木樑(丙)橋墩橋樑悉用石工上架木樑拱橋空間有三公尺四公尺五公尺三項其建築法亦分(甲)(乙)(丙)三種(甲)純用磚料(乙)純用石料(丙)

以磚作拱橋身則用石料應用磚石等料亦均就地採購大率近山者用石離山遠者用磚漫水橋以鐵筋混凝土成之多用於河身鋪路之中間有水之處其高度恒較大水水平爲低使其易於漫過因膠東一帶多係山水來去迅速故用是法期於費省而工速涵洞以石爲堦上覆以鐵筋混凝土板因石板採購較難價亦昂貴故不用也

橋梁載重除橋梁自身重量等按照所用材料之重而估計外其活載重於計畫五公尺以下之橋梁時假定七噸半一輛之標準貨車前後輪軸相距十英尺同軸上兩輪相距六英尺前輪載重二噸半後輪五噸外加衝力爲活載重之百分之五十計畫十公尺及十五公尺木架橋時假定每一英尺長之構架橋計受活載重一千五百磅橋面可行十噸一輛之貨車蓋十公尺及十五公尺之橋梁較大將來全路改良載重量如擬增加時改造較難需費亦大不如豫爲之備故於計畫時採取較大之活載重因此多費材料亦頗有限

凡十公尺及十五公尺木架橋其橋面之寬均定爲四公尺其餘橋梁涵洞其頂面有寬四公尺六公尺不等惟每公里路線之內不得有四公尺寬之橋二座以免有礙行車四公尺橋之兩傍設有欄杆六公尺之橋則否

路線經過之地往往舊有大道較平地低窪而大道即係洩水通渠架橋於上高寬必須相當俾便車輛通行於下故此項橋洞之至小限定爲高二公尺二公尺寬三公尺

黃縣至煙台濱海一帶山路崎嶇運輸不便以亞角淨鐵管代磚石之用爲其輕便易於輸送

也。此項鐵管產自美國質地堅實耐久不鏽其他各路亦喜用之。

原擬各大站均修築車站房屋因部款不濟悉行停止僅於濰黃間每六公里修築道房一所以為修繕路工工人居住其鄰近城鎮較近之處亦多作售票室之用。

土工由濰縣向東節節遞進橋梁各工亦隨之而前九年十一月先由濰昌兩縣開工迨十年三月辦事處遷至龍口後土工已至煙台遂計畫全路開工路線棉長六百餘里如照鐵路工程辦法應畫分為十四分段經極力縮減全路共分八段每段約七十餘里均直轄於處長計副工程司五人幫工程司三人工務員八人練習生五人繪圖簿記材料收發等人員平均每段二人工段漸次告竣在工員司亦逐漸裁減。

按照原來計畫全路土工擬於十年四月間告竣後工人因舊曆年關贍家費為財政廳耽誤未能如期收到致生種種疑慮無形中人心渙散三月間工人工作驟見停滯及解釋明白收到贍家款項已耽誤兩三月之久延至七八月間始能大致告竣此土工遲緩之大概情形也橋梁涵洞各項工程擬於十年冬一律告竣嗣因部款支絀未能源源接濟拖欠工款至十數萬之鉅包工者拖累不堪工人多有散至村市乞討者其困苦概可想見是年冬僅將濰黃間四百里工程趕修完竣黃縣至煙台段內二百里橋洞各工僅餘百分之四十未經告竣當因拖欠工人工資過鉅工程幾乎中止經竭力籌維蹉跎經年輾轉至十一年冬始行修竣十二年一月本路遂完全通車矣。

橋梁涵洞表

橋別	座數	橋孔淨數以公尺計	記	要
大橋	一八	一〇九一	橋孔淨數在二十公尺以上者爲之大橋	
小橋	一六三	八四三	橋孔淨數在二公尺以上者爲之小橋	
水溝	二二五	二九七	二公尺及二公尺以下者爲之水溝	
鐵管	一〇六	一〇〇		
漫水橋	三〇	三三九	凡河冬令有水之處用鐵筋混凝土橋無水之處鋪以石	
總計	五四二	二六七〇	路計長三八四五公尺	

附注

全路橋梁涵洞各工除昌邑縣境之濰河及福山縣境之夾河夏令暫用船渡冬令則用浮橋外其餘均已竣工

橋梁之建築方法 呈文一件

呈交通部文

爲繪送路線橋梁各圖表呈請鑒核事竊查濰縣到昌邑二十八公里測勘平面圖業於上年十一月間呈送在案嗣因工棚分紮地段展長測勘進行雖以少緩故未能將平面圖繼續繪印茲將自二十八公里起至九十四公里止平面圖繪就呈送查此段路程內經過川河甚多共計大小十四道其間以昌邑縣東之濰河爲最大伏雨盛時水勢泛漲往往溢出堤岸前經派員探試河底挖至三四公尺之深仍是細沙因無鑽機無法再向深處探試沙既如此之深建築木橋實不相宜擬即仍用船渡浮橋辦法以資樽節從前商辦煙濬路測定過河地點係在昌邑城北該處兩岸之外地勢低窪淤沙最深土方勢須加高而河堤高度亦大宜於

建築鐵路若設浮渡殊不相宜此次路線既由城南繞土山以就高地土工既少敷設浮渡甚易寔爲一舉兩得各河應建之木橋現已設計其已成者濰縣之圩河木橋一座計寬四公尺長四十八公尺橋之兩端砌以磚墀以防沖刷共計十二孔每四公尺置一木架其高不逾三公尺者四柱打入地中高在三公尺以上者其下另置四木椿詳細做法如圩河橋磚塚圖及木架橋梁標準圖又築成圩河頭拱橋一座純以磚砌因附近石料缺少用磚較廉橋面計寬四公尺橋孔寬高三公尺圓洞頂點距地面點高亦三公尺此橋跨圩河頭莊之大道往來車輛頗多故應鄉民之請橋洞較標準圖略爲加高他處拱橋之做法皆如拱橋標準圖以上兩種標準圖德三年前至京業與沈技監接洽討論妥定至路線剖面圖一項因繪圖員司甚少目前工段需用之圖不能俾待俟稍暇卽當繪呈所有繪送路線平面及橋樑標準各圖並河道寬度表各緣山理合呈報察核



烟濰路工賑紀略卷九

材料

全路應用材料除磚石灰沙就地採購大宗者如美國松木因橋梁需用過五丈以上之巨料國內洋商均難供給故遵照部定用無限制招標辦法四月間在龍口開標七月一日運至龍口共約百萬木尺以上在三閱月內未逾預定期限即行運到可謂迅速其價亦較在國內購買爲廉水凝土(即洋灰)當時預計約五千餘桶無論烟台青島運費在外價均在八元以上經極力核減亦須四千餘桶如不設法所費實屬不貲後經呈請交通部飭令津浦路局向唐山啓新公司代購每桶僅四元二角運至龍口不足五元以洋灰一項而論可省一萬數千元之鉅

亞角淨鐵管只有上海允元公司一家經理無法競買經與該經理一再磋商於兌換上稍覺便宜

橋梁所用鋼鐵配件曾向青島大連天津三處函詢價值以天津爲最廉共計三百餘噸亦僅三閱月做齊交貨運至龍口其他各項零星材料如安東松螺絲圓鐵等件亦均由各方詢明價值擇最低廉者購置

橋梁涵洞各工所需磚石灰沙等料雖係就地採購無如沿綫八縣交通不便運費極昂各項

材料異常昂貴磚每千約二十六元在濟南天津不過六七元最奇者石料在黃縣境內須用秤購每斤制錢一文合成方數價在十元以上其他如繩索葦席筐槓等物無一不較濟南貴至一倍以上所以致貴之由其原因有二一因是年爲庚申俗呼之爲建築年饒餘之家多起造房屋以致各物昂貴一由於烟灘路倉卒開工需料驟增互相競買遂致居奇

龍口雖名爲商埠但因船隻不能靠近碼頭故裝卸極其不便卸船分送各段工地尤形困難且開工正值農忙旱運不僅價昂車輛亦無處尋覓不得已而利用海道僱用帆船裝至沿海口岸如虎頭崖石虎嘴樂家口劉家旺等處卸船後再用旱腳運至工作地點價雖較廉然因風浪阻滯致生種種危險各段員司勞頓情形即此可見一斑其最難者運送五丈餘長大木至石虎嘴新河等處因船身過短不能裝載如此長料不得已編成木筏順海岸用人力拖牽多方撐撥往往爲風浪衝散嘗至月餘無處尋覓者其運至新河之木料雖有延六閱月始行運到但未遺失亦云幸矣所有材料除灰石磚沙因係就地採購無關重要外一切大宗材料均於九月底天津封河以前運竣前後不足六閱月悉行備齊可謂速矣

材料之管理 管理材料規則五項

管理材料規則

一 權限

總材料廠及分廠同隸於第二課總材料廠設材料員一人承主任之命掌管收發材料帳項等事分段設材料員一人承分段

工程司之命掌管材料帳項等事分段材料員得由司帳員兼任之

工段需用材料種類數目均由工程司開具詳細預算直接開送第二課彙呈處長核准採辦惟工程司自辦者如其料不能指定爲某項工程之用應作材料入帳並將支款憑單抄知總材料廠入帳

二收款及付款手續

凡第二課經購材料所定之契約須抄知材料員以憑驗收材料應填第五種支款憑單連同發票並附抄契約交第三課核呈簽付

凡分工程司經處長允准得直接向材料廠領用物料爲省手續省運費起見除急用仍得隨時具領外其工程用料可預算者應於每月一日十五日兩次具領領時應將數目物品及用途填具領用物料單正副各一紙此單每張各自一號不可承上接下填好寄交材料廠填入價值送交領料工段正張由分段工程司簽收受發料廠副張存領料工段爲作帳根據

三作帳手續

甲 總材料帳

材料廠設材料收發總簿凡收入材料無論何處經手購買均須按照支款憑單或領用物料單詳細列入凡發出材料無論係用於工程或發於他段均須接材料報銷單列支

乙 分類帳

每一種材料各目爲目由材料總帳過於收入欄內月底按材料報銷等單彙總過於發出欄內

丙 輔助帳

登記由總廠發與分廠之材料並分廠自買之材料及每月用出之材料

丁 材料報銷

凡已實用之材料由分段工程可用藍色材料報銷單記某工段用某料若干按照資本支出分類則例分類報銷每月底分廠用材料月報單及材料分類結餘表報總廠由總廠彙報第三課一次月報單內借方列本月收入材料凡為材料支用之款須列入貸方即將藍單數目按號列入其結餘即為各廠存料價值

四工程廢料處理法

凡某項工程竣工廢有材料時應由工程司按下列三法酌量處理

一 變賣 二 轉運用於他項工程 三 退回材料廠

凡用第一方法處理時應將所得現價由廢料工程項下轉入現金帳內

凡用第二三兩方法處理時應估價由廢料工程項下轉入現金帳內

凡用第二三兩方法應估價由廢料工程轉入用材料工程或材料帳項下均須用二十種格式材料折舊轉報報告

五處理運費

凡材料未發之前所有一切運費保險等費均應加入材料價目按百分法攤配凡由此廠運至彼廠者亦應由收料之廠將運費加入材料價目之內凡以運費須憑領料段之收料證具向發料段具領

凡由分廠運至工程地點之材料其運費應直接記入所屬工程項下

凡廢餘材料之轉用於他項工程者應記入用料工程項下

凡廢餘材料之退回材料廠者其運費應記入廢料工程項下

器械之借用

呈文一件 來函二件 函一件

呈交通次長文

為准予借用儀器以便即行着手測量而資樽節事竊總三自奉部令後遵將應行預為籌備各事呈部在案此項工程係以工代

賬性質未便久延所調部局各員於本月五日均在濟南會齊惟測量所須儀器甚形缺乏本段所存者多不適用如悉行購置深恐緩不濟急擬請由浦信路暫借經緯儀器三架水準儀器四架以便即行着手測量而免就延時日是否有當敬請鑒核
徐次長來電

胡正工程司轉烟海路工處趙處長謙呈請借用浦信路經緯儀器三架水準儀器四架已電飭烏衣材料處留材料員檢齊開單派人往取並具簽字收據交由糧材料員報查爲要
致津浦鐵路管理局函

敬肅者烟海路工業於上月下旬開始工作測勘隊已過掖縣所屬之沙河地方經過河道現正派員挖驗河底土質以便建築橋梁但有多處非人力所能挖掘必須用機械始能發驗津浦北段曾有鑽驗河底機器一架數年前經京漢路局借去如已交還即懇賜借一用倘仍在京漢未還則商段尚有一架請飭總工程司暫行借用又各處橋梁現均擬着手設計惟打樁各機一時難以自行購置查北段向有孔力打樁機擬借用一具良王莊有人力打樁機擬借用兩具以上三種機器值甚冬令正鐵路不需之時如蒙允借當由敝處派員前往領運來工俾於限內趕辦以免貽誤謹此函懇伏乞核准並分行津浦總工程司查照轉飭接洽仍請賜復以便祇遵

津浦鐵路局來電

烟海路工處趙處長商電均悉京漢所借鑽地機一具現已交還應即撥借應用除電知胡工程司外希即派員接洽提運

材料之標購

呈文四件 交通部咨令三件 函三件 投標格式 投標簡章 來電一件

呈交通部文

爲購置橋梁應用木料呈請派員暨視開礮車窺烟海全路路線計長二百八十餘公里經過大小河道數十除沙河界河沙河等河身沙面過寬水底泥質太深造橋費太鉅改用浮橋渡船外其餘各橋均用木質建築惟內地木料缺乏且不合於橋柱之用茲

煙海路工賑紀略

一四七

擬招標購買美國松木按全路橋梁長度約共九十九萬八千公尺計算需用數目已於本月三日列舉分函青島祥泰三井天津祥泰怡和多倫等行開送價目備具標函封寄龍口於四月二十日當衆開函擇定購用理合附抄標函格式呈請鈞部派員於開標期前到龍口時蒞場監視以昭鄭重伏乞 賜賜電示

致投標木商函

逕啟者今隨信寄上本處訂購美松簡章及投標格式各一紙祈即注意投標函件須用火漆固封註明山東龍口煙灘路工處處長收啟並須於民國十年四月二十號前寄到以便價格取定與否本處自有權衡投標者不得妄加議論

投標格式

注意 投標價格須按照本處簡章第六款即包括一切使費而計算之方為合格

第一款 約計量數

- | | | | |
|-----|-----------|----------------|-----------|
| 第一條 | 一二寸×一二寸木料 | 長不及逾四千尺短不逾二十五尺 | 二五〇、〇〇〇美尺 |
| 第二條 | 一八寸×一八寸木料 | 同 | 一五〇、〇〇〇美尺 |
| 第三條 | 九寸×一八寸木料 | 同 | 二八、〇〇〇美尺 |
| 第四條 | 三寸×一二寸木料 | 同 | 二四〇、〇〇〇美尺 |
| 第五條 | 四寸×一六寸木料 | 同 | 三三〇、〇〇〇美尺 |

總計九九八、〇〇〇

上列之量數係約略核算每條之準長及每長之準數當於三十天貨未交龍口以前通知獲准之投標商人(後簡稱包商)但在未通知包商以前本處於每條之量數有加減之權

第二款 訂購之木料務須由活樹伐下之直幹並照現定尺寸鋸截不得小於每一寸之四分之一木式須方木紋須整木質須

堅凡有木節一切有礙木質健全之木料本處不收

第三款 交貨期限 訂購之木料可分二期交至龍口第一期不得逾過西曆一千九百二十一年六月一日第二期同年之七月一日以前交貨之準表可協同包商另行規定

月一日以前交貨之準表可協同包商另行規定

第四款 逾期預告 包商每次發貨時須於貨未到龍口之前五日內函告本處並將船名及所裝之準數及船到龍口之日期

一并函告

第五款 每次木料到龍口時本處處長當派檢查員一員或數員前往驗收包商亦須有代表人在場查點一切設經本處檢查

員驗出木料有不符合之處當即退回包商必須另換好料不得留難多事推諉凡未經檢查員蓋印之木料本處一概不收所有檢驗費檢驗場等費歸包商擔任退回之木料及一切之使費亦須包商擔負於本處無干

第六款 保證金 經本處允准之包商須於五日內繕定履行合同條文送交本處並繳存總值百分之五之現金為押款以昭

信用

第七款 價額 須照煙台通用之銀元核算並須包括水利碼頭捐進口稅內地稅及各種稅金保險費扛接一切使費

第八款 罰款 設交貨逾過定期一日者每日每千木尺罰銀十元此款或由押款或由其他存款項下扣除

第九款 付款 每次木料驗妥收後包商可於二十天內附呈發票三張及本處之收據方可領出款項

第十款 公判 設雙方因木料起爭端時可各請一公判人評議其事設此二人各不相下可再請一公判人以評議之無論如何雙方均應依此公斷人之判斷為標準談判即由此而止

何雙方均應依此公斷人之判斷為標準談判即由此而止

交通部來電

呈悉膠濟橋樑應用木料於四月二十日當蒙開標本部派津浦路葛工程司陳之遠前往監視除委任外仰即知照

呈交通部文

煙台路工賑紀略

呈爲報告購買橋梁應用木料開標情形事竊四月十五日奉鈞部電開該路在龍口標購橋梁應用木料於四月二十日當衆開標本部派津浦幫工程司陳之達前往監視除委任外仰卽知照等因奉此嗣陳監視員因船誤期改自濰縣陸行來龍經於二十日電呈將開標時期展至二十六日在案茲於二十六日上午十時陳監視員會同德三拆視郵遞標函三件計天津祥泰洋行青島祥泰洋行天津大來洋行三家均未派有代表到龍詳核各函所開價格以青島祥泰洋行爲最低當經會同決定由該行承辦業已電致該行派人到龍商定交貨條件除由陳監視員之達另函呈報外理合照錄各行原開價單呈明鈞部伏乞鑒核

交通部指令

四月二十七日呈覽清單均悉據稱該路在龍口標購橋梁應用木料於二十六日會同陳監視員拆視標函各函所開價格以青島祥泰洋行爲最低等情應卽准由該行承辦仍仰與該行商訂合同呈部備案此令

呈交通部文

呈爲青島祥泰洋行承辦橋梁木料謹將函約錄呈鈞鑒事竊前呈標購橋梁木料會同陳監視員拆視標函決定由青島祥泰洋行承辦一案奉鈞部第一四六九號指令將與該行商訂合同呈部備案等因奉此當由該行經理人來龍當面商訂交貨期限並請詳加研究橋工應用各木料內有尺度稍小者當時本擬於運到後隨時築載應用但細核此項工價耗費頗多因與該行續商酌改尺度較小各料若干雖價格較廉函所開大料稍增然節省工甚多比較尙爲合宜雙方認可後於五月五日卽由該行備函送處證明在案茲奉令飭謹將原函抄錄華洋文各一分呈送鈞部備案

交通部指令

呈覽附件均悉該處向青島祥泰洋行訂購橋梁木料准予備案此令

第六分段來呈

爲呈請事竊本段需用石灰約二百萬斤由包張萬清在蔚陽山立密承攬業經呈報在案旋由包工張萬清面稱廠雖租除蓬

境蔚陽山而外無復可有立窰之處惟因該處地畝堅不出租懇請自行出款由本路代爲購地或由路局轉咨該地方官出發佈告等語查蔚陽山原有灰窰數座該窰主前以鉅價購斷此灰未肯准予包攬茲據張萬清請由本路代購窰廠或由該管地方官出發佈告各等情是否與路章有礙理合呈請鑒核示遵

致第六分段函

逕啟者來函已悉租地設窰事茲辦公函一件仰希執事持函與唐知事接洽催其速辦

附致蓬萊縣公署函

逕啟者據做路第六分段副工程司函稱本段需用石灰約二百萬斤現已由張萬清承攬在蔚陽山立窰惟擬將蔚陽山地畝均未肯出租除此山外又無可立窰之處請轉縣公署出示佈告等情請示前來查蔚陽山原有灰窰數座該窰主等前以鉅價購斷故未准予包攬茲包灰人張萬清在該處設窰本地人民及該窰戶不免生忌地畝難租必係有人從中阻撓相應函請貴公署查照設法開導該處人民俾包灰人得以租地設窰供給路用以免貽誤工程至禱公誼

呈交通部文

爲訂購涵洞需用淨鐵線管呈請鑒核事竊查煙溝全線共長二百八十五公里有奇函公尺以下之涵洞數日共約三百八十三餘座如用磚石灰等料在出產近便之地價格較輕他處昂貴轉運不至爲難其重製磚製灰產石之地甚遠而車脚又不易招雇之處設備既受種種困難工程遂不免因之遲滯非速設法變通難期進行無阻近查美國金山綫鐵管公司所製亞角淨鐵線管最適於鐵路馬路水利墾務各項工程之用其抵重力抵震力漲縮力彈性力禦水力均有特優之點而裝接簡便轉運輕便尤爲省費省時至於鐵料之堅淨製造之精美永無銹爛之虞非他種鐵料所能及亦久爲工程家冶金家化學家所稱許用時祇將地基稍實即可裝置填土使捷異常與中國總經理處上海尤元實業公司磋商價格據該公司經理人聲稱價格均照美金訂定在上海交貨頗難減少嗣經商議至再始允改在煙台或龍口交貨並與定明付款時美金價額按照本年六月二十日上海

匯紐約三個月期之美金行情規定每美金一元合上海通用銀元一元九角四分屆時即以此價爲準核計較以前金價尙屬合宜按照上項價格比較用路綫附近之磚石灰砂等料築造較爲有減遂於六月二十一日與該公司經理人在龍口簽立定單僅統計此項淨鐵管價值共約需銀元二萬七千五百元按照所定期限須於交貨後十四日內在 上海交付擬請鈞部於七月中旬將前項現銀預先撥存 上海交通銀行以便期內貨到即可隨時撥付所有訂購鐵管商訂價值及預備撥款各情形理應鈔錄定單呈明鈞部伏乞鑒核處行

交通部指令

據六月二十四日呈鑒定單均悉該路需用淨鐵綹紋管已向美國金山綹紋管公司訂購應准備案所需價銀二萬七千五百元除屆時撥存 交通銀行聽候該路撥用外仰即知照此令

材料運輸免稅之辦法

交通部令四件 電二件 來函二件 函六件 稅務處咨交通部文一件
財政部咨交通部文一件

交通部訓令

前據呈請分咨將各種需用物料器具硝磺火藥等項免稅放行等情當經分行去後茲准稅務處咨開查官用物料前於民國三年一月間經國務會議議決洋貨徵稅土貨免徵歷經照辦在案煙灘路如係官辦則所需物料器具等項自可撥案辦理若係商辦則無論購運洋貨土貨均應照徵稅銀又該路工處購運物料器具數量若干經過何關應先期呈由貴部轉咨本處飭關分別辦理驗憑該路工處護照放行惟硝磺火藥係屬違禁物品應由該路工處於購運時聲明數目用途呈請貴部咨行陸軍部核准發給護照轉咨本處以放請查照等因除將該路係屬官辦查復稅務處外仰即遵照此令 九年十月十三日

上交通部電

交通部總次長鈞鑒路工處需用工程器具材料現經在天津等處採購急待裝運應否按照慈善事業免收運費謹請鈞核如蒙照准並懇電知津浦管理局以便起運 九年十月十三日

交通部來電

濟南站轉煙鐵路工處徐電悉需用工程材料由津運濟除仍津浦按照賬務處四折收費並暫記帳外仰即查照
九年十月十八日

交通部訓令

前據呈請轉咨山東省長轉飭將該路需用物料經過關卡准免稅釐等情已由本部轉行去後茲准復稱已飭財政廳分別咨行查照辦理等情仰即知照此令
九年十月二十日

致山東貨捐局函

逕啟者本路工程需用物料請免稅釐一案業經呈奉交通部指令內開前據呈請轉咨山東省長轉飭將該路需用物料經過關卡准免稅釐等情已由本部轉行去後茲准復稱已飭財政廳分別咨行查照辦理等因仰即知照此令等因在案茲由本處刊就護照相應檢送樣張一紙函請貴局查照轉飭各局卡遵照可也
九年十一月五日

呈交通部文

為海運工用器具呈請轉咨免稅事竊上年購備土工應用器具均在濰縣存儲前月因工棚移至黃縣境內道遠難於領運而陸地車運腳價太昂乃用車運至昌邑縣下營口地方改裝帆船由海道載至龍口起卸惟下營口龍口兩處應免納出入口稅款當時因開單呈請轉咨需時業經商請暫行記帳俟呈奉鈞部轉咨後再行豁免在案茲開具工用器具原購價值及數目清單呈請鈞部分咨財政部稅務處查照上年十月鈞部咨明成案轉令昌邑縣下營口及龍口兩處常關海關將所有單開各件之正稅船料賬捐三項一律免徵稅銀伏乞鑒核施行
十年四月二十日

致東海關監督
下營口海關分關長函

逕啟者敝處運載材料器具上年曾經呈報交通部咨明財政部照准免徵出入口稅在案前次敝處由昌邑縣下營口裝運工用

器具自海道至龍口業經開單呈請交通部咨部處分行免稅並函請龍口關暫行記帳俟部處公文到日照案免徵去後茲據下營口代為裝船之泰興隆號函稱下營口查照價值稅銀等因前來除函請該關暫行查照轉飭該關暫行免稅外相應函請貴部查照轉飭該關暫行免稅等因到日即行免稅至部公證

處咨交通部文

稅務處為咨復事准咨稱前據煙濰路工處長趙德三呈稱該路土工應用器具由昌邑縣下營口地方裝運經海道至龍口起卸業已照抄清單咨請轉飭下營口及龍口常關海關將稅款一律豁免在案茲復據該處長電稱現購洋灰三千桶分三次裝運每次連一千桶請咨財政部稅務處發由天津至龍口免稅護照三張並飭天津龍口兩關遵照等語咨請查照官用物料成案填發由天津至龍口免稅護照三張過海以便轉發該路起運並請飭天津龍口兩關查照放行等因前來查煙濰路工處現購洋灰三千桶分三次裝運每次連一千桶由天津運至龍口既經貴部咨請飭放應由津海東海等關於分次報運時驗明數目相符分別洋土貨免徵放行並由津海關監督發給護照三張以便分三次報運除分令遵辦外相應咨復貴部查照

財政部咨交通部文

財政部為咨復事准貴部咨開煙濰路工處處長趙德三呈稱以路工應用器具由昌邑縣下營口地方改裝帆船由海道載至龍口起卸應免納出入口稅款呈請咨等情相應照抄清單咨請查照官用物料成案轉飭昌邑縣下營口及龍口兩處常關海關將所有單開各件之正稅船料限捐三項一律免徵稅銀並希見復附抄件等因准此查單開各件係屬官用土貨所有徵稅限捐兩項自應按照成案一律免徵惟船料一項出自船主各關對於免稅貨物向不免徵船料此次煙濰路工處裝用帆船貨物應仍仿照船料以符成案准咨前因除咨稅務處並分令東海津海兩關監督遵照外相應咨復貴部查照

交通部指令

令煙濰路工處處長趙德三

據四月二十日呈覽清單並三十日電均悉所請咨財政部稅務處轉令昌邑縣下營口及龍口兩處常關海關將海運工用器

具一律免稅銀並發山天津至龍口分運洋灰三千桶免稅護照三張各等語已據情先後分別咨行去後茲准咨復到部合將原咨抄發該路仰即查照辦理此令 十年二月二日

致津海關監督公署函

逕啟者敝路橋工需用洋灰三千桶由天津分三次裝船運至龍口每次一千桶當經呈請交通部咨

財政部稅務處

發給免稅護照三

張俾便起運現奉交通部指令開業准稅務處咨復照辦已令由貴關發給護照以便分次報運等因奉此茲派趙委員德尙赴津起運洋灰並請領前項護照三張相應函達仰祈貴監督查照迅賜發給至緝公道 十年六月二日

致東海關監督函

逕啟者敝處前山昌邑縣下營口用船裝運工用器具至龍口所有應征稅銀等項業經函請貴

監督

查照暫行記帳並請交通部

分咨

財政部稅務處

照案免稅在案茲奉交通部指令內開現准財政部咨復所有正稅販捐兩項均按照成案一律免征（惟船料一項仍應照納）等因奉此相應鈔錄兩次山下營口裝運工用器具清單兩請貴

監督查照

轉飭下營口分關遵照辦理

並希將船料銀數開單具報以便核還

十年六月二日

交通部指令

令煙港路工處處長趙德三

前據三十號電請轉咨財政部稅務處發給由天津至龍口裝運洋灰三千桶免稅護照並飭天津龍口兩關遵照等情當經咨行財政部去後茲准復開煙港路工處轉運洋灰三千桶應准與官用土貨一律免稅除函達稅務處並令津海東海等關外相應照

填護照三張兩請查收轉發等因前來合將此項護照隨令發交該處仰即遵照領運此令 十年六月八日

交通部指令

令煙港路工處處長趙德三

據六月二十一日呈悉該路在天津華商製鐵廠定製橋工需用抽水機及螺絲釘請咨財政部稅務處分飭天津龍口兩關免征進口稅並請財政部發給護照等情業已分別咨行去後茲准稅務處復稱該路需用抽水機及螺絲釘等既係官用土貨自應准

予免稅已分令津海龍口等關於其報運時查驗各色數目與財政部護照相符即予放行又准財政部咨同前因並填發護照入張青送到部令將此項分批護照發交該路仰即遵照運可也此令 十年八月七日

上交交通部

北京交通部總次長鈞鑒茲向安東採辦木料需用免稅護照三張計紅白松六千料一張紅白松二千料四丈杉杆三百根共一張請迅賜分咨稅務處財政部分填護照寄下以便速運 十年八月九日

交通部來電

煙路工處趙處長佳電悉該路在安東採辦紅白松及杉杆請咨財政部分別免稅填發護照等語此項松杉等料是否國貨該料自何處起運由何處入口均未聲叙明晰仰迅詳復 十年八月十二日

致津縣英陽縣公署函

逕啟者敝路蓬萊段內開山石工需用土製炸藥刻擬在貴縣境附近購買一千斤惟照章須持護照以便稽查保護前承黃縣公署發給護照在案茲擬請貴公署援例發給交差攜帶並先期知照駐防軍隊查照以免阻滯 十年九月九日

致東海關監督函

敬啟者頃奉惠函敬悉江電已蒙青鑒並通令各分關關長司巡不得留難易勝感佩至承囑將此項材料運抵何卡如何留難各情詳細開報一節查敝處前連往虎頭崖海廟口蓬萊解宋營八角口等處之美松由龍出口時已按章納出口半稅進口正稅在案又詢據龍口常關之關章洋貨無須重徵除蓬萊解宋營八角口等三分關均照放行無阻外乃虎頭崖海廟口兩分關必使繳納始允放行敝處當因工程緊急只得暫行重納以免遲延計已重納銀一百零三兩五錢三分另有美松一宗該兩分關仍行備納敝處尚未付給查敝處係屬工賑機關主旨必以格外撙節爲要況所運材料又兼屬官有物品茲將虎頭崖關重納務銀數目及美松稅數附開清單可否請貴監督轉飭虎頭崖分關將前項稅銀退還及分飭該兩分關免征之處即希查照見復 十年十

二月十三日

煙港路工賑紀畧

一五七



煙灘路工賑紀略卷十

會計

會計分類之當否與支出極有關係而修築長途汽車路在我國交通方面事屬創舉較鐵路範圍爲狹開辦之始不能不詳審從事以立基礎九年十月擬就會計則例草案呈請部示部令以修築土路資本支出與部頒會計則例大致相同仍照部頒條例辦理惟工賑一項爲部頒條例所無遂另定規則以資稽查而便結束定有工人考勤監工收方工人領糧等表式按旬送處交會計股核算存入工人工作存款簿內始而以爲手續繁瑣深慮不易結束及至完工結算其辦法亦頗有可資取法者焉

會計則例 呈文一件 函一件 交通部指令一件

呈交通部文

爲擬訂會計則例呈請核示事竊以會計分類之當否與支出至有關係而長途汽車路工在交通方面乃爲創舉開辦之始不能不詳審從事以立基礎茲者濰縣境內路綫開工在即帳冊編製實不容緩請先擬具會計則例內分款項目節大致依據鈞部頒訂會計則例而於其中不能與鐵路盡同之處均經加以變通俾與事實無所抵觸現在各縣選送災民一事已與地方官商有大致辦法不久即可陸續運往工地開支一切用款漸多各種帳冊格式亦應預先規定妥協方免臨時複雜無序理合抄錄則例草案呈請鈞部鑒核伏乞先賜電示以便遵辦

致路政司計核科科長函

煙灘路工賑紀略

竹君先生科長台鑒久慕光儀未親教益前者鐵路技術委員會開會德三雖附驥尾無暇傾談此次奉令辦理煙灘路工急於着手進行在京不能留滯會到資料訪謁稽承指示一切適台端公務甚忙因事他出未獲如願深以為恨茲本月五日到濟籌備開工各項手續大致就緒出發在即因思會計事項關係至要入手之始尤須審慎刻已擬就會計則例草案呈請部核惟長途汽車路工在交通方面係屬創舉現經研究其中與鐵路不同之處甚多所擬則例大體依據部頒會計則例而加以變通俾與事實無所抵觸此案呈部後當係資料齊備台端於會計學理研究夙精深敏似此中情形定能洞悉尙祈速為核辦是為至禱因開工期迫各稱帳冊均須預先規定妥協方能有所遵循諸希亮察為幸 九年十月十二日

交通部指令

令煙灘路工處處長趙德三

十月十二日呈覽擬訂會計則例均悉查該處所擬會計則例除機械費維持費兩項分別較為詳明外其餘各項與本部前頒資本支出會計則例大致相同該處修築路基一切記帳辦法自應遵照本部前頒則例辦理毋須另行擬訂致滋分歧茲將該處所擬則例逐條簽註修正連同本部最近修正會計則例彙編一併發交該處仰即遵照辦理此令 九年十月二十四日

資本支出之預算 呈文一件

呈交通部文

為擬具資本支出預算呈請鑒核事竊查本年十月間呈請匯撥工程款會奉鈞部指令飭辦預算呈核等因本擬及早辦理呈送惟其時測勘隊甫經出發關於各路各項工程設備雖已有具體之計畫然前此並無成規一切設計半由理想恐於後來事實未必適合故未敢草率開送自前月德三親至沿線視察後證以測勘隊歷次之報告始能稍有標準但路線實測者止十分之六七自黃驤迤東地多山嶺未測以前仍難確實計算僅能就已測之線比較增加假定其數倘必俟全路測竣方行着手恐延展時日過久在籌備工程款上不無窒礙茲謹就現在已可確定并預計需用之項比較擬訂各數造具資本支出總預算書計總數二百十萬定將有前次在京面呈計畫書內未經預估者為第一款第一項第九目醫藥費二千七百元第十目醫務費三千八百元第三項

第一目用地二十三萬元（前呈計畫書內本擬利用官道每里按十二畝計算嗣因官道亦爲民產須改爲全用民地每里約十六畝有奇故較前次所估增加此數）第八項電話費用四萬二千元第十一項第十三目工廠建築六萬五千元第十二項第二目工程時代營業所用車輛四萬五千元第十五項購置車輛二十萬元共計五十八萬八千五百元就總數內除去此數較前呈之估計數僅差百分之五刻下測勘事務亦正積極進行俟全線測畢當再編擬較精確之預算書續呈至營業收支各預算書現正籌擬惟汽車事業國內無成例可循西北汽車處組織情形不同且經本年之事變原狀未復雖經逐項函詢而答復簡略難作依據是以調查一切至爲困難須俟詳加研究擬訂另案呈核又現用各種帳簿單據格式共三十五種請先附呈所有擬具資本支出總預算書緣由理合呈明伏乞鈞部鑒核

附用款說明

總務費 截止十一年十二月底支出總數計一百四十九萬四千九百餘元負欠地價約四十六萬餘元拖欠工款約十一萬餘元共計約二百零六萬餘元與預算不相上下總務費而下計十九萬六千七百餘元少而視之似嫌稍鉅如除去派發英民糧站薪費醫藥彈壓及因停工待款虛耗實在支出不過十萬零八千餘元僅佔總支出百分之五

籌辦費 係指測勘調查而言計一萬九千三百餘元佔總支出不足百分之一平均每公里約七十餘元

購地 已發價者計一千九百三十三畝除用款十萬零三千一百餘元未發價者約八千五百三十一畝除計洋四十六萬五千三百餘元總計五十六萬八千五百餘元佔總支出百分之二十七平均每公里約用地三十六畝計洋一千九百六十餘元以上已發之數所有遷移房屋墳墓賠償樹木青苗及一切雜費均包括在內

路基築造 計用款三十五萬六千餘元再加拖欠工款五萬餘元總計約四十萬餘元約佔總支出百分之十九平均每公里約用洋一千零三十餘元

橋洞各工 計用款七十二萬四千五百餘元連同拖欠之工價共八十萬餘元約佔總支出百分之三十八橋洞共五百四十

煙港路工賑紀略

一六二

二座橋孔淨數共二千六百七十公尺河鋪路工程共長三千八百四十五公尺併算在內平均每公尺約需洋二百七十餘元
附注 如各站車站車廂及沿路道房種草植樹各項零星工程大致均就經費所能及之範圍盡力設備惟因款絀故道房一項未能按照原定計畫如數造齊

煙灘路工賑紀略卷十一

營業

工程時期之營業自十一年八月開始行車計由西北汽車處撥車三輛自購者二十輛由直魯豫副使撥來者六輛多係舊車不堪久用五閱月內計盈餘七千九百餘元倘資本充足多購車輛慎選管理人員將來業務發達可操左券

營業收支之預算

呈文一件

呈交通部文

爲擬具營業收支預算並試辦工程期內客貨營業呈請鑒核事竊德三於上年十二月間到京面奉鈞示將來煙灘間行車事宜如有商人組織公司亦可准其承辦並奉諭先行擬具營業預算呈核各等因德三當即一面調查復開單逐項函詢西北汽車處俾資參考然答復各項亦甚簡畧且其組織情形不同復經上年之事變原狀尙未回復亦難作爲依據茲謹就烟灘間平日旅客往來及貨物轉輸各情形並參以調查所得草擬營業收支預算書呈送鑒核德三更有陳者自被汰各縣選送工人運齊後土方完全竣工者現計約六十公里工棚分設已過掖縣業經開工而未全竣者計一百十餘公里一月以內天氣如無變動預計舊年年底土工可以修至黃縣所有已完土工段內之木橋涵洞冬令仍不停工擬即在此期間內將濰縣昌邑一段趕速修通俾得運送工員物料以期遶東段內工程之便利工程車通行後營業似亦應同時進行藉裕收入惟前奉准購買汽車二輛一係容坐四人一係載重二噸之平車祇能供工員物料之運送擬先購容坐二三十人客車四輛載重三四噸運貨平車四輛試辦濰昌平接間之客貨營業但濰縣距通商各埠較遠於購買車輛一單調查試驗均極不便擬請鈞部派員訂購運交以期妥協如將來另有商人承辦行車事務時亦可將此項車輛購價由該商認繳再西北汽車處如有新購客貨各車先行撥借數輛亦較便利所有擬

煙灘路工賑紀略

具營業收支預算暨試辦工程期內客貨營業各緣由是否可行理合呈請鈞部鑒核指令施行
營業年度總預算

項 目 名 稱	金額	備 註
甲 營業進款	一、三二四、〇〇〇	
第一款 運輸進款	一、三二四、〇〇〇	
進一至二 旅客業務	一、〇五一、二〇〇	{ 以客十人之快車十輛每公里每人收費三分又客三十人之普通車二十輛每公里每人收費一分五釐按每車每日行三百公里計算因恐有天災事變折減二成
進三 貨運業務	無	{ 以五噸貨車十輛每噸每公里收費六分按每車每日行三百公里計算天災事變折減二成
進四至十一	無	
第二款 航渡處	無	
乙 營業用款	一、〇一、〇〇〇	
用一 總務費	三六、〇〇〇	
用二 車務費	一、〇〇〇	
用三 運務費	七二、八〇〇	油料每公里七分 橡皮輪樁之消耗每公里八分 以上兩項每日共車四十輛全路三百公里全年共計六十五萬七千元司機匠正副六十人日辛一元二角共計二萬六千三百元其他材料費用共計二萬九千五百元
用四 設備品維持費	一四九、四〇〇	修理費每車每日四元全年五萬八千四百元 員司工役辛費全年薪水公費一萬八千元 車輛折舊每日五元全年七萬三千元

用五 工務維持費 九四、〇〇〇 每公里每月約十五元

用六 互用車輛 無

預備金 五、八〇〇

每年淨利 三〇四、〇〇〇 以資本二百十萬元計算每年得息一分六釐四

營業之計畫 來函一件 呈文三件 交通部令三件 函二件

交通部咨東山省長文一件

呈交通部文

呈爲路工告竣有期懇請速定營業計畫仰祈鈞鑒事竊本年五月間呈報路工器具規模懇請早定營業方針以慰地方想望一案奉鈞部第一六三三號指令飭將各工達何程度詳細具報遵於六月十日具文呈復在案溯查本年一月九日電請酌購汽車精進材料並預籌試辦工程期內行車營業復擬具營業收支預算書備文呈明當奉鈞部電開舉辦路基首取工賑主旨兼以發展國內交通其營業之利公諸商民等因又五月間奉路政司長函示以行車營業一事或應由部專辦抑或公諸地方二者之間以何項最爲適宜經即陳明張德三愚見以部辦爲較妥茲者路工正當進行之際海縣至沙河一百八十餘里已經通行如款項可以源源接濟則自沙河至黃縣於一二月內亦可通車地方商民對於烟澁交通想望心亦最親切德三巡視工程往返數次接晤紳商多以行車時期相詢尙未聞有商辦行車之表示蓋因公諸商民一節未奉鈞部明令宣布又路綫長度約六百里行車各費較多募集匪易是以不免尙懷觀望德三愚見以爲鈞部如能酌購車輛似可派員先行試辦營業以資提倡設目前未能籌計及此擬請將公諸商民之意旨咨明山東省長轉飭遵照至應取全路路基及橋梁涵洞道房等項之修養費用遑同工程司監工員役等薪工併計在內每年共約七萬五千元之譜其車輛修理車站車廠等建築之修養各費則應完全由營業部擔任是否有當伏乞鑒核施行 十年十一月十一日

煙濰路工賑紀略

交通部訓令

查煙濰路基本部上年取高賑於工之意旨籌修此路以發展魯省之交通施工之始即以興修鐵路不如通駛汽車輕而易舉路基由本部建築營業之利公諸地方現在該路工程將次完竣而此項營業機關正宜及時組織除咨請山東省長將此主旨宣示當地殷實紳商速爲定計組織外合將咨稿抄發該處仰逸與山東省長商洽一切並將接洽情形覆部爲要此令 十年十月三十一日

附交通部咨山東省長文

交通部爲咨行軍案查本部上年取高賑於工之意籌修煙濰路以發展魯省之交通施工之始即以興修鐵路不如通駛汽車輕而易舉路基橋梁之建築既較簡單故工程可期其速竣車輛機械之設備無需巨款則營業可公諸地方當經秉此主旨將全線路基積樑等築而購車營業則留待地方自行集資組織現據該路處報稱路基工程西段完全告竣東段只餘少數橋梁亦均完成在即而各地士庶亦覆急盼通車是營業機關可以及時組織倘有殷實可靠之公司請願承辦本部自可將此五百餘里已成之路基供其營業本部但須年收費用若干以爲路工修養費用之抵補該路工本利俟將來在公司方面只集少數資金即可望草成局故深信此項主張一經宣示全國商民必羣起請求然本部仍以魯省之交通應與魯省商民以承辦優先之權利爲此咨請貴省長查照宣示當地殷實紳商速爲定計或由地方公同辦理或組織股份公司均可按照長途汽車公司營業規則呈請本部核辦務期早日通車以發展地方之商業所有應行商洽事宜即派該路工處處長趙德三親謁貴省長即希賜與接洽並見覆爲荷

呈交通部文

爲路務營業公諸地方奉令與山東省長接洽情形仰祈鈞鑒事竊十一月十七日在京奉鈞令內開查煙濰路基本部上年取高賑於工之意旨籌修此路以發展魯省之交通施工之始即以興修鐵路不如通駛汽車輕而易舉路基由本部建築營業之利公

該地方現在該路工程將次完竣而此項營業機關正宜及時組織除咨請山東省長將此主旨宣示當地放資紳商選爲定計組
織外合將咨稿抄致該處長仰遵與山東省長商洽一切並將接洽情形覆部爲要此令等因遵於十一月二十三日馳赴濟南面
謁山東省長糊述鈞部以營業之利公諸地方各節當經田兼省長面復云此項事業關係重大約計往返商酌非兩個月不能答
復等語德三旋於是月二十三日回京面陳蒙傳語由路政司王司長轉達德三以路工緊要二十五日啟程回龍理合將接洽情
形先行呈復鈞鑒 十年十一月三十日

呈交通部

爲購買工段及運料應用車輛呈請核准事竊前以濰縣至昌邑段內土方及橋洞等均將竣工擬購車輛運料並試辦營業於一
月九日電呈鈞部當奉電呈內開本部舉辦該線路基首取寓賑於工之主旨兼以發展國內交通其營業之利公諸商民本部但
取修養之費該路各種計畫應悉以此旨爲標準本部附收賑款用途亦皆不能出工賑範圍所請購買運貨汽車應毋庸議等因
奉此仰見鈞部救災利商之至意德三旋於十四日起程東行查勘工段並至黃縣選擇直達蓬萊之路線沿路詳察工段情況並
研究橋洞各工程之設計與夫應用材料之運輸辦法經在各處調查本地騾車運腳價值每噸每公里至少須費二角三分左右
統計全線橋梁皆係木質應用木料數量極多此項運費爲數頗鉅況值春日農忙之際覓雇尤難且恐不免抬價居奇之慮查福
爾德式載重一二噸之平車每輛價約五六千元每噸每公里之費用不過五六分較雇騾車可省至四分之三而捷速則遠過數
倍並可藉以假壓路基使之堅實至工程完竣後營業改歸商辦時可令其承購用以運貨或裝置車輛載客亦能適用除前奉准
購平車一輛外擬請再購四五輛以應工程急需實屬有利無損又全路橋洞各工俟測勘竣事後工程司即須分段專任因時進
行以免延悞惟向來工程司管段不過三四十華里茲因員數減少每工程司須管百餘里往來工次廢時既久而車價復多殊嫌
耗費擬購三四匹馬力之兩輛汽車五六輛價值每輛約七八百元此種車輛將來商辦營業時期養路及車務兩部分亦所必須
以上兩項車輛就目前工程情形言確爲萬不可緩之物理合呈請鈞部鑒核迅賜指令遵行以免延誤實爲公便

濰濟路工賑紀略

一六七

交通部指令

令煙溝路工處長趙德三

呈悉據稱該路應用材料數量極多本地噸車運費較之購用汽車運送昂貴至四分之三擬請再購福爾德式一二噸平車四五輛以應急需尙屬可行查西北汽車處購有費埃脫式一噸半車多輛於該路尙屬合用茲由本部飭該處照撥五輛歸該路購用較爲便捷其福爾德式車輛卽勿庸購用除另行外仰卽與該處接洽辦理仍將辦理情形報部其兩輛汽車應准照購五輛仰並遵照此令 十年二月二十四日

致西北汽車處函

逕啟者敝處呈請購買福爾德式平車運送材料一案奉交通部指令由貴處照撥費埃脫式一噸半車五輛並飭接洽等因奉此前經派劉主任維城面謁貴副處長商洽撥運辦法承示目前車輛均經征庫軍隊借用運送礮粒須俟一個月以後交還時方能照撥等因查敝路土方工程現已告竣者約達三分之二全路橋梁涵洞卽須着手進行運料用車實爲必要特先函達貴處查照俟征庫軍隊交還車輛時先儘敝處撥用倘不能一次撥齊五輛亦祈先撥一二輛應用以免工程延滯並請隨時函示俾便派員接運卽希賜覆

致西北汽車處施處長函

炳之先生台鑒久遠雅教時切馳思近維興居迤吉至以爲頤日前劉主任維城由京旋滬面述撥用汽車一事請承台端指示一切易勝感佩惟購買新車未蒙部長核准不便再行呈請尊處借與征庫軍隊之平車既可於一個月以後交還敝處不妨少待一俟遇有交還無論一輛或二輛卽祈速賜郵示以便先運應用夙承厚愛敬懇鼎力襄助無任企禱 十年三月十日

西北汽車處施處長來函

宜堂先生大鑒正深馳系適奉華函展誦之餘備悉貴處需用汽車仍擬專候敝處車隊回時撥用囑爲郵示等因查此事昨准貴處公函曾將各車一時不能駛回情形專函布復諒邀青察現在庫車日繁卽一二月後能否將車隊收回尙無把握倘非急需屬

時車回自當函告以副尊囑但恐遲久致誤仍請執事自卓裁爲禱

煙濰路工賑紀略

一六九



煙濰路工賑紀略卷十二

調查

商務調查

濰縣 入境貨以洋布洋紗煤油火柴及各種雜貨爲大宗多由青島輸入每年約三四萬噸
出境貨以菸葉花生油豆油猪鬃牛皮各種銅鐵器具爲大宗銷售於鄰近各縣該縣工藝素
著行銷內地者如繡貨毛氈絲織銅器以及民間日用所需無不應有盡有行銷外洋者如仿
古銅器書畫髮網花邊漆器等所惜不知競進未能暢銷近年來英美烟公司南洋兄弟烟草
公司均在該縣設立收製烟草廠每年輸出極大聞有二三百萬元之鉅故該縣鄉民亦較他
縣爲富饒戶口約五十二萬人

昌邑縣 出境貨以繭綢梭布生絲牛皮豆油爲大宗各綢莊錢店銀市均集於城北二十里
之劉墮鎮縣城極形蕭條並無商務可言據聞繭綢產額往昔年約萬餘件每件五十疋年來
因不知改良貨色日低銷路遠遜往年戶口五十餘萬人

平度縣 縣城離路綫過遠進出境貨物悉由膠濟路藍村站轉輸於本路無甚關係從略戶
口約六十三萬人

掖縣 出產以草辮牛皮豆油滑石白粉鹹魚猪鬃爲大宗運銷於青島烟台龍口等處入境

貨以洋紗洋布煤油火柴爲大宗商務均集中於縣西之沙河鎮銀市商務均設於此大宗洋貨均來自青島其由烟台轉運來此者祇海貨糖紙而已商業亦遠不及往昔推原其故因受青島之影響使然沙河鎮向以產草辮著稱殿戰以還銷路較遙

招遠縣 縣城離路綫約六十餘里所屬之巨鎮新城則與路綫相近出產以粉干爲大宗每年由石虎嘴龍口兩處出口銷行於上海廣東等處年約三萬餘包

龍口 當地無出產進口貨以雜糧木料爲大宗各種洋貨次之出口貨以粉干爲大宗其次則黃縣所出之紙張供香而已膠東一帶赴奉苦工多由此處登輪每年約十餘萬人

黃縣 縣境地狹人稠多出外經商昔年爲商貨屯聚之區自膠濟路通車後商務隱爲青島龍口所吸收縣城市面日見蕭索出產以粉干沙粉供香草紙白菜水果爲大宗多由龍口運銷上海及奉天一帶進境貨僅洋貨雜糧及豆餅等而已戶口約三十三萬人

蓬萊縣 縣境羣山環繞地瘠而狹壯年者多出外謀生糧食無多豐年亦虞不足仰給於奉天進口貨除雜糧零星雜貨外直無商務可言戶口約二十三萬人

福山縣 縣城距烟台僅二三十里商務均在商埠昔年全省商業以烟台爲樞紐因受青島影響各種商業頗形蕭瑟獨絲綢髮網類有進步輸出貨以絲綢髮網草辮水果粉干爲大宗獸骨猪鬃藥材次之輸入貨以梭布絲綫火油煤炭麵粉爲大宗沙糖烟捲海干菜肥皂紙張次之往年魯省苦工赴海參崴者多由此處出口近以青島交通便利人多避難就易由此出

口者頓減於昔全縣戶口約十萬人

古物調查

濰縣

遺跡

夏 禹王臺 在城北六十里

麓臺 縣西南二里志稱漢公孫弘讀書處台高二丈餘

後燕 太子慕容若提靖共堂 縣署後

唐 隕國公張亮曬甲樹 賈莊社

宋 太守韓浩論古堂 縣署東名賢祠

祠宇

夏 禹王廟 城北夏禹山上

周 齊太公堂 城東南呂王社

周 齊晏大夫祠 城東北祝公嬰

漢 北海相孔融祠 城內有二

陵墓

魏 徐幹墓 城東周家莊傅家塚

魏 孝子王真墓 縣南三十里

唐 進士柳毅墓 董野寨

宋 宣撫使狄青墓 將軍寨社

金 膠西郡王范成進墓城西北三里

明 北平王常遇春墓城東四十里

金石

周 左司徒鈐 濰邑人陳氏

周 紀侯鐘 濰邑人陳氏

周 毛公鼎 濰邑人陳氏

秦 左將軍田鈞印 濰邑人陳氏

漢 鬲千二字殘石 濰邑人陳氏

漢 軍車門下小吏畫象題字 濰邑人陳氏

晉 別屯司馬印 濰邑人郭

北魏 曹望禧造象記 濰邑人陳氏 正光六年

東魏 馬都愛造象記 濰邑人陳氏 興和二年

東魏 社景暉造象記 濰邑人郭氏 武定三年

北齊 開府參軍崔頤墓誌 濰邑人陳氏 天保四年

北齊 張景暉造象記 濰邑人郭氏 天保五年

北齊 諸維那等三十人造太子象記 濰邑人郭氏 天保五年

北齊 比丘尼靜恭等造盧舍那象記 濰邑人郭氏 天保五年

北齊 比丘明空等造象記 藏邑人郭氏 河清三年

北齊 處士房周隋墓志 藏邑人郭氏 天統元年

北齊 比丘尼靜深造象記 藏邑人郭氏 武平元年

北齊 比丘尼法紉造象記 藏邑人陳氏 武平四年

隋 蕪孝禮墓志 藏邑人郭氏 開皇十五年

隋 張元象造象記 藏邑人郭氏 開皇十六年

隋 青州默曹殘碑 藏邑人郭氏

唐 天寶殘碑 穆村社

唐 至德殘碑 成章社 至德五年

唐 高彥慕志 藏邑人郭氏 貞元二十年

唐 辛仲方墓志 藏邑人郭氏 咸通九年

唐 永平殘碑 城西永平社

唐 東明寺碑 城西永平社

宋 布袋和尚真形石刻 縣署東石佛寺 元祐三年

宋 壽昌令邵冲殘志 元祐八年

宋 徽宗賜辟雍詔碑 學宮內 崇寧元年

宋 泗州軍事判官邵公輔墓志

崇寧四年

宋 孔相祠堂碑 縣署北孔融祠 政和四年

宋 論古堂碑 縣署東名賢祠 政和四年

宋 楊孟社碑 楊孟社 政和五年

金 龍泉院碑 城西平壽社 大定四年

元 玉清宮成吉思皇帝旨碑 城東北玉清宮 太宗七年

元 丹陽真人馬銍歸山操詩刻 城東北玉清宮

元 馬丹陽蒲庭芳詞刻 城東北玉清宮

元 劉長生蓬萊二字石刻 城東北玉清宮

元 玉清宮龜蛇二字石刻 城東北玉清宮

元 長春真人邱處機遺墨石刻 城東北玉清宮

元 重修廟學碑 學宮內 至元二年

元 大德殘碑 格孫社

元 重修東嶽廟碑 縣署東南天齊廟 延祐三年

元 玉清宮詩刻 城東北玉清宮 延祐四年

元 加封孔子制詔碑 學宮內 至治二年

元 膠西郡王范成進墓碑 城西北三里墓前 至元四年

元 重修東嶽行祠記 天齊廟

元 麓臺詩刻 城西南符山麓台

元 玉皇廟碑 文莊社玉皇廟

元 關帝廟威震華夏額 城內關帝廟

元 董氏墓碑 董官莊社

昌邑縣

遺跡

秦 始皇飲馬泉 城東南三十里

漢 都昌侯朱軫闕武場 城東東山回馬坡

漢 太尉楊震四知臺 城內東隅辭金台

祠宇

周 光賢閣子祠 城西十里三賢埠

周 孫子祠 城西北三十里瓦城社

漢 大尉楊震廟 南門外四知廟

順德夫人祠 城東二十五里祀齊孝婦顏文姜

明 黃忠宣公祠 縣治南祀明尚書黃福

陵墓

周 逢丑父墓 城南五里

漢 梁王彭越塚 城東密城

明 黃福墓 城西新郭

金石 金 長生子遇仙園詩刻 城東南青石山

平度縣

遺跡 漢 膠東康王植池 城東趙家窪

烈女臺 城東南沾尤河西 志稱台高二丈餘爲烈婦王氏築世謂之貧女台

祠宇 宋 兵部尙書蔡齊祠 城北九里

陵墓 周 齊相寧戚塚 城西古莊

漢 膠東康王墓 城東雲台山下 王女墓附

漢 弘農令公沙穆墓 城北公沙山

唐 將軍王君适墓 城西門外

金 右丞相蔡松年墓 城西北

元 昭武大將軍崔世榮墓 城西北昌里店

元 忠義校尉任時進墓 城北花園

明 左中允李學詩墓 城東北十三里 唐順之誌銘

金石 秦 之萊山海眼口殘字 城北之萊山

秦 之萊山謝鴻石殘字 城北之萊山

秦 之萊山北天門殘字 城北天柱山

魏北 中書令鄭羲上碑 城北天柱山

魏北 鄭道昭天柱山銘 城北天柱山

魏北 鄭道昭東堪石室銘 城北天柱山

魏北 常利縣造象碑 城北蘇村 正光三年

魏北 殘造塔記 天柱山 武定六年

齊北 鄭述祖天柱山銘 天柱山 天統六年

齊北 鄭述祖天柱山頌 天柱山

宋 秦元似大澤山詩刻 城東北大澤山

掖縣

遺跡

秦 始皇望海臺 城西北小原河岸大塚子

秦 盤石 城北三山島 志稱盤石方圓五步狀若石盞傳為始皇鑿盞盛酒祈神

漢 丹霞壁 城東擊水頭 志稱山有石刻丹霞壁三字傳為韓信所書

漢 三山臺 城北五十里 志稱漢武帝築台北望海中三山

漢 幸臺 城南門 志稱武帝東巡訪安期生登此碑篆尚存

祠宇

夏 禹王閣城南門外

唐 高祖子魯王廟城西土山嶺

陵墓

晉 膠東令王公墓城東北大朱村

唐 監察御史王無競墓西門外三司閣

金 劉長生墓城東武官莊

元 宋德方墓城南平村觀旁

元 都指揮使耶簡墓城西鄭村

元 宣慰使樂實墓城南墳莊

明 太保文簡公毛紀墓城南福祿山

明 義士趙士誥墓城東二里

金石

晉 南郡太守郭休碑城東北上泊村 秦始六

魏北 中書令鄭羲下碑城東南雲峯山中峯 永和四年

魏北 鄭道昭論經書詩刻雲峯山陰 永和四年

魏北 鄭道昭觀海童詩刻雲峯山西峯

魏北 鄭道昭仙壇南山門題字雲峯山南口

魏北 鄭道昭朱陽室題字雲峯山東峯

魏北 鄭道昭青煙寺題字 雲峯山東鎮
 魏北 鄭道昭玄靈宮題字 雲峯山極北
 魏北 鄭道昭仙壇北山門題字 雲峯山北口
 魏北 鄭道昭白雲堂題字 雲峯山西峯
 魏北 鄭道昭白雲堂三大字 雲峯山西峰
 魏北 鄭道昭題名殘字 雲峯山西峰右
 魏北 鄭道昭置仙壇詩刻 雲峯山西峰左
 魏北 鄭道昭石匠于仙題字 雲峯山中峰左
 魏北 鄭道昭耿伏奴從駕題字 雲峯山西峰北
 魏北 鄭道昭雲峯右闕題字 雲峯山西峰西南
 魏北 鄭道昭九仙名題字 雲峯山東中峰
 魏北 鄭道昭安王二仙棲止處題字 雲峯山東中峰
 魏北 殘道昭赤松浮邱二子棲止處題字 雲峯山南峰
 魏北 鄭道昭羨門子棲止處題字 雲峯山南峰
 魏北 鄭道昭當門石坐題字 雲峯山東中峰頂
 魏北 鄭道昭山門題字 雲峯山北東峰

魏北 鄭道昭雲峯山左闕題字 雲峯山極北峰

魏北 鄭道昭飛仙室詩刻 雲峯山中峰南

魏北 鄭道昭大基山置仙壇詩刻

魏北 鄭道昭中明壇題字 大基山光天觀

魏北 鄭道昭大基山題字四種 大基山峰四面

魏北 中書令鄭羲石象 雲峯山中峰南

魏北 鄭道大基山銘告 大基山口河岸

齊北 爲陳使君造象記 城東南普照寺

齊北 鄭述祖登雲峯山記 雲峯山極北峰

齊北 髡髻石人題記 大基山西峰北

齊北 鄭述祖題雲居館石刻 大基山西峰北

齊北 光州刺史于文公德政碑 城西北福山

齊北 五龍廟殘碑 城西五龍廟

周北 講經壇碑

唐 萊州刺史唐貞休德政碑 舊府署四知堂前 開元十年

唐 監察御史王無兢墓誌 西門外三司閣 開元十二年

- 唐 徐景伯妻王氏墓碑 城南梓村 乾寧元年
- 宋 資聖寺石幢 城西南資聖禪寺 木中祥符九年
- 宋 學士蘇軾天堂山醉翁亭殘刻 城東南天堂山菴兒澗
- 宋 郭異觀海詩刻 城西北東海神廟 崇寧元年
- 宋 虎頭巖告老等題記 雲峰山陰虎頭岩 崇寧二年
- 宋 魏敏中題名 雲峰山陰虎頭岩 崇寧二年
- 宋 徽宗賜辟離詔書碑 舊府學宮 崇寧三年
- 宋 大觀聖作碑 舊府學宮 大觀元年
- 宋 鄭義象側題字 鄭義象左右臂 政和三年
- 宋 秦覲觀鄭義下碑題字 鄭義下碑下 政和三年
- 宋 趙中機等題名 雲峰山陰 政和四年
- 宋 舒天衢等題名 雲峰山陰 政和七年
- 金 重修開元寺碑 城西南盧旺村 大定十七年
- 金 王重陽畫象詩刻 城內青羅觀 大定二十二年
- 金 劉氏祖塋寒食享祀序跋碑 城東武官莊 大定二十八年
- 金 劉長生大基山詩刻 大基山磨崖 大定二十九年

- 金 劉長生靈虛宮倡和詩刻城東武官莊 大定二十九年
- 金 李朮魯驃騎節使園亭記碑城東武官莊 大定二十九年
- 金 長春子道土谷春日登覽詩刻大基山道土谷 泰和七年
- 金 先天觀三大字石刻大基山先天觀 貞祐三年
- 金 遇仙園三大字石刻武官莊長生觀
- 金 李朮魯蓮花池記長生觀前
- 元 重修資聖禪院碑城西資聖禪寺 大朝丁未
- 元 神仙洞聖旨碑 大朝七年
- 元 輿仙觀碑城北王家村 憲宗七年
- 元 靈虛宮改額加碑武官莊 中統四年
- 元 重建太微觀碑城東北朱橋鎮 至元四年
- 元 長生萬壽宮披雲真人制詞碑城南神山 至元七年
- 元 石之溫墓碑雲峰山下 至元十六年
- 元 史烜祭東海神廟記東海神廟 至元二十六年
- 元 長生萬壽宮碑城南神山 至元二十七年
- 元 重修大悲院碑城西萬歲河北岸 至元三十年

- 元 西田場新建廟學碑 城北西田場 大德三年
- 元 披雲真人道行碑 城南通仙宮 大德四年
- 元 城隍廟碑 城隍廟內 大德十年
- 元 贈掖縣男王慶墓碑 城南三里河泰定五年
- 元 齊國武敏公樂實碑 城南墳莊 元統三年
- 元 褒封劉真人碑 靈虛宮 順帝至元六年
- 元 提舉劉公神道碑 城東北紫羅壩 至正十年
- 元 楊氏先塋碑 城北武城村 至正十年
- 元 重修東海神廟碑 東海神廟 至正十三年
- 元 關帝廟碑 城內關帝廟 至正二十七年
- 元 都指揮使耶簡墓志 城西郎村
- 元 神山牛講師碑 城南神山
- 元 汪春墓碑 城北平里店
- 元 長生子梨花詩祠石刻 武官莊靈虛宮

招遠縣

陵墓 宋 狀元王俊民墓 城西南聚靈嶺

煙港路工賑紀略

明 資德大夫楊公墓 黃土崖

明 通政使楊公墓 城西靈山

齊石 元 邑令繼民德政碑 縣署前

元 邑令陳子恒德政碑 縣署前

元 重修廟學碑 學宮內 大德十年

黃縣

祠宇 周 齊濬于髡祠 城東濬于村

陵墓 周 齊濬于髡墓 城東北蔚陽山

北 中堅將軍鞠彥雲墓 城南戰家疇

明 兵部尙書王時中墓 城西北一里

金石 晉 咸寧甄文 潁邑人丁氏 咸寧元年

北 趙瑀造象記 潁邑人丁氏 皇興三年

北 靈山寺塔銘 潁邑人丁氏 太和元年

北 中堅將軍鞠彥雲墓誌 學宮尊經閣 正光四年

東 王光造象 潁邑人丁氏 武定七年

唐後 登州刺史濬于公神道碑 蔚陽山

宋 延真觀紀異詩刻 廬山延真宮 紹聖五年

元 金華宮碑 學宮尊經閣前 至元八年

元 重修宮聖廟碑 學宮內 至元九年

元 月主真君靈驗記 城東南萊山月主真君廟 元貞元年

元 昭武將軍遇珍墓碑 城北五里 大德十年

元 寶唐寺塔題字 城東北十五里 至大三年

元 加封孔子制詔碑 學宮內 延祐六年

元 龍山石壁題字 城西南龍山石壁

明 重刻元黃縣子楊智墓碑 城西三年

蓬萊縣

遺跡

齊田橫寨 城西北田橋島

漢 武帝望仙門遺趾 舊府署東鼓樓

宋 郡守朱處約蓬萊閣 水城北丹崖山巔

宋 學士蘇軾祠 蓬萊閣東

明 少保戚繼光祠 城內表忠祠

陵墓 元 朝列大夫甯秀墓 城東五里揚地

明 尙書陳其學墓 城東南臥龍岡

明 少保戚繼光墓 城東南芝山

金石 周 伯高廟 藏邑人張氏

漢 琴亭國李夫人靈第畫象題字 藏邑人張氏

漢 徐孝子軫文 城西呂家窪

晉 東牟侯夏氏軫文 城南頂上丁家村 泰始二年

唐 駝磯島磨崖題字 城北駝磯島上

宋 趣果寺新修大聖殿記 北門樓西北極廟 慶曆五年

宋 蓬萊閣記 蓬萊閣上 嘉祐六年

宋 張備墓誌 藏邑人某氏 嘉祐八年

宋 學士蘇軾海市詩刻 蓬萊閣蘇公祠 元豐八年

金 南崗山龍興寺題記 城南崗山飲馬泉

福山縣

遺跡 金 曉霞亭 城南修真觀 志稱金王重陽建

陵墓 周 齊康公墓 城東北之祭山下

明 孫遇墓 城西南十里

金石

明 郭宗皋墓 城東南二里芝陽山

漢 置車驛使畫象 藏邑人王氏

晉 安邱長城陽王君墓道誌 藏邑人王氏 太康五年

魏北 齊郡太守口澄寂墓誌 藏邑人王氏 正光元年

魏東 造象題名二殘石 藏邑人王氏 武定七年

周北 齊安成主時修墓誌 藏邑人王氏 宣政元年

金 重修金堆寺碑 城南十五里 皇統九年

金 馬丹陽誓救歌石刻 城西積金山道仙宮 大定二十三年


元 八陽神主廟碑之翠山上 元貞元年

元 德勝廟碑 城西南二十里 延祐元年

元 修廟學碑 學宮內 延祐五年

元 文廟學田碑 學宮內 泰定元年

元 祝聖道院 城東南祝聖山 元統三年



344

918126